

III *

BIBL. NAZ.
VITT. EMANUELE III

XXVIII*

A

7

NAPOLI

e. 95-68

XXVIII*


a

7.









GENEALOGIA (RIST)

De Alundi Gares

De ducta

Auctore R. P. Joanne

Baptista

Vanden Wycke Ord. Eremit. S. O.

Agustini

Antuerpiae

Anno. Xpi. MDCCLIII.



ILLVSTRISSIMO AC REVERENDISSIMO
D O M I N O,

D. IACOBO BOONEN,
ARCHIEPISCOPO
MECHLINIENSI,
BELGII PRIMATI,

Regiæ Maiestati à Consiliis Status,

ILLVSTRISSE PRÆSVL



Tſi dehortari debuit im-
meritę meę tenuitatis agni-
ta ratio, quo minus præſu-
merem ſublimius Illuſtriſſi-
mæ Tuæ Gratiæ faſtigium
ſuſpicere, auidamque libel-
li cupiditatem ſiſtere, qua in adyta benigni-
tatis Veſtræ, inſinuare ac deuouere ſe tere-
batur; efficaciùs inuitauit, ſecurumque im-
puliſt ſuauiſſima ea dignatio, quā etiam mi-
nutiora quæuis augere præuales. Iuſſit ma-

E P I S T O L A

teria, & fiduciam creauit, quam inferior opera arguebat, quin omnino obscuram lucem visæ queri Camœnæ, & nouercales ingratias ituræ, si fauoris Tui auspiciis fraudarentur: adeoque omnia conspirare & vrgerè, vt alioqui debitum nefariè subducere censeret. Et quo grandæua illa, quia Virgineo Partui Priuigna, series, rectius procedat, quam si in consortem tantarum virtutum, affinemque Heroum, quos pangimus, animum contendat? Quî tutius ætates, quàm si vegeto Venerabilis Tuæ Ætatis robore solidentur? Vlnas olim seniles Christus infans beauit, meta illa quam toto stadio studiosè suspiras, præuium Patriarcharum agmen sequitur & adducit, radicemque salutis germinantem dirigens ac aspiciens, in Proauis dotes cognoscit, quas denuò Tuæ magnitudini inseruit: sacerque ipse cœtus suaui reciprocatione de meritorum spectata sublimitate oblectatur: vt particeps fieri hoc compendio desideret, qui omnis consummationis compendium claudis.

Ætates siquidem diuidimus, quas omnes
pleno

DEDICATORIA.

pleno æuo coniungis, varios variè laudabiles efferimus, quorum omnium vestigia refers, ab eo degenerare nescius, qui regenerationis nostræ est author. Sed enim ne pondus Honorabilis æui *Puerilis* ac *Pastoritia* *Ætas* dedeceat, candore innocuo præstas: & Dominici ouilis portionem commissam fidei adeo custodia seruasti dudum, vt angustius Belgii Hemisphærium conspicuæ lucis in exemplar diuersis regionibus luculenter communicârit. Pastor verè optimus inter oues, Ovis fida Apostolici gregis: nec immeritò conijciam, quia innoxia vitæ instituto adlaborare velles, primæuæ integritatis suscitare salutem. Quo clypeo & armaturâ munitus cœlestem *Militiam* gnauiter exerceas, *Ducisque* strenuè munus obis, vt dēses & excors ille fiet, quem non Tanti antesignani robur admoneat, morticinè egelidus quem, non zelus accendat. Ne porrò fasces eos omittam, quibus Deo obtemperare ac subesse, præesse mundo omniq̃ vicissitudini, & lubricum omnem frænare impetum vales, vt proinde
innu-

EPISTOLA

innubilâ ceruice *Regiam* semperque serenam
frontem exporrigas, quiq̃ue generoso aduer-
sum vices omnes ludibrio dimicet, vultum
opponas. Utq̃ue ea maioribus augurijs du-
dum proluderent, quam senio *Maieſtatem*
imples, quam profundâ humilitate ſtudio-
ſquelatendi obnubis! equidem vt typus eſſe
adnitaris, quos ſelectæ vitę ſolitudo abdide-
rat, & famæ odoras nares ſubterfugere la-
borabant: vt nihil eorum Pontificum,
quos in graui *Mundi ſenio* recolimus, laudes à
Te alienum quidquàm oſtentent, quùm
omnium Pietatem ac robur renouatum ex-
ſeris. Denique ſi *Sanctitatis* Æuum finiēdo
admemoro, ibi, nec præter alibi, conque-
ſcis, intimumq̃ue olim Temet inſinuas. Sed
quorſum? nec enim animus mihi aut facul-
tas encomiis habenas permittere; cui pro-
num adeo ſtylo impare derogare, quàm mo-
deſtiæ Veſtrę moleſtum eſſe: fucus hic omnis
& verborum lenocinium, quamuis tam exi-
mias aures numquam attigerint, ſincerita-
tem ac veritatem obtinent, & quidquid a-
pud immeritos adulantum coaceruant blan-
ditia,

DEDICATORIA.

ditia, debiti pondus habet. Non dicam
quam continuo indefessè prout innumere
Deo, Patriæ ac Regi Te probasti, om-
niaque quæ præsens miratur ætas, præmis-
sæ, quas enarramus suscipere, sibi quæ æter-
num sociare gestient, futuræ imitari maxi-
mè contendent. Non abnuet Ill.^{ma} Tua Do-
minatio, quod modò vnum supplico, vultum
benignum oblato Patriarcharum Ordini,
quem augere denique adspiret, & nimia hu-
manitatis beneficio, fauoris publici lucem
parare.

Illustrissimæ, ac Reuerendissimæ Gratiæ Vestræ

Humillimus seruus & Cognatus

*F. Ioannes Baptista vanden
Cruyce. Aug.*

Antuerpiæ à S. Augustino. 14. Maij. 1654.

APPROBATIO.

Ætatem author superat, dum mundi has Ætates versu, quod intentatum hactenus, tam elegante describit. Legant utinam & memoriæ mandent quamplurimi, ut Generationem eius, qui nobis æternæ est auctor, condiscant & enarrent alijs.

Ita vouco & censeo

F. PHILIPPVS van ELICH,

Gymnasii Antuerpiensis Praefectus.

vi. Kal. May. M. DC. LIV.

APPROBATIO.

EX commissione R.^{di} adm. P. M. N. Prouincialis Ordinis Eremit. Sancti P. Augustini per Belgium, legi *Ætates Mundi eleganti carmine descriptas* à R. P. IOANNE BAPTISTA VANDEN CRUYCE, & nihil reperi quod sit bonis moribus aut fidei contrarium, sed omnia praealo dignissima. Hac 26. April. 1654. Antuerpia in Conuentu Augustiniano.

F. CONST. HECHTS

Ord. Praefati Religiosus.

Libellus hic, cum non contrarietur neque bonis moribus, neque fidei orthodoxæ, typis divulgatur. Ita iudico. Hac 8. Maij 1654.

Christianus Voochts Archidiaconus,

& lib. Censor. Antwerp.

L I C E N T I A R. P.
M. P R O V I N C I A L I S.

V Iso Testimonio Venerabilium Patrum Ordinis nostri, quibus lectionem *Genealogia IESU CHRISTI per Aetates mundi* ab Hon. P. IOANNE BAPTISTA VANDEN CRUYCE, Ordinis nostri Sacerdote Latino Versu descripta commiseramus, concedimus quantum in nobis est eiusdem in lucem publicam editionem. Signatum Bruxellis 2. Maij 1654.

F. IGNATIVS DYCKERVS Ordin. Eremit.
S. Augustin. Prouincialis.

E R R A T A

fol. 13. v. 17. sæclo. fol. 44. v. 9. impatiens. fol. 80. v. 16. Cum superis populo. fol. 83. v. 12. tueare. Ibid. v. 14. legit. fol. 85. v. vlt. seu. fol. 160. Tit. Eliacim. fol. 180. v. 10. multos. fol. 206. v. vlt. libros. fol. 212. v. 19. manu. fol. 219. v. 7. irrupit. fol. 237. v. 6. Verbum. Ibid. v. eod. caruit. fol. 243. v. 26 scrobe.

REVERENDO IN CHRISTO PATRI
F. IOANNI BAPTISTÆ
VANDEN CRUYCE,

Augustiniano.

*Quando moras tabulis pingendis neſcit Apelles,
Dicſtur æternam pingere mente diem:
Ætates mundi qui carmine ſtringit acuto,
Æternam nunquid pingit & ipſe diem?
Non dubito, ſimilem referet condignus honorem,
Laudibus Ætates ſacula cuncta dabunt.*

Plaudebat Cognato ſuo F. Maximilianus

à S. Maria Magdalena, aliàs


d'Houyne, Carmel. Diſcalc.

SVMMA PRIVILEGII.

PHILIPPVS Dei Gratiâ Rex Castellæ, Legionis, Arragoniæ, vtriusque Siciliæ, &c. Archidux Austriæ, Dux Burgundiæ, Lotharingiæ, Brabantiæ, &c. Comes Flandriæ, Arthesiæ, &c. Diplomate suo sanxit, ne quis citra voluntatem HENRICI AERTSSENS, Typograp. Antuerp. Librum, cui titulus est, *Genealogia Christi per Mundi Etates, deducta*, Auctore R. P. IOANNE BAPTISTA VANDEN CRUYCE Ord. Erem. S. P. Augustini, proximo sexennio imprimat, alibiue impressum in hæc ditiones inuehat, venalemue habeat. Qui secus faxit, confiscatione librorum, & aliâ graui pœnâ mulctabitur, vt latius patet in litteris datis Bruxellæ, die 17. Aprilis 1654.

Signat.

Loyens.



ADAM.

MUNDI
PVERITIA.
PASTORES.

THE
LIBRARY
OF THE
MUSEUM OF
ART AND
ARCHAEOLOGY
OF THE
UNIVERSITY OF
CAMBRIDGE

Adam, & Eva.

|

Linea infamis.

Linea Christi.

Cain.

Abel.

Seth.

Henoch.

Enos.

Irad.

Cainam.

Mauiaël.

Malaleël.

Mathusaël.

Iared.

Lamech.

Enoch.

Iabel, Iubal, Tubal.

Mathusales.

Lamech.

ADAM,

1877

1877

1877

1877

1877

1877

1877

1877

1877

1877

1877

1877

1877

A D A M,

Terra filius.

Æ N I G M A.

HVc oculos, animumque; leges miranda, viator.
Primus homo tumulor, tumulus, morsque ipse sequentum;

Omnes nempè vno ceruices impete fregi:
E cœno cælo, è nihilo velut omnia factus,
Fictus homo, & verus. Quo sim genitore creatus?
Patre orbus, non orbus eram, non posthumus ulli;
At ne me genitum, sed factum crede parenti.
Expers vnus ego patris, genitricis ab aluo
Exiui numquam. Mecum vis noscere matrem?
Cum perij, agnoui. Quin & mihi lignea nutrix,
Et sine lacte fuit, nec pavit lactis egentem,
Solicitæ soror è gremio mihi prodita matris,
Cultorem expresso succo lactavit adultum.
Filia, quam duxi, nec cèrtè est filia coniux;
Aut patre rapta suo, rursus cognouit eundem,
Vt me patre grauis mundum mundo ederet omnem:
Sternimus vnà auiam, vix nata est nupta, tulitque,
Quo caderem, auxilium, frugem deperdimus vnà
Fruge omnem, nostris confidens moribus ex quo
Turpis auarities orbem toto ore voraret,
Et mordax liuor stirpem accensaret auitam;
Vnoque à morsu mors insatiata maneret.
Immortalis ego vitam, mortemque creauit;
Omnes debetis, quod vos debere, parauit.

A

Et

Et mea me proles errantem ponè secuta est,
 Promptior in vitium. Quis me malus abstulit error?
 Doctus eram; at quantum mortalia corda sciendi
 Vesano impellit motu damnosa libido!
 Omnia cùm scirem, frustrà plus scire petebam,
 Et cupidos aduersa subit dementia sensus.
 Illecebris malesuada virum me femina pomi
 Ceperat, & vetitæ delibans fercula stirpis,
 Eijcior siluà, siluam dum carpo, beatà.
 Infimus è summo, factusque è rege colonus;
 Et quia non colui cælum, mihi terra colenda.
 Hoc vno consors mihi coniux, compare fato,
 Quod consorte iugo gemimus, noxæque reatu.
 Sudantes vnco matrem diuisimus vngue,
 Donec nos vtero nascentùm excepit origo.
 Scilicet infidi monitis cælestibus ambo,
 Coniugem ego, meque illa, & vterque occidimus omnes.
 Vnius mala tot sunt nata cupidine mali:
 Quà ludens medijs sinuosus frondibus anguis,
 Mortiferum vomuit, cunctique hausere venenum.
 Vester ego, ô feri, post plurima sæcla nepotes,
 Heu! vobis numquam vilus, vos ante peremi,
 Quàm genui. In melius facies est versa malorum;
 Quæque arbos virus fuerat, mihi facta medela est.
 Mulctatusque Deus culpam abstulit. Ille reuersus
 Infernum dum carpit iter, cælestia scando.
 Et nisi peccassem, minus attentasse putarer:
 Maioris species quandoque est perdere lucri.
 Vis nomen? Græcis, vide, quæ sunt quatuor orbis,
 Anatoli, Diâsis, Arctos, Mellembria partes;
 Junge caput sectum capiti, iam nomen habebis.
 Mille annos vixi, si demas septuaginta.
 Post centum, triginta duos, & millia quinque,
 Surrexi tumulo, Christo visente, relicto.

C A I N,

Adami filius.

EPITAPHIUM.

INferias hùc ferales, mala verba, viator.
Tertius hic inter viuos, primusque malorum,
Ingratus cœlo, nec frugum munere dignus,
Cœpit auaritiâ totam corrumpere frugem,
Imponens peiorem aris. Sator ille nefandus,
Esse querens ingrata sibi sata, cedere fratris
Non vltra passus nimium feliciter Aris,
Mactauit fratrem, si victima gratioresset.
Mortem inuenit, & intexit; mors horruit ipsa
Isse per infantis primo vibramine pectus,
(Orbo parte sui magnâ crudeliter orbe;
Heu quantum concepta animis exorbitat ira!)
Et messem vltrici meliorem falce luisse:
Ceui lacte, innocuo desin oblectata cruore,
Infantes petit, & mundo securior instat,
Fraternâ diducta manu, dextroque furore.
Haud impune feret. Jamque ecce apparitor vmbra est,
Silua forum peragit, testis vel mortuus vrget,
Quemque fugit, Deus est, & mens malè conscia facti;
Frustra, inquam, fugit insanus, sequiturque seipsum.
Mendacem mendax fugat vmbra, scelusque scelestum:
Omnia tuta timet, veluti fortuna locorum,
Non sua se premeret. Tanti est spreuisse timenda.
Viram odit, mortem fugit, atque vt nullibi viuat,
Viuit vbique, & iniquo est omnis sub lare fundus.

Vallatis primam tutavit mœnibus urbem,
 Vt qui nec campis, fieret vel carcere tutus,
 Vel tenebris; sed nulla malis sincera latebra.
 Est malè vbiq̃ue malis. Mox structâ pulsus ab vrbe,
 Rursus amat saltus, oculoq̃ue errante Lamechus,
 (Namque manus errare nihil potuère cruentæ,
 Inque scelus docilis, facilisque occidere dextra)
 Quem putat esse feram, errantem ferit ille Cænum.
 Effusus in fratrem fuerat. Cum crimine pœna est.
 Sed bis vtrique scelus lugendum in prole parenti,
 Seu dum punitur, seu dum committitur vnum.
 Tartara fundauit, furijs raptatus iniquis.
 I, fuge nunc, terramq̃ue quate, infernumq̃ue, viator.



ABEL,

Adami filius.

T V M V L V S.

I Gnotam vocem de glebis fortè, viator;
Formidas, clamorifamque hausto sanguine terram.
Vocali confiste solo, néve effuge questus,
Quos cælum audiuit. Prima hæc mortalibus vrna;
Non prægustato pasta est farcimine tellus.
Pastorum Primas iacet hîc, iustissimus ille,
Arbitrium de quo primum tulit inuida Clotho.
Fatidicum cui nomen Abel, dedit omina luctus;
Exitus auspicio grauior. Lacrymare viator:
Vitam etenim nulli, flendum omnibus egit agonem.
Exercens Pastoritiam, quam repperit, artem,
Vili sceptrâ pedo mutans, regale gregali
Miscuit in grege Rex, cuius non vita tributum
Penderet, ast villi, lanâ contentus ouillâ,
Non etiam totis lanienæ viribus instans:
Neû seruet pecudis malè quæstâ pecunia nomen;
Tondebat pecus, haud populum. Quin blandior illo,
Et presso lacte innocuis præ carnibus vsus,
Mitis alumnus alens; pastor grege pastus ab ipso,
Rex ipse inter oues, Reges ouis inter iniquos,
Aurum vellus erat, de caulâ fecerat aulam;
Et ceu purpureus, pastoria pellis, amictus,
Pacis onus, sceptrum, baculus syluestris oliuæ.
Consimiles alimento collactaneus agnis
Imbiberat morès, insultans dente minaci

Cùm minùs effrenem rapuit totò è grege partem
 Trux fera, & has terras sacrato sanguine tinxit,
 Ille quidem intactis agnos admouerat aris,
 Sacrificisque focis dederat : sed cædibus istis
 Inuida luxuries. Sua sunt libamina Diuis.
 Hàcque mori dextrâ certarunt, læta beatam
 Balanti sese confessa est ore capella.
 Annuit oblati Numen, Diuùmque loquela,
 Linguosus superis ignis transparuit oris,
 Sacratasque dapes lambit, frendente Caïno,
 Qui procul inuisum turbis, abducit in agros,
 Desertumque ferit, germanaque guttura figit.
 Quo telo? Ligno. Ligno mors orta maligno est.
 At quorsum impetiit? Jugulo. Sunt limina mortis
 Fauces. Ne cæso dubites in Abele Parentes
 Multari : sed peccantùm vesania quanta est !
 Guttore compresso, Cain mutum esse putabat
 Flagitium, & surdo crimen cum corpore tolli,
 Sed quid agat? Fracto iugulo vocalior alter
 Altius è tumulto clamat, terretque nocentem,
 Et viuum citat extinctus. Nunc disce, viator,
 Justitiam. Fratrem qui prodidit, omnia produnt:
 Corporaque infandum facinus vel muta loquuntur.



H E N O C H,

Caini filius.

I R A D,

Henoci filius.

M A V I A Æ L,

Iradi filius.

M A T H V S A Æ L,

Maniaëlis filius.

C E N S V R A.

Q Vid potuere igitur tibi, quid committere tantum,
 Quod calamo indignere tuo, sanctissime Vates,
 Henochum, Iradum, Maniaëlem, Mathusaëlem,
 Posteritasque Cain tacito sermone notata est?
 Nomen, nec vitam loqueris, nudumque trophæis
 Inscribis vacuis titulum. Quid nomen inane,
 Quid sine sit gestis? Quod sunt sine nomine gesta.
 Nimirum fastis, factisque perinde caremus.
 Fallor: testis enim manifestat facta propago;

Impro-

Improbitate probant, quâ sint ab origine natî.
 Expendis iustâ, Diuine Actuârie, lance;
 Hoc unum satis est, genitos dixisse Cains.
 Exurgunt, ortusque suos mala germina produnt.
 Progenies Patrum est similis, vitiumque Lyxi
 Continuant Thyrsi. Sic scædum exemplar auito
 Deformis, non difformis stirps stemmate traxit.
 Quorsum igitur referat, mutato nomine, quæ mox
 Dixerat? aut cuncti similes vixere Caino,
 In cunctisve Cain, facinus crudele, reuixit.
 Ergo iterum in luctus Sed ne quandoque locutum
 Pœniteat Moïsen, auremque offendat amicam;
 Nec tacuit, nec gesta etiam est infanda locutus.
 Esse modestus amat, ne sit fortasse molestus.
 Oblitus numerare, sed hoc prudentior, annos;
 Nil etenim viuit, quisquis malè viuit, & annos
 Perdit, non habet impietas. Grauiora scelestis
 Supplicia exacturus adest, dum crimina celat.
 Quos pungit, calamo expungit: quot nomina truncat,
 Tot capita obtruncat. Nunc æternum ergo iacete,
 Incesti, latrones, proles digna Caino;
 Et latebram, ac tumulum, concessa silentia, dono.



L A M E C H.

Henoci filius.

VATICINIVM.

Progenies cæso non inficianda parenti,
 Facta inconsultum condemnant; & modò fata
 Consulis? ô quid agis? quæ te lasciuiâ demens?
 Quid bis amas, amens bis, mancipiumque iugali
 Te gemino stringis vincolo & diuortia pacis
 Coniugio innectis duplici? est pro pellice coniux
 Vtraque, fatidico fors vt sis nomine dictus,
 Lamechus, mœchus. Quænam hæc concordia discors,
 Coniugibus cor partiri discordibus vnum,
 Et prolem alternis alternam ferre nouercis?
 Certa odia, & certum riuâli coniuge bellum
 Instat, in incertas pugnabunt vtraque tædas,
 Et facibus geminus ciet aduersis Hymenæus,
 Et dum confligent, infligent vulnus amores.
 Jam te damnauit repetendo funere cælum.
 Si lucem septem vltra septuaginta videbunt,
 Tu quoties gignes, amissâ prole dolebis.
 Impius interea genitor, quo germine terram,
 Hoc oneras genere; & quod auo magis improbus illum
 Configis iaculo. Sed nil tibi terra, Cæino
 Exanimi, debet, si vitâ, animoque ferino
 Esse Cæin pergis; pergis, natoque perempto
 Credis aui manes placasse; at, siue scelestos
 Oignis, seu perimis, fœcundo crimine crescis:
 Mortem illi, vitij vitam tua tela dedere,

to MVNDI PVERITIA.

Id malè habet, meritoque malos, per mutua quòd se
 Plectunt arma, malum, quod non sine crimine plectunt.
 Rima scelus letho est. Et inanes luminis orbes,
 Et furuâ longam ducis caligine noctem,
 Et prius orbe cares, quàm vitâ; filius adstat,
 Atque manu regit errantem, præit indice gressu;
 Tu gnatos non rexisti. Mox ibitis vnâ:
 Præcipites contoluit aquas, & colligit imbres
 Æther, naufragium restat commune scelestis,
 Deficiat medijs vt flamma cupidinis vndis.



JABEL;

I A B E L

Lamechi filius.

PROSOPOPOEIA.

SI malus es, siste hîc, & dic bona verba, viator.
Lamecho scelerum prognatus patre patronus,
Deque malis meritis bene, dum mala nulla latebant,
Pelliceis primùm villis tentoria fixi,
Spectantemque polum rapui. Tum crimina tuta,
Si bene testâ manent. Quod iniquo inuenta latebra est,
Ingenij est, meritiq̃ue mei; fiducia creuit,
Nec patriâ caruit, caruit nec patre, & adulta est,
Quod sit inulta; ouium fallax cum lana rapaces
Inuoluit mentita lupos. Maiora peregi:
Cum pœnale homines traherent, & crimen, aratrum,
Duræ pensum operæ; ductis tentare sepulchrum
Impatiens sulcis, seruire vicaria iussi
Colla boum tolerare iugum: fors durior vrget
Jumenta; hæc sero prouidi commoda sæclo.
Quidquid peccarunt iuuenes, gemuere iuueni.
Quæ rudibus tantùm armentis: & equestria deinde,
Quadrupedem primùm docui mordere lupata:
Gressu equitem volucris volucres superare, notosque,
Jamque equus insuetas rabidus feruescit in iras,
Exolasque quatit phaleras, spumantia frena
Ore remolitus tardam fastidit arenam,
Ferreâ scrutatur lapidosos vngula calles,
Meque petit vindex. Sed equum conuerte, viator,
Ne tumultum euertat; superos ego fugero frustra,
Si me nudatum tumuli intra viscera spectent.

I V B A L,

Lamechi filius.

N Æ N I A.

Ille hic, qui quondam gracili modulatus auenâ
 Carmen, & exiguum primus, quo ducimus ævum,
 Spiritum in harmoniam seduxit, pellice tractu,
 Cantibus irritans vocem, cælestia terris,
 Atque planetarum modulos quævis voluitur axis,
 Finit, & æthereas commiscuit auribus auras,
 Non per vulgatas chordis socianda locutus
 Verba artes; citharæ senserunt pollicis ictum,
 Indignata, necem iurarunt sidera; molles
 Deuouet accentus, quibus olim duruit orbis.
 Nec tutæ siluæ, liber neque cantibus ær,
 Insidias, sua damna, scient volucresque feræque,
 Non istâ immunes ibunt dulcedine pisces.
 Fallere Sirenes cantu didicere, præiuit
 Voce homo, gestu ludens fallace, tonoque,
 Fictio composito modulo ut sincerior iret.
 Ecce & persequitur testudo, innoxius anguis,
 Quodque tulit, nudata audit portatile tectum:
 In chordas versæ pecudes sua viscera poscunt,
 Quique importuno sub pollice contremuit agnus,
 Pastorem arguit ingratum. Sed, vah malè pastæ
 Delicijs aures! Inter tormenta gementem
 Vis cantare gregem. Crûdelis! viscera tendis,
 Imparibus pecudum numeris discreta, choreas
 Agnorum ad gemitus pastorem ducere cogis,

MVNDI PVERITIA.

13

Et gyro facili formare Ixionis orbes.
 Vt nempè inficias animos , blandè afficis aures,
 Et ludi obnubis simulatum tegmine crimen.
 Consciis vt mergat polypus , complectitur ante,
 Tardaqué delinit , cùm tentat aranea morsum,
 Suauiter & mulcet mulier, cùm fallit, & auceps.
 Tu cytharæ fidibus celas infidus amores ;
 Dira Venus neruis pecudum , nil tale minantùm,
 Audaces hominum mentes enervat , & illo
 Corda ferit , quo chordam arcu. Irrepitque, pedemque
 Expedit interea mors improuisa propinquum.
 Occupat heu lethum meditantes læta citatum!
 Exemplum toti Jubal spectabitur orbi.
 Fila iocosa liræ pulsanti fata recident
 Exiguum vitæ filum , luctuque carebit
 Author lætitiæ. Ridet modo Præfica mutum:
 Lacrymulam sæculo, nimirum , flente, negarat.
 Spiritus indigno discessit ab ore choragus,
 Jamque rigent digiti , fessæ seruire recusant
 Obsequium fauces ; meritumque silentia vocis
 Longa trahit. Tremulum fors guttur auena peremit.
 Furuum adiit Ditem, nec eum sua carmina mulcent,
 Nec, velut Oëagrius, veteres remeabit in auras.
 Risit ; at extinctus viuo ridetur in igne.



TVBAL,

T V B A L.

Lamechi filius.

A N T I T H E S I S.

MVfica nunc alia est. Auras permulſit Iubal,
 Mox ferrugineis Tubal clangoribus aures
 Obtundet, lepidumque melos immitiùs incus
 Opprimet, impatiens vinci. Plectri ille repertor,
 Hic gladij. Nòris prognatum vtrumque Lamecho,
 Patre fero & molli. Dotem diuiſit auitam.
 Is graciles ſonuit cantus, hìc horrida bella;
 Sirenes alter mouit, ſæuum ille Graduum:
 Tam duræ præcepta artis faber improbus orbi
 Protulit, ingenium genio inſtigante proterutum.
 Ecce vt hic ex imo, ferrum propè Tartara fundo
 Vulnificumque paret, crucietque veneficus enſem,
 Omnia crudelis; toto Marte aſper & arte.
 Terrificam ſimul vſtrinam, ſonitumque, metumque
 Commiſcens operi, flammis ſequacibus iras,
 Igniuomos circum curſat, gyratque caminos;
 Feruet opus, folles agit fumofus, anhelos;
 Exanimes toties, totieſque animati animantem,
 Alternumque animum inſpirant, animamque fauillis;
 Et crebris ſignant venturos ignibus ignes.
 Crudus ferra coquit, ſtomacho ne concoquat iram,
 Crudus ferra coquit, ſed erunt embammata mortes.
 Indomitus chalybem igne domat, ferroque flagellat,
 Stridetque, & tepidâ demerſus ſibilat vndâ.
 Vt ferrum eſſe ferum incipiat, fabrumque recudat,

Seque

Seque vleiscatur. Læsa est patientia ferri.
 Heu fastidite quanta est industria vite!
 Quam natura breuem, breuiorem noxaque fecit,
 Ars delere parat. Scelerato digna Cæno
 Posteritas! mortem ille vocauit, hic addidit alas.
 Duxerat in campos, hic armat. Repperit ille,
 Mortalesque mori docuit, hic viuere nulli
 Tutum permisit. Cæin occiderat vnum,
 Hic quantos! Vah ô mortis studiosa propago!
 Ars tibi perniciem, quamquam latura magistro est,
 Quoque cadis, ferrum cudis. Jam dextra parentis,
 Ferro armata tuo, ferroque ferocior ipso,
 Exhaustum flando, nigrâ fuligine sparsum,
 Flagitium cumulans, renouato crimine tollit,



S E T H.

Adami filius.

S I M I L E S.

Nunc meliora tibi, nunc germina sacra, viator.
 Pensantur peiora bonis. Quod denique Cain
 Sustulit, hoc iterum mundo compensat Adamus.
 En geminatum in Abele Sethum. Est idemque, & ab illo
 Est alius, frons est eadem, idem est ardor utriusque.
 Jungere vis totos? tantum mihi nomina iunge,
 Quin serò fecunda duos iam mater in vno
 Ediderat partu, nisi bis peperisset eundem.
 Vnum grandem animam nequijt concludere corpus;
 Sefratri diuisit Abel, patrumque voluptas
 Vnus bis natus. Nec in uno stare voluptas.
 Nobilis inuicti generis dein linea crescet,
 Et virtus, agitata semel, se patria tollet;
 Sulcisque hæredes melioribus arua beabunt,
 Et gregibus leges, neglectaque regibus arma,
 Ingenio ingenuas artes, & pectora reddent.
 Tempia Deo, templisque senes, iuuenesque vouebunt;
 Et pietas irrupta, Sethi, merso orbe, natabit.
 Inuidiam Caine tuam! fecunda resurget,
 Quam calcas pedibus radix, vnumque metendo.
 Innumeros seris, applaudenti que asseris Orbi.
 Sic semper noceat liuor, vindictaque pugnet!
 Vulneris exemplum metuent inferna feracis:
 Tertius ut succumbet Abel; cum fœnore surgent.

E N O S,

E N O S.

Sethi filius.

E N C O M I V M.

NE iusta expectes præconia, laudibus impar
 Est calamus, superat nostram tua gloria pompam.
 Numinis ignotum nomen mortalibus affers;
 Impleuitque Deus corda, & quas condidit aures.
 Nil fieri maius potuit, nec dicere quidquam
 Dignius incipiam. Diuino hæc lumine virtus
 Perstringit reliquas. Nimirum interprete verbo,
 Et Diuum Patrem, *Verbo Mediante*, reclamat,
 Aspiransque sedet sacrato Spiritus ore.
 Jam pronum facile est Numen, rogitando, vocare.
 Esse hic empyreum, emporium, aut empyrica, iussit,
 Cum superum nostro commercia nexuit orbi.
 Officia opportuna! loqui vix Numina mundo
 Desierant; mundus scit compellare precando,
 Ac velut insertos ructare è pectore Diuos.
 Nec superis decus est leuius: sua gloria cælo est.
 Cum prius ignotus cunctis, Deus omnia nosset,
 Et daret ingratis, ingratave munera terris,
 (Munera ab ignoto ne non sint tuta timeamus)
 Descripsit primum Diuinis nomina factis,
 Propitium populis Numen, demissaque Olympo,
 Terrigenas docuit securè carpere dona.
 Cælestes animæ cælestia nomina cælo,
 Et sanctis partos labris traxere susurros,
 Inter versantes aurium cunabula, vt aurum.

Inflexusque æther verbis arrisit amicis :
 Reliquiasque soni labentis sustulit aura,
 Lambitque. In plausus faciles iuere volucres;
 Obtulerunt cygni titulos formando ministras
 Certatim pennas. Magni quoque nominis Echo
 Tartara pertonuit, veluti cum nubibus æther
 Collisis fremit horrendum, molem inque globosam
 Voluitur; Eumenides, consternatæque ruentes
 Exangues cæcos umbræ petiere recessus,
 Territum ubi ignotum lumen peruasit Auernum.
 Terra quid Enosso, quæ tandem præmia cælum?
 Quod dedit, accepit. Deus hoc est indice notus,
 Et prius incultis sonuerunt Numina terris:
 Numinis instar erit. Cultum fundauit, & aras,
 Impositusque aris, superum celebrabitur oris.



CAINAM,

CAINAM.

Enosfi filius.

MALALEËL.

Cainami filius.

O P P O S I T A.

Certa quidem est horum, tamen est incognita virtus.
 Non sunt ignoti virtuti. Dispare par est
 Relligio hæredum cum nomine, parque Parenti,
 Officijs natus dispar imitando parentat.
 Triste melos, threnosque pios, lamentaque Cainam,
 Psalmodiamque sonat, lætosque Malaleël hymnos.
 Poscebat sæclum lacrymas, fletusque malignum,
 Poscebat sæclum cantus, hymnosque benignum.
 Progenies renouat damnatum praua Cainum,
 Posteritas recreat iustum, pia germina, Abelum,
 Et virtus, vitiūque pari molimine certant,
 Impia cum sacris, & pugnant sacra profanis:
 Inde ruunt, fana inde struunt, nec legibus isdem
 Aduersam in partem diuersus scinditur ardor.
 Nullus homo tunc orbe fuit; sin Angelus esset,
 Bellua erat, vel haris omnis, vel dignior aris.
 Usque adeo mortale genus seu Numinis iram,
 Seu pacem meritum, miscebat gaudia luctu.

Partita officium pietas ; geminósque sacrauit,
 Qui Diuis, Myſtæ, fletu, cantúque litarent.
 Græcia Democritum, tua monſtra, ſile Heraclitum;
 Sufficit Autographo melius par promere Diuûm.
 Plangendo Cainam, lætum pangendo Malaleël.
 Sæcla nouem exegère, animámque is lumine flentem,
 Faucibus hic egit ; primúſque effleuit, & alter
 Efflauit. Nato vixit Caïnama ſuperſtes :
 Occupat extrémus nimirum gaudia luctus.
 Caïnamo genitum ſed ne mirere Malaleël:
 Certa etenim proles lacrymarum eſt vera voluptas.



JARED,

I A R E D.

Malaleëlis filius.

EXPOSTVLATIO.

Fama, quid hîc sistis. totidem quot prædita linguis,
 Tot pernix pennis? Jaredum deside stringis
 Et pennâ, & linguâ; nec prolem præter, & annos,
 Quicquam commemoras? factis, non viuimus annis.
 Ætatem obseruas, & prodis, facta referuas,
 Et perdis. Forsan repetito vt funere damnes?
 Aut patri geminus nasci dicetur Enochus?
 Aut vires hic fortè tuas superauit Iâred?
 Fallor: magnum etenim sunt thema silentia laudum;
 Nec Jared latitat, genuisse refertur Enochum.
 Hoc vñum satis est: patrem, velut vngue leonem,
 Innuit, & magnum simulat stirps magna parentem.
 Non equidem poterat, nisi dignâ ab origine nasci,
 Qui genus, & proauos, patrémque referret Iâred.
 Quàm magnum hoc fuerit, docuit mora, quippe parentis,
 Atque atauî poterat bis dici nomine felix.
 Miraris puerum genio, ingenióque senilem?
 Tunc maturus erat: Nemo cùm seriùs illo
 Cœperit esse pater, nemo diuturnius vñquam
 Prolem habiturus erat genitor quicumque futurus.
 Bis quinis annis vterum, fœtusque bilustres,
 Difficilem gestant matres parituræ elephantum;
 Non semper festina, etiam festiua fuerunt;
 Quin celeres iterum partus citò fata reposcunt,
 Vt sibi præreptos. Et cælum sæcla nouena

Moribus adiecit sobolem formando paternis;
 Mortalis primùm datus est puer editus Aris,
 Acceptumque tulit cælum cum fœnore munus:
 Morte manu-missus, longumque perennis in ævum;
 Sacrificamque animam, pulchro cum corpore, stellis
 Inferet. O magnum magni Genitoris alumnum!
 Magnum prole Patrem! Cælum prouidit vtrique,
 Nec pater orbis eris, nec erit te filius orbis.
 Tu nato, ille tibi, viuetis vtræque, superstes,



ENOCH.

ENOCH,

Iaredi filius.

CENOTAPHIVM.

EX auro vacuum faber hîc molire sepulchrum,
 Cœlestémque hominem viuaci emblemate cela.
 Infantem cunis positum ne finge, sed Aris.
 Septimus ex Adam, Deus hoc requiescere poscit.
 Raptandus cælo, primùm sese eripit orbi.
 Auratis pulchram maciem squaloribus apta,
 Argento lacrymas imitante, vt, *pœnitet*, olim
 Ignotum monstret potius, quàm suadeat orbi.
 Digressus filius, doceat vitare Cainos
 Vindictam, lacrymisque scelus delere, quod vltrix
 Tempestas mergat, vel missus diluat imber.
 Heu curæ in terras animæ; & cælestium inanes!
 Infidos monet, haud mouet, & qui flenda gemiscit,
 Ridetur vates: cum tardam despicit iram
 In facinus præceps, lentèque grauissima ferri
 Mens hominum ignara. Ad Sethos dimissus iniquos,
 In Diuos vertit. Ioue raptum sculpe: sed æther,
 Aut æx seruet, dubites. Alibi, ac ibi sculpe,
 Ridet vbi mortem, iactum extrâ & spicula mortis.
 Egessus viuus modò, defunctisque superstes:
 Ille sibi Phœnix senium iuuenile reposcet.
 An, quid agat; dubitas? toti spectacula mundo,
 Exhibet, intereà spectator totius orbis.
 In Pseudo-Christum pro Christo stare paratus.
 Bellabit, contraque hominem feret arma rebellem,
 Atque peremptorem perimet, licet ipse peremptus.
 Fige breuem tumulo titulum, dum sculpsieris ista:
 Non hîc Enochus jacet; at si quando iacebit,
 (Ante fleas, hîc quàm iaceat) tunc cuncta iacebunt.

MATHVSALES,

Enoci filius.

LAMECH,

Mathusala filius.

EVCHARISTICON.


F Elices animæ, quæ sidera noscere primis,
 Conatusque fuit superas conscendere sedes,
 Astræque in obtutus distantia ferre propinquos,
 Altumque illustri captiuare æthera mente.
 Mathusali genus humanum, plaudatque Lamecho,
 Plaudant astra, quibus dominantur cognita terris,
 Ignitam, ignotamque facem cum sidera mundo,
 Cum veherent frustra, propius, cæloque vocatam
 Lucem explorare, effectis discernere causas;
 Nempè solum implere polo, cælestibus orbem,
 Sideribus lumen dederunt. Clarissimus ille
 Æthere vagabatur populus, vix cognitus æthere,
 Alma videbatur lux affectare tenebras,
 Noctuæque hoc vno & gaudere tenebrio visu,
 Ignotum, tempestates quo sidere motæ,
 Ignotum, quo compositus, quo innubilis ær:
 Deliquia angebant tremulæ terrentia Lunæ,

Horren-

Horrentémque comis, cùm plebs ignara Cometen,
 Aut Phœbi incesto spectaret lumine Phœben,
 Inuadente iterùm Phœbum intercludier orbe:
 Nouerat hæc nullus cælo indignante moueri.
 Naturam confundebant, & signa Deorum.
 Fax immortalis luce indistincta caducâ
 Conspecta est temerè, mediastinósque vapores
 Primitijs stellis antè vltimus ordo ferebat,
 Patricios quasi stellarum, infimus ordo locabat.
 Quin fixo statuère errantia sidera cælo.
 Nilque perenne Polus, sed habebat cuncta per annos,
 Occiduo astra die nata; & nascente peribant,
 Sol, velut Oceano exturbatus, ab axe ruebat.
 Nil nôrant tristes Hyadas, imbrésque, niuésque,
 Consultans vanos, turba inconsulta, planetas.
 Sic toto errabant cælo. Callem ergo Lamechus,
 Mathusalésque facit. Nec figere sedibus istis
 Ferrea mens hominum poterat vestigia: Diuûm
 Vix vbi cælestes poterant cognôsse penates.
 Impermissum rimantur penetræ profanis,
 Inque altum librant certantia lumina Phœbo,
 Ingenijque faces, facie collustrante,prehendunt:
 Humanisq; oculis oculi patuère polorum.
 Muta loqui Superûm cœperunt sidera mentem:
 Vnde suos varient repetitis cursibus axes,
 Aut modò quod recto, aut obliquo tramite currant,
 Scintillentque polo, radiant modò debile lumen.
 Sidera nata dein, mundo cùm nota fuerunt.
 Et senuit, sapuitque orbis. Cælúmque benignum
 Spreuère ignaui, ast iratum nosse laborant,
 Vt sua damna fleant, Pereunti denique mundo
 Vranie nata est, facilique electa præiuit
 Obsequio è mersis migrantia sæcula terris.
 Vos Diuûm Par interpres, sed solibus antè

Diluvium paucis, rapuit non immemor æther,
Perfugio tempestivo. Sed enim astra nocere
Non poterant, cœlo vixissent donec amici.
Mathusales meritis cunctos superavit, & annis;
Vivere perpetuò dignus, nisi sidera mallet,
Quæ coniectârat quondam, spectare propinquus.
Reliquias utriusque, Noë nauclere, tulisti
Nauigio tutas, sacra quæis pixis in urna,
Ossa gubernâclum facerent, cineresque saburram.
Versibus Vranie plaudat, Musæque parentent,
Musarum, & cantûs, lætisque parentibus hymni.
Vos hominum linguæ tollant cælo altiùs ipso,
Qui tot cælum oculis hominum, terræque tulistis.





MUNDI

ADOLESCENTIA

MILITES.

Richard Collins sculptor.

J. G. Bellamy delin. auct.



I

Linea Christi.

Cham.

Sem.

Iapheth.

Arphaxad.

Nembroth.

Salem.

Heber.

Phaleg.

Reu.

Sarug.

Nachor.

Thares.

Loth. Ismahel Abraham. Lothi vxor.

Isaac.

Iacob.

Esau.

Dina.

TRIBVNI DVODECIM.

NOE,

NOT
Treated by

and
the

For the purpose of the

and
the

and
the

and
the

and
the

and
the

and
the

and
the

and
the

N O E,

Lamechi filius.

ANATHEMA.

QUod spectas tignis lignum pendere, viator,
 Lignum, venturæ prima argumenta salutis,
 Inuictæ navis frustum est; nec remige velox,
 Nec velo, cunctos renouandum vexit in orbem.
 Cum morésque boni prauis sub amoribus acti,
 Et mundi ætatem vitij superauerat ætas,
 Atque in adulterium ruerat vix orbis adultus:
 Forma pudicitæ contraria, & esse pudicum
 Turpe fuit: nec opus delectâ mittere dextrâ
 Fulmina, at in meritum scelus vndiq; & vndique noxas.
 Vel largis superest lacrymis flectatur Olympus,
 Inflexus misso vel mox defæuiat imbre.
 Densato cælum cœno abdita terra vocabat;
 Nec nisi diluuij poterat purgarier vndis.
 Corrupto sæclo Noës est integer vnus,
 Vindiçtæ præco; sed frustra auditus, iniquos
 Territat, & certum rident deliria vatem,
 Supplicio supplex sero gens serò futura.
 Ergo obduratos linquit, propriæque saluti
 Ædificat magnam, sic Dî voluere, carinam.
 Obsidium vndarum non eluctabile, ligno
 Eluctari ausus fragili, maria omnia rumpit,
 Arcem molitus maiorem fluctibus arcam.
 Cum natisque subit, nuribusque, & coniuge puppim
 Nauta nouus, gnauusque, nouumque per æquora fertur.

Quæ

32 MVNDI ADOLESCENTIA.

Quæ rerum facies ! quæ tempora ! totus ab vnâ
 Mundus, tota salus pendet trabe. Bruta, feræque
 Sorbentur, sorbetur homo brutalis ab vndis.
 Soluuntur nubes, immensa licentia Ponti
 Intumet, & pressæ subiguntur gurgite turres,
 Conduntur nigris montana cacumina nimbis;
 Omnia pontus habet, nec sunt in margine ripæ,
 Et ducunt remos trepidi, quâ nuper arabant,
 Si quos præterijt fulmen, nunc flumina voluunt
 Ditis, mancipia vt plectat, mare vertitur omne,
 Et ruit indignans, vt terras obruat, æther;
 Cum gregibus populi pereunt, cùmque vrbibus orbis:
 Impete turba nocens, lapso æthere; nauigat orcum.
 Cum sæclum renuit, flet cælum. Ac ne quid inultum
 Restet, aquas sua pœna manet; confunditur æquor
 Diluuiο, extenso nec sunt sua nomina ponto.
 Si spectatores, spectâclum quale ! fuissent.
 Vna hæc indomitos superauit machina fluctus,
 Vna domus domuit. Sola hæc commune carina
 Naufragium lufit, fundóque illufit hianti.
 Vna falus fuit ifta falο; dum rursus ab imis
 Fluctibus emerfit, quæ merferat omnia, tellus,
 Et refpirauit iugulato crimine mundus;
 Pinguatámque oleam nigris super extulit vndis,
 Symbola placati dans ales Numinis omen.
 Diuini Noë figni iufiffimus aufpex,
 E Ponto in portum, ex arcâ descendit in aram,
 Myfta facer, fuperis vt pendat victima naulum,
 Reliquias arcæ, templisq̃ue anathema facrauit.
 Vltimus ætatis primæ, primúsque fecundæ,
 Verus Deucalion. Virtus non mergitur vndis;
 Inuenit at medio portum inuictiffima ponto.

CHAM;

C H A M,

Noë filius.

D I R Æ.

CUm tumulo Manes hinc execrare, viator.
 Mancipium nauale Chramus, cui prouida fata
 Turpi adiecerunt calidum pro stigmatē nomen,
 Ardorem ut Chamus impurum, incestumque furorem
 Exprobret, hinc situs est. Dignus conuiua ferarum,
 Indignus tutante arcā; quo nulla natanti
 Bellua fœda magis stabulo est seruata salutis.
 Substratas nec enim est extincta libido per vndas;
 Ille saloque salax, sacræque solutus in arcā,
 Et venerem spumanti exercuit æquore natam,
 Atque inhonorantem lasciua oneraria vexit
 Puppis concubitu, obstarēt nisi patria virtus,
 Mergendum fundo. Ecce ut aquis impurior exit;
 Sub torculari primos spumante racemos
 Condiderat Noë, longarum tædia aquarum
 Ut vina abluerent, insuetum indoctus Iacchum
 Lymphantem lymphis mulcere: incognita virtus
 Irrepsit, sensimque animos sopiuit, & altum
 Qui suprâ Oceanum, vastisque emerferat vndis,
 Naufragium calices tulerunt; nudatus & impos,
 Deiectusque senex iacuit, vinoque sepultus.
 Sit nudasse parum: sed proditor ille pudoris,
 Ille Chamus vidit, vidit, fratresque vocauit,
 Ludibrium patris, Baccho damnosior ipso;
 Ille Patrem spoliauit, hic ostentare iacentem

Gestijt; authori nimirum ingratus vterque.
 Te furia puer! abluta noua germina noxæ.
 Vah crimen patris! quæ te genuère, parentis
 Irrides meritò, te turpi turpia nato.
 O oculis vtinam obscænus, linguâve sit orbus
 Præco, & spectator, nec tam celanda reuelet,
 Degeneransque suum diffamet dedecus ortum.
 At quem neglèxti reuereri, disce vereri,
 Impactoque Patris pœnas anathemate pende.
 Et gignes stolidos, & erunt nudanda nepotes
 Posteritas: Assur regno spoliatus, & exul
 Inde Palæstinus, quam rides, fabula fient.
 Quin etiam Æthiopes furuo tibi semine nati,
 Ardoris fumos, flammâsque colore notabunt,
 Viuentque in terris similes, cum Tartara vises.
 Nec mentem satiant vesanam arcana Parentis;
 Et magicas artes primus scrutatur, & orcum
 Orbi infert, Stygiâsque subit legandus in oras.
 Vt pereat flammis, frustra seruatus ab vndis.
 Diluuium illuuiem totam non abstulit vnum.
 Ter si mergatur, fors surget iniquior alter,
 Et si non lymphis, vitijs lymphabitur orbis.
 Præua diu creuit, semper sibi constitit ætas:
 Donec erunt homines, vitium dominabitur vsque.
 Hoc disce exemplo, mala tempora ferre, viator.



NEMBROTH.

Chami Nepos.

GIGANTOMACHIA.

A Spicis ingentem, imperfecto culmine, turrim;
 Confusam molem? propius specta, erue fundum.
 Nembrotho debent artes inonumenta nefandæ;
 Néve malum nomen victum meliore periret
 Virtute, attonitum sublimi machina solem
 Vertice percellit, supraque excelsior orbem,
 Quantum damnatus faber est depressior orco.
 Inter inhumanos immanis, corporis olim,
 Et pariter scelerum terram sub mole fatigans,
 Utque animum caperent exlegem, membra statutam
 Legem exceſſerunt: animis sed & impos & impar,
 Cum posset nimium, tentavit an omnia posset.
 Virtutem violat violentia. Torſit iniquus
 Assyrios, inbians quæis ſceptra extorſerat olim.
 Impius amiſſum imperium, faſcesque prendit.
 Cum viciffe parum eſt homines, altum æthra laceſſens;
 Et cælo inuiſus, diuinum inuaſit honorem,
 Idolum factus. Jamque illi conditur ara,
 Dudum maſtando, ſi victima mundior eſſet.
 Bæſſebub, & Belus, magnus dein Jupiter audit,
 Mentitumque Jouem fingit, mendacior ipſe.
 Ambitio, creſcitque pari laſciuiâ grefſu.
 Sic imitatur auum. Partique potentia regni
 Thura adolere jubet circum aras vulgus adulans,
 Inter aromata, olet turpem fediffimus hircum.

Atque graui, vt maneat leue nomen, marmore firmat,
 Et durum tentat lapidem, faciémque subire,
 Effigiémque hominis cogit: saxúmque reluétans
 Admisit scalprum. Dubitans natura stupebat,
 An foret ipse icon, essétne exemplar imago.
 Quem sibi durities lapidum constrinxerat olim,
 Prototypo inueniens, fictámque in marmore vitam.
 Non fœcunda satis, si crimina nata perissent.
 Vt lateres fiant, terram coquit igne coactam,
 Surgítque, & fundo sterili culmum inserit astris,
 Diluuijque metum, & metam mundi super, intra
 Sidera sideribus compar facit alta trophæum,
 Atque gigas turres inter, turrísque gigantúm,
 Machina grandescit, similísque authoribus exit.
 Quò non impietas? Ostendit nomina soli,
 Quæ condenda solo fuerant. Peccâsse puderet,
 Si non in cœlo peccet, superósque laceßat.
 Culmine stans summo Nembroth, vibrata minatur
 Fulmina fulminibus ceruice retundere missis.
 Artis consilium insanæ! quem Lympha fugabat,
 Lymphatus propiùs cæli ignibus admouet ædem,
 Incidit in fulmen, cupiens euadere flumen,
 Quamque fugit, vindictæ occurrit, mole patente,
 Certius exitium molitus. Et obstitit ausis
 Æther, confusoque sonantes murmure linguæ
 Commissum planxére nefas. Fit fabula surdo,
 Qui loquitur, dissensisse est à Numine tantum.
 Quæ spectas, pendent opera imperfecta, minæque:
 Mole ruente infami, infamia perstitit orbe.
 Non opus hoc solidum, stolidum quia fecerat author,
 Nominis est vani fulcrum, nunc nomen inane.

SEM & IAPHETH,

Noë filij.

S T A T V Æ.

Diuine hîc Phidia, fratrum par nobile finge,
 Quale Argos nequeat, magnæque ostendere Athenæ.
 Purpureus rubor ora notet, sit fronte modestus
 Ingenuâ cultus, fastuque decora remoto,
 Et gravis, & lenis majestas vertice spiret.
 Palliolum collectum humeris dextrâ alter, & ille
 Sustineat lævâ, nudique in membra Parentis
 Vultibus obuertant auersis. Ludat eodem,
 Idemque, & geminus cælato in marmore candor.
 Et lapidis facies mentem, arcanumque pudorem
 Indicet; vnanimesque inter sit gratia fratres,
 Materiæ nexus concors, signentque stuporem
 Marmorei vultus; rigidoque in pectore robur.
 Insuper adijcies majori grammate lemma:
 Sem, Japhethque, almi fratres, famæque paternæ
 Tutores; nudus somno dum membra solutus
 Vapulat incestis oculis, obuoluere amictu,
 Impurumque Chamum visu prohibere nefando.
 Jam sublata noui est damnosa infamia sæcli,
 Obscœnus periit derisor. Perque nepotes
 Ibit patrum animus, per quos delenda, Chamitæ;
 Posteritas vitiata, luent, ducetque triumphos,
 Quem spectas, geminus transcripti criminis ultor,
 Præmia virtuti sua sunt; sit purpura regum,
 Quæ fuit antè abjecta chlamis. Quot germina gignent;
 C ; Regna.

38 MVNDI ADOLESCENTIA.

Regnabunt totidem, totum fœcunda per orbem
 Maïestas surget. Romanos alter, Hebræos
 Ille reget, magni veluti duo lumina mundi.
 Vtraque Patrono seruanda Ecclesia tanto.
 Hic seruatorem gignet, sed suppliance ritu
 Ille colet. Dubites, gignendo vter, annè colendo
 Profuerit mage. Seruatorem obseruat vterque,
 Ille vtrumque habitat. Velatâ carne recinctus
 Istâc prodibit. Tanti est velâsse parentem.
 Gratus, in exemplum est pietatis, Imagine mundus.



ARPHA-

A R P H A X A D,

Semi filius.

S A L E M,

Arphaxadi filius.

H E B E R,

Salemi filius.

P H A L E G,

Heberi filius.

R E V,

Phalegi filius.

S A R V G,

Revi filius.

N A C H O R,

Sarugi filius.

T H A R E,

Nachoris filius.

C A T A L O G V S.

SExcenti sanctum soles quodcumque dederunt,
Hic lege. Damnavit reliquos obliuio Soles.

Debuerant sero seruari germina sæclo,
 Quæ seruatore renouato denique mundo
 Proferrent. Sed solus honos est stirpis auitæ
 Conseruasse decus. Melioris germina mundi,
 Producit pulchros tellus innoxia sæculos.
 Arphaxadum, Salemon, Hebrumque videres,
 Vt metam, montes habitasse, & collibus altis,
 Infantes veluti placidum luisse capellas.
 Inuasor nullus, nullus qui exterminet hostis,
 Aut aliena petat, patrium cunabula litus,
 Et tutam ætatem viuunt, crescunt vbi nati,
 Denascuntur vbi creuerunt, stirpibus inque
 Frugiferis ingens imitantur stemma stolones.
 Corpora formarunt animis maiora Chamitis;
 Nec mirum, citò namque adolescunt pessima quæque;
 Imperijque fames, spatiumque proinde necessum,
 Auctum est; mutatum mediâ ius, vis fuit, orti
 Legislatores, mox ipsa vbi mortua lex est;
 Iustitiæque procùl legatâ, iura leguntur.
 Occidere & pulchrum, pulchrumque occidere visum;
 Armatae leges inter saeva arma silebunt.
 Natæque militia est, moriendi ars. Crimina nectunt,
 Criminibus. Quin iam noxæ fiducia tanta est,
 Vt vi, quam meritis cælum impugnare laborent,
 Et malint adoriri, quam si Numen adorent,
 Flagitijs tantus furor, vt sit gloria factis.
 Obstitit indignans ceptis audacibus æther,
 Commento insigni, patriumque idioma nouauit
 Ignotam in linguam; mulctans mutando scelestos.
 Si discindatur Respublica iniqua, soluta est.
 Supplicium nocuit damnatis, profuit orbi:
 Quippe vbi gens capta est linguis scelerata, repente
 Inter tot linguas elinguis; inhospita tellus
 Sollicitata dat hospitium, tamen antè negatum,

Quis

Quisque suum colit exilium, ignotósque penates.
 Tunc morti naues compactæ, mobile pondus,
 Ereptique feris saltus, atque æquiora monstis.
 Vna ex Chaldaëa traducta colonia totum
 Orbem animat, patribus peregrinum. Solus Heberus,
 Hebræûmque pater, patriam, linguámque, solúmque
 Seruauit sacri penetrati in pectoris, oris
 Diuini vt referat natali oracula voce.
 Diuisas linguas Phaleg prognatus Hebero
 Nomine significat, Reuus, Sarugque sequuntur,
 Postque Nachor Thare. Meritorum encomia Moses,
 Et laudes filuit, magni ne laudibus Abræ.
 Obstreperent. Sileo reliquos; pangatur Abramus,



ABRAHAM,

Thares filius.

NARRATIO.

Siste hîc, Abrami narro dum gesta, viator,
 Hoc Chaldæa tulit fidus, natum æthre putares;
 Cultores astrorum inter, cùm sperneret astra,
 Astrorum authorem coleret, patriumque negaret
 Aëra adorare, inuisus, profugusque per orbem
 Ignotum graditur, fame at hic ne fortè periret,
 Fama fere extincta est. Vxoris forma periculum,
 Et damnum fuerat, si non industria solers
 Vertisset. Præstans adeò mala sarcina forma.
 Ergo redux iterum fugiens, diffugerat vndè,
 In Chanaan aram statuit, arrhamque salutis.
 Ex Aran secum ducit Loth fratre nepotem,
 Diuitijs quicum jungit commercia mixtis.
 Crescit amor nummis, socialia fœdera partis
 Decrescunt nummis. Famulos cùm prædia spargunt,
 Et famuli rixas. Geminos ægrè vnus habebat
 Fundus heros, vix affines confinia passi.
 Partiri malunt terras, quàm scindere corda.
 Sic inconstanti fortunâ humana rotantur.
 Cùm socias, auges, si quando diuidis aucta,
 Imminuis; rursus post te diuisa peribunt.
 Pentapolim Reges populantur quatuor, indè
 Abducunt Lothum; tutor nisi patruus arma
 Ocyus aduersum moueat, sub signa coactis
 Ter centum vernis: quotus hostis, & hostia cœlo
 Concidit. Hic ter centum ausis conferre Lacones?

Vnam

MVNDI ADOLESCENTIA. 43

Vnam aciem jactes, quam turba irrupta repressit?
 Hæc melius trinis superadijcit vna triumphis.
 Tam facile expugnant, qui vindice numine pugnant.
 Sic inter felix mortales floruit olim,
 Sed mortalis Abram, tantique herede carebant
 Successus. Abramus erat, nec Abramus, inanis
 Nominis illecebræ: pater, at sine prole, vocatus.
 Ut roget ipse aliquid, non erogat omnia cælum.
 Tandem, serò licet, suscepit vota rogantis:
 Ancillâ nato patrem Ismahele beaui.
 Nec satis, inuidiam Dominæ fœcuinda mouebat
 Ancilla, & vacui tam dura injuria ventris
 Torserat vxorem; fortuna hæc libero egebat,
 Plusquam liberto. Rursusque precantis Abrami
 Ad votum, sterili de conjuge prodit Isaâcus,
 Natura vt contenta nihil desideret vltrâ,
 Et nil contentus naturæ debeat Abram.
 Quàm carò pignus charum emit! quippe senectæ
 Difficilis partum, stirpis spem, vnumque leuamen,
 Crudeli pater ipse manu jugulare jubetur,
 Hæccine spes messis, primum succidere gramen?
 Tantaque posteritas truncato stemmate surget?
 Hæccine spes, promissa Dei, solatia cæli,
 In luctusque novos gēuisse, & funera prolem?
 Hostia sacrari debebat scilicet aris,
 Quæ mundi cælum incarnandum sisteret oris.
 Diuinâ superatus amor pietate paternus,
 Ante aras tremulis pertentat colla lacertis,
 Decussisse parat; lucroso nempe periculo:
 Pro sobole oblatâ, quot cœlo sidera lucent,
 Tot cælo foetus, promissaque germina terris
 Fœcundus dabit, & mutato Abrahamus Abramo,
 Inclytus euadet genituris gentibus author.
 Quantus erat! Justos gremio comoleâitur omnes.

ISMAHEL

I S M A H E L,

Abrahami filius.

ALLEGORIA.

C Redere defierat fieri se posse parentem
 Sara vxor sterilis; sobolemque videre mariti,
 Quam nullam, cupiens, ancillam induxerat Agar,
 Frustrato vt prolem thalamo, heredemque crearet:
 Quod nimum visa est vtero turgente superba,
 Sarcinaque infanum capiti affricuisse tumorem;
 (Tam seruis malè seruitur: sublime locabis
 Seruilem nequicquam animam) fœtumque morari
 Probrosam inpatiens, ventremque videre grauantem,
 Vnâ informem vterum laribus, matremque fugauit.
 Succurrit Diuûm pietas, cœloque monente,
 Afflictam inflicta matrem cum prole reduxit.
 Expulsus, nondum natus, remeauit in ædes
 Inuisus patrias, nec visus. Germina cælum
 Dum noua promittit, donatque, & stemma recusat
 Seruile, author libertatis: vertitur ordo,
 Mortua vtrîmque Venus gignit; mandata tonantis
 Audiuit natura parens; peperitque senecta.
 Eijcitur seruus, genuit quem libera mater,
 Seruatur: mundoque Abraham superisque probatus,
 Naturam, patriumque animum, pietate, triumphat:
 Vt quondam cœlo valeat parere iubenti,
 Et seram sobolem iussas adducat in aras;
 Hanc suasus credit genitor dimittere prolem.
Comprobat æthereas sua per connubia leges,

Coniugio non inferior, mox fœdere certo
 Magna fides dabitur : respondens reddet olympus
 Fœnora, próque aris, æquabit semen arenis.
 Humanæ quòd opis puer, & solaminis orbus,
 Desertus morti, iacet; adsunt prouida ab alto
 Auxilia, vt seruent populi incrementa futuri,
 Hócque impleta Arabum ditescat semine tellus.
 Ismahel, hoc vno Abramides, quia fœta propago;
 Laturo venient olim sua dona nepotes,
 Exortum vt mundo solem ex Oriente saluent;
 Fulgida depulsis vbi lux oriunda tenebris
 Soluerit ambiguum, & claro patefacta sereno,
 Seruiles nebulas, vererisque grauamina legis
 Pessumdans, vitam libertatémque parabit.
 Præclaris, non seruilis, stirps inclyta natis,
 Seruilem Judam quæ degenerémque probabit,
 Seruatam toties gentem, cœlique fauore
 Expansis alis veluti, clypéoque quietam:
 Reges, qui cœli nossent Regem, edidit orbi.



L O T H,

Abrahæ Fratris filius.

TOPOGRAPHIA.

S Vlpure quam spectas fumanti horrere lacunam,
 Pentapolim quondam celebrem dixere, viator.
 Nunc ibi fumosa famosa incendia diuæ,
 Et bustum Veneris succensis ignibus vstæ.
 Vltrices iterum cælum cum depluit vndas,
 Instruit illa faces, nubescque arserè solutæ,
 Nimbiq̃ue accensi, quæis decinerata scelestis
 Sub laribus tandem turba inconsulta ruentem
 Impete, sustinuit commoti Numinis iram.
 Sic lasciuitum, miro certamine, crede:
 Omnia naturæ contraria legibus ibant,
 Et flendos inter lusus afflante procellâ,
 Turpibus arserunt flammis, vt nuper amârunt.
 Ignis aquâ fluxit, mox igne aqua, concita terræ
 Delêrunt faciem maria, vt Cytheræ perempta,
 Quo nata est, sibi Cocytum, monumenta reseruet.
 Omnia in interitum jurarunt. Urbibus orbis,
 Vulcanus mortem, tumultum Neptune dedisti.
 Delicias luctus, lacrymæque Cupidinis ignes
 Excipiunt. Majora voles exempla voluptæ?
 Collige, at incassum, quæ cingunt mœnia, fruges,
 Illecebris blanda, arridenti poma colore;
 Figere si dentem cupies, auidumque palatum,
 Faucesque eludent fœtore, putrique fauillâ.
 Fida adedò admissi fert ignis semina tellus.

Hæc Lothi quondam, cùm lætior insula, sedes.
 Solus in hoc mundus, contractâ ærugine, mundo,
 Non eguit purgari igni, solusque superstes,
 Post flammam vlticem, gnatisque, & coniuge binis,
 Conductu salui Angelico, plectenda relinquunt
 Arua, hæc lege tamen, retrò ne lumina flectant:
 Iudicia humanos oculos diuina coërcent;
 Vel Venus auersim capit insidiosa tuentes.
 Nitimur in vetitum, crescitque volupta periclis.
 Non tenuit legem Lothi vxor, versaque ad urbem,
 In falsum verba est lapidem; spectetur vt ille
 Insulsis. Zoôr Lothpergens vrbe quieuit,
 Iacturamque comes lenibat filia matris,
 Sat felix, quod chara magis saluauerat æstu,
 Nescius heu! peiora sinu hoc incendia condi,
 Quæ nisi pellantur, faciunt diu clausa ruinam.
 Séque ratæ superesse viris, patrem ocyus ardent;
 Scilicet effusæ genium; curasque resoluunt,
 Largiùs, & plenos calices, & vina ministrant,
 Et totum offundunt senium, merguntque veterno.
 Commissus Veneris flammis furit ardor Iacchi,
 Ignemque igne coquit; Bacchantes inde parentis
 Incestis natæ complexæ amplexibus ebrî
 Maternum subeunt thalamum. Insanire sorores,
 Post istum mirère salem. Genitricis abissent
 O vtinam in formam! quæ si tam fœda videret,
 Jam fieret statua. En lætalis floribus ipsa est,
 Virgineos vitis flores si infecerit antè.
 Non ita naturæ, malefanz! legibus actum,
 Vt sic cuncta suæ redeant in originis vsum.
 Infelix genitor! cui iam, seruatus ab igne,
 Igni seruatur, miser heu! quos effugit ignes,
 Asportat secùm, patriæque incendia vitans,
 Naturæ genitor flammâ grassante, necatur.

48 MVNDI ADOLESCENTIA.

Hoc vno felix, geminum castissimus inter
 Quod stuprum euasit, saluoque parentis honore,
 Vtraque sopito grauidata est filia patre.
 Dum vino, & somno cæcus, noctisque tenebris,
 Incestus duplicis furtum non sensit : & illud
 Mireris, statua in somnis quod carnea gignat.
 Pasiphaës somnum quid dixeris esse maritum?
 Riuales ambæ concepere, vtraque fratrem
 Est enixa suum. Moab conuascitur Ammon;
 Isacidis genus infestum; sed quale foueri.
 A tali poterat thalamo. Nunc perge, viator;
 Fabula nulla, tamen triplex hæc fabula. Mirram
 Legisse, & Nioben te, cum Phaëtonte stupebis,



LOTHI VXOR, METAMORPHOSIS.

Non habet artificem statua hæc tantâ arte stupenda,
Et sine scalpello sculpta; olim est ore locuta.
Dixissem, est mulier; sed certè haud credere fas est,
Femina sit, taceatque. Putas vidisse Medusam,
Aut Ciconum potasse lacum? erras. Quod modò spectas,
Finxit, & amisit sese, dum lumina flexit.
Sola nec effigie, nec eget sola ista sepulchro;
Cursuque in medio sistit, statuâque moratur,
Fitque sibi tumulus, proprijque stuporis imago.
Quin, quòd ficta liet, poterit iam femina dici.
Nam quid habet? loquitur? quid agit, nisi femina fictum?
Ergo mentitur, mentiri sueta, seipsam.
Mortua sit, dubites, an viva; apparet vtrumque.
In lapidem falsum, statuâque insulsa migrauit.
In sale defuncta est, quondam quo viua carebat.
Cum perijt, sapuit, mutabile femina monstrum.
Ah fuge, si sapis, & sal hoc contingere noli.



IOSAATC

Abraba filius.

TRAGOEDIA.

AD montem Moriah; funesta Tragoedia, Ciues,
 Hic cælo dabitur; toti spectabitur orbi.
 En prodit prothesis, cælestis nuncius aule,
 Et patrio iubet Isaâcus sit victima letho;
 Aut perdenda fides, aut filius hostia fiet;
 Et crudelis erit, si pergat credulus esse.
 Molem ærimnarum constanti pectore versans,
 Longiùs ignotam tendet peregrinus in aram,
 Et tractans manibus fatalis cuspidis ensem,
 Aptabit toties, quoties gradietur, ad omnem.
 Exhorrens passum, per mortes mille, priusquam
 Occidat, fidei dabit argumenta probata.
 Inque sacra Isaâcus properans, spes patris, & angor,
 Et cæli munus, pretium pro munere pendet;
 A Patre tot precibus, votisque optatus & hostis,
 Hostia patris erit. Puerum cum fœnore cælum
 Scilicet eduxit, rursusque reposcit adultum.
 Sacrificus Pater, & natus, procedit vterque,
 Hic fascem, ille facem gestans, quâ tota cremetur
 Posteritas; falcemque parat, quâ germen in vno
 Exanimet trunco, vnâque in radice recidat;
 Vna caput populi capitis iactura reuellat.
 Spectate attenti, funesta catastasis instat.
 Hanc facient ambo: positâ arâ, apponitur ignis;
 Vibrarique illum, quem natus viderat, ensem

In se

MVNDI ADOLESCENTIA.

51

In se cognoscens, iamjam succollat Olympo.
 Victima sit dubites, sit flebiliorne sacerdos.
 Jamque anima in primo, nec territa, palpitat ore,
 Atque pater gladium, iugulum cum filius, offert;
 Nilque deest morti, quam, quo fera desinit esse,
 Mors ipsa. Imperium crudele at mitior æther,
 Et strictum reuocat gladium. Virtusque triumphos
 Explorata satis, longos distendet in annos;
 Incensaque aries sine vi succedet in aras,
 (Nam perimit reprobos Numen, iustisque minatur.)
 Hic rursùm natus, rursusque parens Abrahamus.
 Emeritus dignam ferat actor vterque corollam.
 Multiplicis terræ spes seminis integra mansit.
 Spectabunt populi, facient & Olympica ludos,
 Cœlestesque chori modulos; Author Deus ipse,
 Actores homines. Hæc fictæ cædis imago,
 Oblato tandem complenda Tragœdia Christo.



IACOB & ESAU,

Isaäci filij.

M O N I T A.

Gesta quot inuenies, tot habes documenta, viator:
 Conjugio primùm sterili Diuinitus orti.
 Votis ac precibus disce impetrare, quod optas.
 Magnum aliquid donat cœlum, cum flectitur, orbi.
 En geminus prodit foetus, Iacob optimus, Esau
 Pessimus; infaustum facit hic, faustum ille parentem.
 Virtuti vitium, & vitio est contermina virtus;
 Lætitiæ luctus, & gaudia luctibus instant.
 Rixantur nondum geniti, venterque palæstra est.
 Fortè esset tumulus, posset si grande latere,
 Conceptumque odium; statque ingeniosa pusillis
 Præmatura acies, veniunt ex pelle in arenam,
 Ex utero in pugnam. Primus sed prodijt Esau;
 Et supplantandas ad calces hæsit Iacob,
 Communi rerum fato. Dignissima quæque
 Indigni rapiunt, non seruant. Saltibus Esau
 Auius errabit, siluas terrebit agrestis,
 Venatorque feras contra feret arma ferinus:
 At fessus, rabidâque fame correptus, edulî
 Cum gula præsentis fauces fraudabit hiantes,
 Et primogenij vesanus iura paciscens,
 Ius ubi sorbuerit, perdet; seruire coactus,
 Qui fuerat Dominus, nimis in vernilia pronus.
 Heu stolidi improbitas! capitur qui ceperat antè,
 Venalis, quali pretio! venator, & arte,

Quâ nocuit, perijt, cùm scilicet inuolat escam,
 Libertate miser caruit, totoque palato
 Deglubens seruile jugum, præcordia sensit
 Sentibus hamatis, non eluctabile, stringi.
 Nequicquàm ille Iacob demens conuellere tentat;
 Inuidiam superat, quæ parta est gloria cœlo.
 Cæcus Isaâc justum matris promouit acumen,
 Dum lasciui insons agnus sub pœllibus hædi
 Subrepens patri, primatum subripit Esau.
 Ingenio quandoque tuo tua iura iuuabis.
 Humanâ ingenij, quàm ferri, humaniùs arte
 Vincimus, atque acie. Fratris declinet vt iram,
 Exitium exilio deuitat. Venter eodem
 Quos vinxit, partu, non iunxit gratia viuos.
 Diuide, quandò voles inter se jungere fratres.
 Ex odio multùmque Jacob, longùmque laborat;
 Major amore labor, dum Rachel quæritur vxor,
 Vt seruus fieret, septem cùm seruijt annis.
 Nullus amat sapiens, solum est amentis amare.
 Imposuit tandem Laban; pulcherrima Rachel
 Subducta est thalamo, emeritum fraudauit Jacob,
 Supposuitque Liam, lippam. Post tœdia septem
 Annorum, spatium repetit, dum nubere rursus
 Aggreditur. Disce & mendaci, & fidere auaro,
 Cùm duro inuitum promit sudore cruorem.
 Jacobo quantum focero fuit vtile falli!
 Deformis frugi, sterilis formosa reperta est.
 Rebus in humanis speciem spes ludit, & illud
 Vtilius sæpe est, quod vilius instar habemus.
 Infelix Rachel imo de pectore vota
 Concipit, vt pariat; sed fit miseranda litando,
 Votaque dum cœlo non infœcunda propagat,
 Infaustâ sterilis tursit propagine venter,
 Namque animam est enixa simul cum Beniamino,

54 MVNDI ADOLESCENTIA.

Quamque dedit, vitam amisit; peperisse; perisse est.
 Discito, quam nobis nostra est aduersa cupido.
 Inuidiam soceri grege, natisque auctus Jacob
 Auxerat, (Inuidiam major fortuna refellit)
 Lapsusque à socero in fratrem delabitur Esau.
 Dumque hæret furem medians interque furentem;
 Hunc donis, illumque dolis; vtrumque repressit.
 Securus vituat, qui se per munera munit:
 Ferro etiam inuictus, fuluo vincetur ab auro.
 Vltima virtutis nunc tentamenta probandæ:
 Nil astu soceri, aut fratris concussus ab æstu,
 Flagitium genitor natorum luxit; acerbis
 In lacrymas senium simulato funere cogunt;
 Nudati manibus spoliū dum tractat Joseph,
 Et fictam eadem sincero plangit amore.
 Multiplici thalamo paulū solaminis ortum est.
 Seria sed tandem redijt, cum sera voluptas.
 Dum Benjaminum repetit, reperitque Josephum.
 Ergo inter natos bis sex, votisque secundis,
 Grandæquamque animam diuisit, & oscula natis.
 Virtutis leges, ô quisquis disce viator;
 Non nisi post longos constant sibi gaudia luctus.



D I A.

Iacobi filia.

I N S I D I Æ.

Dinæ audis nomen, caue dicas esse Dianam,
 Nil quidquam prodant simile hîc insignia lunæ,
 Quam Diana fugit, cupidè hæc complexa Dionen:
 Quod cecinere Deam, syluis lustrisque vagantem,
 Virgineam prorsus Diuam, tædasque perosam,
 Atque cupidinei eluctantem cornua nerui,
 Aduersum dum tela feras arcumque sonantem
 Exercet; monstrum vel fabula monstrat inane,
 Aut Dea sanè fuit. Mulier, res lubrica, cautè
 Seruetur, facilis prolabi, pronaque frangi,
 Et capitur propriâ capiens studiosa ruinâ.
 Nec saltus, & agros, venabula & aëra tantùm
 Conturbant, valet aucupijs totusque malignis
 Mundus in insidijs, fuci & fraus impia regnant:
 Est agris depulsa quies, est vrbibus exul.
 Totius vt mulier, custodia lautior orbis,
 Incustodita aduigilet, Dinæque perîclo,
 Et damni admonitu docta, esse domestica discat,
 Et cælum atque colum colat; inter nempe palumbes,
 Conseruant, & secernunt sua claustra columbas.
 Custodita suo maneat lare femina custos,
 Nec passim, passuque vago totam ambulet urbem,
 Diuersos nève exeret peregrina per agros:
 Sæpè animos variant varia intervalla locorum,
 Diuersusque in diuersos sol prouocat æstus,

36 MVNDI ADOLESCENTIA.

Et sibi abest, patriæque suæ, longinqua requirens.
 Quæ mundo rara est, nulla hoc constantiæ sexu.
 Ignotæ cultum patriæ scrutata, seipsam
 Neglexit colere, atque simul pretiosius omne
 Expendit; postque insidias spoliata, gemiscens,
 Virginei sensit fragili ut stent caudice flores;
 Nec fragrant dum communes sparguntur in auras,
 Sirius est æstu nimio, est sol hostis apricus:
 Immunes seruat calathos securior umbra.
 Thesaurus prædaturis ne publicus esto.
 Justo plus explorantes occasio captat,
 Quod fronti immineant, offusis cæca capillis,
 Nec nam post mireris lippire parentem.
 Vultu equidem examen rerum faciente puella
 Mulierem se cognouit, confessaque crimen,
 Libatum quis enim valeat celare pudorem?
 Armauit fratrum dextras, & Martem piauit
 Illatam venerem. Ciues tentare Sichemi
 Foedera maluerant; sed circumcisio toto
 Obtinuit iugulo. Nosti Neptunia Troiæ
 Moenia, at hinc, fuerit nisi femina, defuit ignis.



TRIBVNI DVODECIM,

Iacobi filij.

S O M N I V M.

Interpres dulcis somnus solet esse futuri.
 Iosephus cælo raptus, cælumne Iosepho
 Delatum, orâclis pectus iuuenile repleuit?
 Aspice curriculum Phœbes, hûc nobilis infans,
 Signiferumque orbem, bis sex vbi sidera motas
 Alternant vndas, tempestatèsque sonantes.
 Hoc vestræ est emblemata domus. Distantia longè
 Signorum princeps, *Aries* insignia monstrat.
 Ipsa dabit virtus tibi, quod natura negavit,
 Dum seruus fies princeps; ditabere, diues
 Teque erit *Ægyptus*. *Taurus* deuotus aratro,
Isachar est, oneris patiens magè, quàm sit honoris,
 Perferet ille iugum iugis, vecturàque fiet.
 Hic fratrum nodus *Geminorum*, *Beniaminum*
 Astruit, exemplo *Philadelphix*, & vnicus ille
 Vno tecum animo est, vtero quia natus ab vno.
 Nephthalis est *Tropici* latitans sub limite *Cancer*,
 Retrogradus recto nimirum à limite flexit:
 Ingenium seruâ natum seruile. *Leonem*
 Nonne iubis clarum spectas? fortissima vincit,
 Hæ dotes Iudæ: sceptrum qui Regibus olim,
 Natalèsque dabit *Messix*, nomina genti.
 Soliuagum, sæuum, castum tamen aspice sidus,
Virgo est. An *Lenim* spectas? hic *Cypridis* ultor,
 Dimotus terris, tribuque mouetur ad aras,


58 MVNDI ADOLESCENTIA.

Præfagit *Damm*, *Libra*. Est æquissimus ille
 Arbitr; æquâ etenim suspendit præmia lance,
 Et pœnas. Blandus truculenter *Scorpio*, signat
Simonem, caudâ, sed nil tamen ore nocentem,
 Dextræ aptans telum; paci bona verba, iugato
 Non ita, quàm *Sichem*, iugulato fratre, superbus.
 Humanâ spëcie bifrons *Centaurus*, equinâ
 Lasciuus formâ *Rubenum* hinc inde figurat.
 Sic est humanus, vestro vt de funere nolit
 Pollui, & vt thalamum fœdèt, lasciuiâ tanta est,
 Tam pius vt seruet, quàm non pius edere fratres.
 Ergo pari dignus palmâ, pœnâque, prioris
 Nati iure cæret. *Capricornum* credito *Gadum*,
 Deformes, formæ vnus; Martisque, marisque
 Turbator quondam nimirum exasperat omne
 Tempestate fretum, sudantes cædibus agros,
 Omnia confundit. Sed *Aquarius*, ille minister
 Regius, *Azerus*, mulcebit leniter iras,
 A grege Rex factus tractabit pectora Regum.
 Et maris illæ animæ, *Pisces*, at lubrica turba,
 Depingunt sortem numquam *Zabulon*is eandem.
 Hæc vbi prædicit sopor, euanescit in auras.
 Insomnes fratres facit experrectus *Ioseph*.
 Quæ vestræ fortuna domus. Durabit Olympo
 Filia nixa Polo. Quid enim nisi tale referret
 Indicium, mundi pictura ipsissima, calumna



I V D A S,





Iudas,

Iacobi filius.

Christi Linea.

Ex Leui,	Ioseph,	Phares.	Ex Dan,	Ex Esau,
Judæ fratre,	Judæ frater.		Judæ fratre.	Iacobifratre,
Moses,	Iosue.	Efron.	Sāpſon.	Iob.
& Aaron.	Gedeon.	Ramus.		

Iephthe. Aminadab.

Nāaſon.

Salma.

Booz.

Obed.

Ieſſe.

1845

1845

1845

1845	1845	1845	1845
1845	1845	1845	1845

1845

1845

1845

1845

1845

1845

1845

1845

I V D A S.

Iacobi filius.

E T Y M O N.

Tertius hic orbis pater est, venerare viator,
 Consilio fati tulit æquos laudis honores,
 Antè gerendorum nomen cum præscia virtus
 Gestorum imposuit pretium, ne fortè rapinæ
 Auspiciū remouens incusaretur origo;
 Aut post damneret quis iniqua silentia furti,
 Si iustæ reſnuant, Etymon, præconia laudis:
 Vt rectè laudes, Iudæ sua nomina redde.
 Hoc felix mundi generosa authore Iuuenta
 Surgit ouans, talem vegetans deposcerat ætas,
 Strenuus hic, summusque animis, & iustus Iudas;
 Strenuus hostiles sectas hostiliter arcens,
 Et pro venatu pia iuste exercuit arma.
 Magnanimusque vadem patri, pro Beniamino
 Se vouit, raptum, aut raptorem adducere certus.
 Ignotum incestum fleuit, sua crimina, iustus,
 Atque breuem luxum diu luxit. Cogere fatum
 Nomine laudem omnem studuit, Iudamque vocauit,
 In stirpem tituli migravit tessera tanti;
 Vnde tribus magno surgens animosa tribuno,
 Innatâ facilis reliquas virtute præiuit:
 Gloria pro stimulo cognata nepotibus hæsit;
 Quilibet integrum vt nomen conseruet auitum,
 Numinis esse instar debebat: quin & eodem
 Augurij titulo, maiestas regia fulsit,

Debita quæ ætati, vitij indebita Ruben,
 Feminæ facili fugit, Judæmque virilem
 Delegit sceptris, & quod non detulit ortus
 Virtutis meritis, virtuti detulit æther.
 Difficile est nasci reges, nanciscimur omnes.
 Diutius imperium nemo protendit in orbe,
 Cui longo æternum decurrens stemmate regum,
 Diuinis postremo humeris gens sancta resedit:
 Ascendit Iudæ solium sole altius ipso.
 Non abs re Iudæ, mysteria prouida claudi
 Infandum voluere Dei sub nomine nomen.
 Nec vacat hic, Delta, quæ Ianua versa latinis,
 Quæ tandem pronus terras implebit Olympus,
 Ianua, deterius melior quæ dissipet æuum,
 Ætatem pandat sanctam, sæclumque nouatum,
 Ianitrix Judæa Deo, genitrixque virago.
 Author hic, Authorisque parens interque nepotes
 Enumerans numen (Iudæ pro gloria quanta est!)
 Judæusque Deus dicetur. At inuida fata:
 Inficiet tanti, simili sub nomine, Iudas
 Nominis auspicium, quodque hic parat edere numen;
 Postquam prodierit, prodet, sanctumque profanis
 Os violans labris, frustra alti nominis hæres,
 Turpius amittet, queis nunquam dignus honores,
 Proicietque suas ingloria nomina laudes,
 Et probro ingenti vertet. Dedisce, viator,
 Antiquis fastos titulis iactare superbos;
 Solius est hominis, non nominis, inclyta virtus,
 Perfidiam totidem, quot scribunt grammata patrem.

IOSEPH,

Iacobi filius.

EVLOGIVM.

PRimitiæ sterilis dulces Rachelis, Jōseph,
 Nascitur vndecimus, reliquos præcurrere partus
 Virtute vt possit: quiddam naturâ studebat
 Edere præclarum, totque exemplaria dando,
 Sese tentabat, quò tandem absolueret vnum.
 Maternâ specie, patriâ virtute decorus,
 Ceu typus, vt fratres iam natos corrigat, exit.
 Dormitans, placidumque vigil, medioque sopore,
 Somno insopitus discit pingente, futuri
 Imperij culmen, tellusque, & nuncius æther,
 Fascibus, & facibus signant insignia regni.
 Dum reparat fessum renouato robore corpus
 Mens vigilat, tutoque procul ventura tuendo,
 Excubias agit. Grande est regnare periculum,
 Atque altum supra inuidiosum excellere vulgus.
 Conclamant mortem fratres, sibi ne imperet vnquam;
 Aut miserè seruiturus seruetur alumnus,
 Consilio tandem viuus liuoris humatur,
 Ne defossus humo facilè hinc assurgere possit.
 Quam foditis, planta excrescet radicibus altis:
 Id forsan metuunt; seruus diuenditur infans,
 Seruus vt ingenio maneat seruilis inerti.
 Exiguo Ægyptus magnas sibi comparat auro
 Diuitias, patriam ô nimium istâ merce beatam!
 Exilio ditem puerum! fortè inelyta virtus

In patriâ haud potuit solui, iustéve liceri.
 Emptus ab Eunucho, seruile vt femina pensum
 Imponat, tam non alijs benè nata præesse,
 Quam malè nascentes compescere nescia motus.
 Impuræ seruit purus, castûsque salaci,
 Ingenuus captiuæ, agnus parere coactus
 Ad mandata lupæ, non irâ, at amore ferocis,
 Mancipij specie capitur domina, ille resistit;
 Cogere in illicitos renuentem cogitat æstus,
 Hic fugit, at votis forma aucta pudore repugnat,
 Contrâ luctando, quos nollet, concitat ignes;
 Quantum forma fugâ, tantum ipse dolore repulsæ
 Crescit amor, verbisque vocat, vultuque procaci
 Allicit, immotus perstat, dominæque negando
 Obsequium defert domino, seruusque fidelis
 Seruitium detrectando, ingenuusque probatur.
 Mille in amore doli, (sed enim non sustinet vltâ
 Perdere blanditias) captiuæ mentis egena,
 Non bene morigero infirmam se corpore fingit,
 Et strato impatiens lento quos versat amores,
 Molle coquit, Venerisque auspex consultat olores.
 Infestum testis mulier patrare piaculum
 Aggreditur, seruus dominæ in penetrale vocatur,
 Et frustra prênsus vacuum intrâ brachia linquit
 Ardentis spoliû, furijs ereptus amoris,
 Irâ plectendus. Sic quondam infecta cruore
 Hircino vestis, luctu indagata parentis,
 In lacrymas senij constantis soluerat æuum:
 Rapta chlamis capræ lasciuiis tactibus iras
 Rictûsque insanos, versæque tonitrua vocis
 Confundit; vestemque animis hera sæna ferinis,
 Indiciû infonti obiectat, simulansque pudorem,
 Quamquam inuita, suum, tentati opprobria raptus
 Vertit in innocuum, valet accusatio fraudis,

Nempe

Nempe reos sequitur fauor, insontésque reatus.
 Complexu ille fidem potius quàm lædat herili,
 Compede seruili capitur, liberque subire,
 Quæ meruit numquam, mauult, quàm vincta mereri.
 Sed quidquid virtus intrat, facit esse decorum.
 Lingua animi loquitur dotes, geminísque ministris
 Pistrino addictus sua pristina fata recenset,
 Occultusque suis, alijs occulta reuelat.
 Huic spondet calices, cum carnibus ille canistra,
 Et vitam amittet: frustrà pincerna rogatus
 Esse suo gratus vari. Sic immemor omnis
 Dilapidat factum benè. Sed mox iustior æther
 Captiuum indigno vinctorum pondere soluit,
 Diuiderent regi cùm tristia, lætæque noctes,
 Ambages somni, vt soluat, ceu terga nitenti
 Per latebras anguis tractus dat splendida Phœbo,
 Ipse velè victis qualis sol nubibus exit,
 (Nemó malum melius, quàm qui bene prospicit, arceet,)
 Ægypti regnis, Ægypti fata locutus
 Præficitur. Vatem res atque orâcla probârunt.
 Septem annis diues tulerat sua scœnora tellus,
 Depositum rursus totidem fraudauit auara.
 Quæ fœcundarat quondam, solarua reuifens,
 Surgentes contra insurgens exussit aristas,
 Et primâ segetem nascentem occidit in herbâ,
 Mutauitque ferox annos annona fœraces.
 Numquam continuò natura est prodiga constans.
 Et dudum sterilis, dederat quæ fertilis aura,
 Cuncta absumpisset, dispensat prouidus augur,
 Et promus condus, quæ condidit, horrea promit;
 Pyramidésque graues granis, mox ante sepulchra,
 Dant victum viuís, & quæ fœrcimina quondam,
 Sollicitant tumultis fœrciri Hinc antè tepente
 Condita in annonâ, dira cùm promeret, omnis

Plebs seruatorem seruum, patremque salutat.
 Longinquam Ægyptum mendicans Asia migrat,
 Frumentatores fratres agnoscit Ioseph;
 Scilicet hoc æqui poscebat talio fati,
 Ut quem vendiderant, victum diuenderet illis;
 Dissimulatque scelus, nec se cognoscere fingens,
 Dulcius agnoscit, compôsti crimina furti
 Arguit, atque pari cùm fratres carcere damnat,
 Supplicio claudit luctantem pectore amorem.
 Lubrica res amor est, profundo corde coactus,
 Pupillas rumpit, penetrat trans lumina cæcus.
 Se lætis ergò lacrymis confessus Ioseph,
 Illis se gaudens prodit, quæis proditus antè.
 Iam domus hæc polus est, bis seno lumine splendens,
 At sine sole polus, bis sex sine stirpe stolones.
 Patre accersito, tota est fortuna serena:
 Et natum nouitèr viuut complexus Iacob,
 Patre iterum Ioseph. Sic aspicit altior æther,
 Despicit inuidiam. Demùm omnibus auctus Ioseph,
 Si patriam extipias, patriæ vult esse cadauer.
 Morte semel raptus, fletus ter, bis tumulatus,
 Post mortem peregrè natales tendit in oras.



PHARES.

Juda Filius.

PRODIGIA.

P Atris adulterio, matrísque incestibus ortus;
 Natus auo patre Phares, fermè matre sorore,
 Prodigium! probrum tandem diffame parentum,
 Posteritatis honos erit, & laus sera nepotum.
 Vir leuir Thamar binus cum liquerat orbam,
 Hæc iterum erepti fratris desponsa mariti,
 Vt demùm optati veniant solatia partus,
 Connubio mulier fraudata, libidinis æstu,
 Ab socero prolem Judâ furatur, & vsu
 Prostituit pellax, non visu pellice, corpus.
 Fors vultum celans, ne proderet ausa rubore;
 Concepitque nothum, fratremque ignota mariti,
 Vel quouis tandem pretio non orba futura.
 Prodigium dirum! obscuri conuicta meretrix
 Arguitur sceleris, manifestâque crimina pleno
 Accusante vtero, socero sub Iudice lis est;
 Vt qui flagitium patrauit, iudicet idem.
 Ducitur in flammæ ardorem vt vindicet æstus,
 Vulcanus Venerem; scorti sed præmia facti
 Producens rea, percellit cum Iudice legem,
 Et crimen Judas, ad conscia munera, falsus,
 Conuictusque reâ, Iudex, reus ipse gemiscit,
 Justitiæ exactor passus scrutando ruinam.
 Sanctus adulterio miscetur, gignit adulter,

Et bis adulterio deprênsus adulter eodem,
Ipse suum geminat crimen, dum germinat vno
Incestu geminos, vt nota iniuria partu,
Et bino fœtu testatum dedecus iret.
Prodigium, & probrum! partuque instante gemello,
Cocco exerta prius signatur dextera Zaræ,
Signatam reuocat, Phares prior exit ab aluo,
Qui postremus erat. Diuini Numinis alium
Prodigium! at quid portendit? forsan puer horret
Inque vterum resilit, lucem eluctante pudore?
Aut nondùm funis captiuus coccinus omen,
Ægypti plagas & tristia funera signat?
At certè authori diuinæ debita stirpis,
Index ad fratrem delata est purpura regni;
Aut fortè auroram loquitur quia nomine Zaræ,
Officium tentans, primi sub lumina solis,
Puniceum irradians, facis instar, præuia lucis
Pandit iter. Gemini quidnî præpostera sortem
Significat populi? qui nempe acceperat olim,
Decepit primus, dextramque à lege retraxit.
Felix prodigium! potuit prodesse nocendo.
Hoc nemo vtilius commisit crimine crimen.
Legitima in steriles cùm proles arida Judæ
Deficeret thalamos, hæc spes seruata nepotum:
Regum hoc Judææ propagat stipite silua,
Consilio superum, spurio, bibat vnde ruborem,
Decolor Hebræum, ac augustum purpura coccum:
Regalemque thronum, sæuæque tyrannidis ausus
Oppositus thorus excutiat, sua vindicet almus
Assertor iura. At maius, quàm credere fas est,
Prodigium! Christi domus hæc in probra superbit,
Criminis egregij stirps regia labe notatur,
Quæque Deum gignet, iactantur Virginis ortus,
Parusque incesta ex auit, dum Thamare nati,

Ad Christum feri genitores stemma propagant.
Forſitan inde magis Diuûm incunabula ſplendent,
Pulchrior in nebulis curuatur vt Iridis arcus,
Aut ſclerum docet vltorem minus eſſe ſeuerum,
Ne prauos plectat proauos. His diſce viator,
Prodigijs firmam certò ſperare ſalutem.



I O B.

Esau pronepos.

MONOMACHIA.

H Anc, Ciues, gemini athletæ ingrediuntur arenam,
 Cum Jobo Dæmon; tenebræ sic lumina vellunt,
 Virtutem liuor, iustumque lacessit iniquus.
 Hic orbis dux occidui; dux alter Eôi,
 Multiplicem simplex contrà luctabitur hostem;
 Ille alius semper, semperque hic vnus & idem;
 Informis formas variabit, at ipsa triumphos
 Incertæ augebit nimis inconstantia partis,
 Nempè vnus sternet multos. Luctam incipit, ecce
 Longinquâ mollis specie, vultuque Sabæus,
 Inuadit Iobi pecudes, armentaque prædo.
 Hæ primæ illecebræ, stygis hæc prima arma furentis,
 Mollities, animi est quo frangat robora, robur:
 Delicijs ingens nequicquam pectus adorsus,
 Et sic diffidens se posse nocere, nocendo
 Aggreditur, nocuum vt faciat: mutatur in iram,
 Collectisque hospes flammæ viribus, ardet:
 Stare vbi non valuit, celso ætheris axe relapsus,
 Incendit, quacumque incedit rura, domosque,
 Pascentemque gregem rapido depascitur igni.
 Mentitus magicis Chaldaicum hinc agmina signis,
 Cum trepido dices agris ductore, camelos
 Corripit; immotus iacturam sustinet omnem
 Diuinus pugil, & gratum æquè numen adorat,
 Diuitias cum affert, cumque aufert, ditior olim,

Nunc

Nunc mage tranquillus pauper (mala commoda, gazæ
 Prolixæ nimium) furemque ferendo fatigat,
 Et prædonem, de prædâ nihil anxius angit.
 Sic est prolusum: propius nunc admouet arma,
 In ventum versus, quo regia versa ruinam
 Occupet, æquè imo plaudat tellure reuulsa;
 Nîl his est ventis, fucisque nocentius aulæ.
 Omnes conturbans, nondum, cui turbo nocebat,
 Attingit Jobum; fracto lare, liber anhelum
 Aëra respirat, cælumque infractus apertum.
 Maiorem ast ventus lacrymarum suscitât imbrem,
 In medijs tumulos epulis, & funera versans,
 Inque repentinos voluit conuiuia casus,
 Et tecto pueros sæuam labente trucidat;
 At frustra terram, qui nîl agitauit Jobum.
 Hic vestem scindens ærumnis pectora pandit;
 Post natos, & opes, post omnia sustinet orbis,
 Et vitam spoliatus habet, nîl præter, & illam
 Continuò oblatis cruciat tortoris imago,
 Non rapit, vt corpus medians interque cadauer,
 Nec mortem curet, nec vitam. Hostem ergò cadendo,
 Inuictus sternit victor sub clade triumphans.
 Nîl latro, ventus, nîl proficit irritus ignis,
 Fors tentabit aquas, & Lethes hauriet aluum.
 Ast ipsam biberat, sic immemor omnia perfert;
 In medijsque malis, quæ sola est libera lingua,
 Æthereas suâui distillat murmure laudes.
 Insultat demùm fesso pro dæmone coniux,
 Deterior quidquam si fortè vicaria possit.
 Delegata viro supremum imponere suadet
 Exitio finem, & letho præuertere lethum.
 Visa ferè rectum mulier male suada monere,
 Impatiens, præ luxu, debilem habere maritum,
 At personatam, pietas sincera reuelat;

Linguam lingua premit , blasphemâque iurgia vincit.
 Jamque sibi ac vxori inuisus , viuere mauult,
 Vt spirat quotiès , etiamnum verberet hostem.
 Nil Deum amans præter , mortem ipsam protinus odit,
 Fortius arcere est misero , quàm arcessere mortem.
 Et nudus solam raptus interque ruinas,
 Palmam habet , at victus dæmon tandem inuolat ipsam;
 In probra adductos soluit probrosus amicos,
 Tamque ingens salibus virtus agitur amaris,
 Et magnæ extenuant conuitia præmia pugnae.
 Hoc vno Jobus felix , quod summa malorum
 Inuidiam extinguunt , ideò nisi fortè reposcant
 Inuidiam. Sed adhuc infelicissimus hostes
 Inuenit , & nigro pangunt liuore Poëtæ,
 Mordaces adeò , vt post vlcera vulnera figant;
 Tanta in virginibus ludit proteruia Musis.
 Extremo virtus tandem indeiecta labore,
 Est animusque super : frustra contemptus , iniquos
 Contentus cæsis hostes Job expiat hostiis.
 Hic festo cæli plausu sonuère theatra,
 Præmia victori post prælia reddita , laurus.
 Prolibus atque opibus , fundisque blis auctior auctis,
 Ipse suos cecinit luctus , fatisque superstes,
 Post mala cuncta bonus , non eluctabile robur,
 Longè impar mundo , cæli trans ardua vexit.



ESRON,

Pharesi filius.

RAMVS,

Efronis filius.

AMINADAB,

Rami filius.

AVLICISMVS.

Hic aulæ varians ordo leuitate triumuir,
 Infidam esse aulæ sortem, velut aura, probabit;
 Creuit in Efrone, in Ramo solidata resedit,
 Aminadab fugit. Nemo felicior Efron
 Aulicus; hic Cererem cum sidera iniqua fugâssent,
 Cumque Ægypto Asia exustis sterilesceat aruis,
 Et cælo torrente, arebat, quidquid arabant,
 Dum regeret Pharao, patruo prorege Iosepho,
 Ægyptum colere incepit. Cultore beata hoc
 Terra suas ausit fruges ingrata negare?
 Quin larga admissio pro semine scœnora reddens,
 Fœcundam pariens, & parens præstitit alvum.
 Soliuago ille solo, vitam tranquillus agrestem

Vrbi posthabuit; nempe arcta mapalia latam
 Et latam sortem faciunt: plausere Canopi
 Regali dices Iudææ vomere campi.
 Innocuam fundos stiuam sensisse putares.
 Non infœcundi fœcundo rure coloni:
 Scire cupis quâ vi nascens soboleuit Juda?
 Vna tribus quondam paucos, sua pignora, natos
 Ægyptum adduxit; quæis septuaginta virorum
 Millia bellantûm lustra octoginta dedere.
 Sub clemente adeo respublica rege propagat;
 Indulget facilis conceptibus aura Fauoni.
 Velite fortunâ, sic creuerât hætenus Efron,
 In Ramo post indigenâ subsistere cœpit;
 In successores dum sceptrâ orbata resultant;
 Et comis comitans Iosephi obliuio funus,
 Conclussit simul immemori meritum omne sepulchro.
 Hoc aulæ ingenium, male fixo in marmore facta,
 At benefacta leui vixdum describit in vndâ;
 Interituque viri, meritum simul interit omne.
 Nî despecta sient, suspecta habet omnia liuor.
 Non tulit Ægyptus numero & vi surgere Judam,
 Inque ministerium cunctos seruire coëgit,
 Vt terram lateresque coquant, & pressa luto gens,
 Desperet libertatem. Sors regia cœno
 Conuersa Aminadab fixum depressit inertî.
 Impositam, impositis operam censoribus, vrsit,
 Crebra vt difficilem faceret mage quæstio quæstum,
 Et qui cessantes incessant. Ergo misellis
 Aut opus impigrè, aut, animas agitare necessum,
 Illa tyrannorum siquidem natura, daturi
 Diuitias rapiunt, & mox sua dona verentur,
 Ditatos calcant, ne calcitrare minentur.
 Attamen immunes cuiusuis noxia noxæ
 Nil lædunt, stirps inde magis sese extulit Hebrî,
Semineces,

Semineces , at viuaces propagine mirâ
 Tursêrunt rami , veluti per iurgia tritæ
 Gramina Basilicæ validis radicibus hærent.
 Fortunâ dolor est sterili nimis esse feracem.
 Horruit excetram hanc Pharaô , gladiumque ferocem,
 Ne crescant vltrà , stringens pro limite fixit.
 Visum masculeos omnes occidere fœtus,
 Viuat, & in Venerem maneat femella superstes;
 Parcendo fermè , quantum perdendo scelestus.
 Sic se sœuitiæ comitem lasciuiâ iungit.
 Aminadab, cur non citiùs , cur seriùs ortus ?
 Ægyptum vel cùm tetigit , vel Hebræa reliquit
 Libertas ? verùm felicior omnibus vnus ,
 Infractisque animis , tanta infortunia risit.
 Hoc miserum est , sortem miseram non esse ferendo.
 Constantem inconstans mentem fortuna probauit.
 Tres age compone has ætates, aulicæ, & aulæ
 Aspice vertumnum. Hoc se omnis fors cardine versat,
 Arridet , ridet , tandemque irridet amare,
 Plaudere visa priùs , supplodit iniquior , & mox
 Explodit , vicibus vitium his si principis adsit;
 Moribus in partes nequidquam accommodus omnes ,
 Cautibus his, etsi cautus , patiêre ruinam.



M O S E S,

Leui nepos.

A P O T H Æ O S I S.

I Am naturâ Deos , homines suêta edere , gignet:
 Ingenium medio creuit prouectius æuo.

Hebræis odio fractis constante tyranni,
 Affulget noua spes Moses , mirabilis ortu,
 Vita , obitu. Primùm fluuij committitur aluêo,
 Exactoque vtero, lethes fit furua lauacrum.

Iacturâ iactus caruit, speciesque decorum
 Absoluit rapidis puerum spectata periclis.

Eminùs hærentem biblos interque papyros,
 (Nam primis etiam voluebat biblia cunis)

Nata optat regis, quin mox educit, adoptat,
 Educat. Ingeniis aulæ seruire repugnat.

Osores vindex patriæ, fratrumque perosus
 Occidit percussorem, profugusque latendo,
 Secessu obscuro, successu illustrior exit.

Namque ouium, inde hominum dilecto pastor Jüdæ

Delectus, princeps, populo, cæloque datore

Partum minus obit, libertatemque suorum

Flagitat à duro precibusque, minisque tyranno.

Non exorabis, quibus aures lumina claudunt,

Et bifidum adstringit cor impenetrabile pectus.

Dæmonis hanc simulat cum mimica scena magiam,

Quam linguâ tandem manibus fatundior, aures

Percellit terrendo oculos, & corda laceffit.

Quos Deus indurat, frustrâ emollire laborat,

Vix, dum

Vix, dum plectuntur, flectuntur; & æquore aperto
Plebem incedentem, & pelago cedente secutus
Decedit Pharaon, memorique in flumine pendit
Quas nato pœnas Mosi decreuerat olim.
Arte suâ pereunt sæpe inuentisque tyranni,
Et dolus authorem inuoluit. Iam fecerat ista,
Plura à vesanis Moses passurus Hebræis.
Optatam in sedem sternax promissaque regna
Solicite cum vulgus agit; seducere sanctum
Ductorem reputant. Probitas per probra probatur.
In grege pastorem vixisse hic profuit ante,
Viuere cum brutis didicit. Sic cum benè facta
Mittis ad ingratos, amittis. Pumice lymphas
Euocat, ingratas haud ingrata vnda liquatur.
Virga potest lapides, hominum nec findere corda.
Admonitisque siti, quondam haustus amarus aquarum
Dulce sapit; populis nequicquam mella propinat,
Quæ cor fellitum, & tunc atro murmure lingua,
Et frustra ancillans escas natura laborat
Condire, immemores auido ori fœcla vorantes,
Munificem mordent, etiam cum munera mandunt.
Oblita cælesti canescunt gramina rore,
At fastiditum primo vix ore salutant.
Delicias si commutes cum paupere victu,
Obloquia incurris, res est seruire palato
Ardua seruili: sic libertate fruiscei,
Seruire impatiens, tollit sua cornua seruus,
Grexque luto nuper cocto lutulentior ipse,
Esse nequit liber, nescit seruire coactus,
Difficilesque remoliti sine compede gressus,
Quas fugiunt, rursus exoptant circum fremere ollas.
Ignauum ut valeat Moses mollire cerebrum,
Ad summum ingreditur per fulmina missa tonantem,
Jura rogaturus per totum quæ eroget orbem,

Diuinisque adytis similis Diuûm ipse reuerfus,
 Atque faces facie, mirum ! iaculante bisulcas;
 Scintillantem vtrîmque vomunt pia tempora flammam,
 Erronem vt gemino perstringat lumine gentem,
 Jumento reperit similes, iumenta colentes.
 Latori passim obtreçant, legemque retractant;
 Inscriptam saxi meritò; illi saxa rogabunt,
 Qui saxum violant. Quantum est liquisse periclum!
 Ne vel adire Deum compulsus, linquat ouile
 Antistes. Rursum repetenda oracula poscens
 Idem ter redit, atque alius, ciuilia condit,
 Militiam, & sacri concinnat iura senatus,
 Cum ducibus statuit proceres, castróque, foróque,
 Pontifices templis, cunctisque potentior vnus
 Orbis legatus, cælum delegat in orbem,
 Cum superis pactum irreuocabile sancit.
 Præ reliquis doctum diuini pagina textus
 Clamat, Diuinis nimirum nomina, fastos,
 Inscriptis factis, & commentaria cælo.
 Perque quaterdenos stationem strenuus annos
 Conseruans, quod non reperit, trans auiâ certus
 Fecit iter, dux ingens, fortis machina belli,
 Et cælo propior fixus stans collibus altis,
 Brachiaque attollens, fulmen iaculatus in hostes
 Vibrauit. Ductor tandem post mille viarum
 Anfractus, tamen infractus, primùm atque supremùm
 Amittens, vidit patriam. Defecit, id vnum
 Humanum fecit. Morientem nemo, nec vllus
 Extinctum vidit, tumulo aut sua nomina scripsit,
 Quomodò, si posset, vellet Deus ipse perire.
 Ergo fuisse Deum credas, saltem Pharaonis.

A A R O N.

Mosis frater.

PARÆNESIS.

HUc adsis, Præsul, paucis, aduerte, monebo.
 Fidere ne possis, cecidi, diffidere noli,
 Conualui. Primùm vinxit me tempora circum
 Insula, nec fixit stabiles, quos finxit honores.
 Mosis ego frater, pars altera fratris vterque,
 Diuersum officijs corpus diuissimus ambo,
 Ille manu facilis, linguæ mihi promptior usus;
 Singula nonnulli, non omnia possumus omnes,
 Plùs æquo indulgens, vulgo meliora petenti
 Numina, Dæmonium obtrusi conflatile, Ditem,
 Congestas, aurum, decoxerat ignis in aures,
 Monstrum ego confluui, moniti fortè auribus ipsis
 Vt saperent oculi; stolidum verò esse probaui
 Consilium, quid enim ex auro non mundus adoret?
 Nempe informe colunt etiam. Est pro numine numus.
 Materix tulerunt pretio, iumenta figuram,
 Vt similes colerent simile, & lasciuiâ circum
 Inuestiit vitulans vitulum, grege ductus ab ipso
 Seductus pastor, pecudem trans auia duxi.
 Quoque Deum Mosis elemento inuenit, eodem
 Dæmonem ego. Artifici sed opus non charius vllum,
 Non inuentorem Phalarin sic taurus ahenus,
 Me meus ut torfit vitulus, genuit semel ille,
 Semper ego, finem luctus post ludicra fecit,
 Vulcano tandem vitulus, sua reddita proles,

Obsequio crimen quo fecit , flamma piauit.
 Escâ conuersum virus , mörbusque medelâ,
 Idoli cineres in aquâ afflictissimus hausi ,
 Delerent lymphæ facinus lymphantis lăcchi ,
 Imbibitumque scelus cū trans mea lumina rupit ;
 Idolum effleui. Populos populante procellâ ,
 Leuitæ ultores conturbauère , cadentes
 Aspiciens cecidi , & triginta millia cæsos
 Cū vidi , occubui totiès , ipsique cruorem
 Fuderunt , lacrymas ego. Culpam Antistitis illi ,
 Senti ego supplicium populi , fletūque profuso
 Exhaustus , nullas natorum in funera serò
 Seruauī lacrymas , nimis heu luctibus impar !
 Infelix pater , infelicia germina , natos ,
 Sacro adoleri igni , vidique adolere profanos.
 Consumptus demum longo pro crimine luctu ,
 Non inueni alijs lacrymas. Solamen id vnum ,
 Alma sacerdoti cingebant tempora vittæ:
 Munus erat sacrum super , at spoliandus & illo ,
 Hor montem adductus , nudatis tempora canis ,
 Atque fatigato decussa est vertice mitra.
 Pontificem depontanum mors vltima tandem
 Sustulit , optati spectantem litoris oras ,
 Non habitata vnquam ; longè mihi patria visa est ,
 Extorrem , terræ peregrinæ condidit , alius.
 O fata hæc quisquis , quæ me voluère , reuoluis ,
 Res , crede , infelix , res est incerta præesse.



NAÄSON.

Aminadabi filius.

EXEMPLAR.

HÆc quicumque legis, mirare, expende viator;
 Exemplar fit principibus dux ille tribulis,
 Et princeps Naäson. Prior Egypti arua reliquit,
 Deuotamque luto vitam, canosaque iura,
 Fortunæ protoplasta nouæ, Mosemque secutus
 Nil Pharaonem audiit; ut qui nec vellet amare
 Frustrà seruatos, nollétque amittere Hebræos,
 Trans cæli tandem gladio vastante tenebras
 Amens amisit. Cælo parere iubenti,
 Augustum imperii augurium est. Acieque morante
 Surgentem ad solem primum sua castra metatus;
 Vltimus ut princeps solem tuare cadentem,
 Nascentem primus. Castris sanctuaria fecit,
 Sollicitè èque tribu Leui, socia agmina Legit.
 Cum superis contrà tutum est luctarier hostes.
 Cædibus hic cedes proludent, hostia crebra
 Contra hostes arma expediet: nam fœdere certo,
 Estque alterna salus, cum princeps sacra tuetur,
 Conseruata suum tutantur sacra patronum.
 Procinctu incessit primus, Martemque laceffit,
 Non nisi cessurus victoria parta receptum
 Insonet. Inuersi lex est præpostera belli;
 Si dux militibus, non ducitur à duce miles.
 Primus Erythræa impauidos trans litora gressus
 Fixit, diuiduum calcans mare, seque elemento

Mendaci credens, pelagus cum pallida turba
 Indagat rubeum, fortis freta concita risit,
 Nempe Deo fretus, mens & fiducia tanta,
 Cælestem vt genium præcurrat. Nil duce tantus
 Dux eguit; lectum mare, transgrediente Naäson,
 Attonitum stetit, & cælo legata columna
 Pone aciem cessit, dux cælo audentior ipso,
 Securusque sui cælestia signa præiuit.
 Dux quantus Naäson! reuerentibus ambulat vndis,
 Assurgunt fluctus, aqueum velut vndique stipat
 Coementum, solidi fert se trans æquoris ima,
 Pro fluctu terram calcat, pro littore fluctus;
 Fortè suo stolidas solidauit robore lymphas.
 Stantem vndam, potiùsne ducem mireris euntem?
 Principis obsequium grande est, mirabile ponti
 Officium, veluti supplex substernitur æquor;
 Indomitumque salum virgâ tingente domatur,
 Vastusque exili ligno stat fluxus aquarum.
 Æquoreos ne finge Deos, validumque tridentem.
 Hic pontum ædificans, positis altrinsecus omne
 Moenibus inuestit vulgus, stagnoque coactum,
 Adstringit pelagus, vehitur sine nauita naui,
 Profundo altior, & venerantibus imperat vndis,
 In medióque mari castris complanat arenam,
 Vtque nouo venturum hostem stratagemate vincat,
 Aduentans agmen superacto flumine mergit.
 Vestiat vt meritò regalis purpura Naäson,
 Primus purpureum subiit mare. In ardua, princeps,
 Sis prior exemplo; quæ præcipis, incipe primus.

SALMA,

Naäsonis filius.

GRATVLATIO.

G Ratulor ô Salma, dux felicissime, grator,
 Tu populo erranti deserta per aua cæco
 Ortus(deserto sed nîl fecundius isto),
 Vix natus, peregrinatus, natalia spernens;
 Exilium patriis coluisti passus in oris,
 Patriam in exilio, clara incunabula stipans,
 Gratuler vnde magis, cælum trans fulgura legem,
 Et sua iura dabat, cælo cognatus in auras
 Prodisti aërias, cui lex, cognatâque Jura,
 Vt iustum mundus veneretur; fulgura, lusus,
 Et cæli murmur, modulos, tonitrûque verendum,
 Lufisti in cunis, altôque crepundia poscens,
 Quæ pascant fruitus cælestia sidera alumnus:
 Manna tibi pia mamma fuit, dulcedine morum
 Suâuia post animis alimenta elementa professo.
 Profuit eîca viæ dulcis, via donec acerba,
 Pro lare terra vaga, & largum, penuaria, cælum
 Obtulit, assiduo cælorum agitatus ad instar,
 Nîl motus, totidem annis quadragintâ dierum
 Produxisti iter. Insanæ blasphemia plebis
 Obsuerat, passim linguâ pedibûsque vagantes,
 Non rectâque prius, quam recto insistere, nôrant;
 Fors Peripatetices exin primordia classi,
 Incessu vt pariter veniat sapientia lento.
 Anguineos ignes, seu ignitos dixeris angues,

Lubrica tartarei Salamandræ germina, nati
 Serpentes, linguisque phalanx armata trifurcis,
 Poena æqua, vesana ut murmura, sibila plectant,
 Et linguæ tollant linguas, furiaque furorem.
 Has victor restinxisti, prece supplice, pestes,
 Orator fortis stygios sopire dracones;
 Nulla magis prompta est, nulla excantatio maior;
 Qui linguas mulcant, pereunt linguæ anguibus angues,
 Fortior esse solet, suavisque reciproca poena.
 Macte animis, Heros, media inter funera solus
 Obdurantem animam exerceas, & fata coërces:
 Jam socia est Lybicus gens omnis transfuga terris,
 Tolle vnum aut alium, antè viæ confecta labore,
 Quam confecit iter, cecidit, populosa fuere:
 Cribri instar, cunis deserta quot aucta sepulchris,
 Pessima dum perdunt, equidem meliora dederunt;
 Altera gens iniit, gens altera prodijt inde,
 Ast quantæ virtutis honos, animique potestas!
 Totam aciem ferri vna acie tutatus in hostes
 Primus fers, atque arma refers victricia primus,
 Et triginta tribus prostratis regibus, annos
 Prænumeras totidem Messia, fama perennis
 Succensæ Hierichontis erit, progressus in urbem,
 Grans, explorans, cum vinci posse videres,
 Vicisti actutum. Raab seruata refarciit
 Coniugij legem, hospitio comperta fidelis:
 Quæ seruatore meretrix meritissima gignat;
 Cuius seruauit patres. Tu sospes, & hospes
 Optatas Israël duxisti sospitem in oras,
 Promissæ patriæ pater; at fors palma parenti
 Metam ut perciperet, qui se præmouerat antè,
 Hæc debebatur; melius partita nitescet:
 Sic visum superis, diuisisque ambo trophæis:
 Gloria tu patris, generosi is gloria nati.

Hic quidem Erythræum quondam peruaferat æquor,
Iordanem tu tentasti, non degener vno hoc
Passibus, atque animis paribus, cedentibus vndis
Nudatôque vado; virtuti cedere dudum
Vnda mari docilis didicit. Fortissime ductor,
Sudores lympa hæc tergat, frontemque serenam,
Vocalis ripis Iordanis canna triumphos
Buccinet, éque malis superatis post mala gaude,
Versatumque animo memori indulcescat amarum.
Delicijs, Salma, fruire, inuictissime partis,
Afficiatque aures, oculos quod terruit olim.
Te debellare, & bellari est auspice cœptum,
Et quiuis hostis cessit, nisi fortè recessit:
Te reduci centum duce Iuda est vrbibus aucta.
Admonitque tuo vacuas dimittere sedes
Indigenę gladio, impleuerunt Tēnara Ditis.



I O S V È,

Ex Ioseph.

TRIVMPHVS.

PRæclaros Iosues hunc instrue Silo triumphos
 Ante tubæ Hiericho latis accentibus auras
 Impellant, sacras titulis pia signa cohortes
 Distinguant, sanctoque notent tetragrammate turmas;
 Iesu, certa nimis vincendi tessera nomen.
 Nomine seruator quo post dicendus, eodem
 Seruatus, furvum impleuit formidine Ditem.
 Accedit victor, cui mox vrbs accidat omnis,
 Nec solitò, insoliti sic poscit pompa triumphi,
 Iam portas solùm, sed & ardua mœnia pandat;
 Succedant spolia & gazæ fugientis Idumes,
 A tergo tantùm cuius trepidantia castra
 Vidit, vt obsequium fieret spoliare fugaces,
 Nempe fugâ, positis certabunt fortius armis.
 Prædonem miles timidus, non prouocat hostem.
 Occurrat species prima inter fercula Sinæ
 Montis, vbi empyreus vixit cum Mose Pyrausta;
 Intactus flammis. Fixâ statione recedunt
 Naturæ Iura; vt Divùm ne legibus obstant.
 Quas dederat Moïses, Iosue seruare, fategit.
 Dein premat immanis botrus, tergoque ferentium
 Nutet ad ostentum. Post quadragintâ diebus
 Confectum annorum tot iter, tellure gigantum;
 Quâ similem dederant magnis frugem arua colonis,
 Messuit hic omnes maior cùm ture colonos.

Hinc

Hinc capita in contis Henacim præfixa gigantum,
 Quæ vis perniciem fecit, roburque ruborem.
 Sola animos virtus, non vis, creat esse viriles.
 Post ingens lapidum plaustro spectetur acervus,
 Ingrata ingratis monumenta; ferè exanimatur,
 Cum timidos animat, trepidantum audacia tanta est.
 Dein Madianitæ, quos ablegauit in orcum,
 Mosis ad inferias: niteant illata trophæa
 Præstigijs quondam stolidi maculata prophetes;
 In medioque caput Balaam, protensaque lingua;
 Olim, execrari cum vellet, sacra locuta,
 Iumento imagè vesana. Et Jordanis imago,
 Si fieri possit, subeat, veneretur ut arcam,
 Delatam à mystis, mysteria sacra ferentem,
 Stet, fugiatque, metum dubitans interque stuporem.
 Euerfas præeat Hiericho vrbes prima, tubarum
 Conturbata sono, Iosue pæana canentem,
 Exsultantemque tremat, felici Marte redactæ
 In cineres vastis referant sua busta ruinis,
 Quod facit ad pompam, viuant in imagine tantum.
 Hic scuire necessum erat, aut seruire coacto,
 Ante faces currum sint sol & luna, gradarij
 Quondam, statarij Iosues ad lussa planetæ:
 Atque secuta suos fidâ statione tribunos,
 Subque suis ducibus quoque reliqua sidera adorent.
 Imperium mundo maius venerantibus astris
 Protendit ductor, fugitiuaque stare coëgit
 Tempora, & inceptis lucem seruire triumphis,
 Equè solo, adstrinxit Solis moderatus habenas.
 Seruilis Gabaon currum trahat, inque catastis
 Turpè innodatus, pompæ præludat equestri;
 Nam vitam pacti, in lucro posuere catenas.
 Immineat curru turrito victor, & hæres
 Illustri Mosis diademata vertice vibret,

Vt noctem illustret, liuorem excæcet, & inde
 Excipiant tributum, nullo excedente luuentam,
 Auroque, & lauro cinctæ frondente phalanges;
 Hic solus Josuë, de tot migrantibus vñus,
 Cumque Caleb, sedes Iudæis fixit in aruis.
 Longinquo optatam figens in limine metam.
 Arcæ triumphali fastigia summa loquantur &

VIRGINEO DICTATORI,
 PATRIÆQUE PARENTI,

*Et magno Seruatori, seruatus, Iesu,
 Atque Palestinas populus perlatus in oras.*

Hic triginta tribus cantu, ferro, igne tyrannis
 Prostratis totidem diuisit regna tributim,
 Summòque in Silunte Deo sanctuaria sanxit,
 Nulla quies illi, donec Deus ipse quieuit;
 Et toto pacem solidam stabiliiuit in orbe.
 Post incredibiles operas, vitæque labores,
 Aternâ demùm compòstus pace quieuit,
 Hebræus memori gratus cum plebe Senatus
 Perpetuum dignò monumentum scripsit in archa.



SAMSON,

S A M S O N,

Ex Dano.

I D Æ A.

HUc iuuenes, quibus est robur, feruensque cupido,
 Idæam dabimus Samsona: vtriusque furoris:
 Alcidi parilem, pariliq; à robore fortem,
 At mox mancipium, stolido assimilatus amori,
 Nudatur cæcus, sterili de germine prodit,
 Prædigio æquali, quo Iacob natus & Esau,
 Et bonus & malus est, vnus confundit vtrumque.
 Nazareusque Deo teneris sacrauit ab annis,
 Cui nomen flores fecere, offerre iuuentæ
 Nempe Deo flores gratum est; dat munus auarum,
 Qui serum autumnum profert. Temeta tumentem
 Ne faciant, puro sitientes fonte iñbetur
 Fauces fraudare, vt vultus cum lymphâ bibentis
 Reddit, se noscat, nunquamq; sibi excidat ipse.
 Diuino puer afflatus sit robore fortis,
 Nam mage nil hostem, quàm insons infantia, terret.
 Sed quod robur habeat tenues agitabile crines,
 Ostendit quàm sit inuenum fiducia inanis,
 Pendeat, & filo tenui, validos nelacertos.
 Iactas? sunt nimis, taurorum gloria, vires,
 Ipse tui potiùs vide ne sis roboris impar.
 Hospitis ista tui vis est, & carceris, an non
 Fortia quæ caperis vesane viscûla iactas?
 Quod magnum est in te, te contra est robur in hoste.
 Hostilem in eadem sacrauit, in ardua fertur,

Acriter

Acriter aduersum cœpitque odisse Philistiim,
 Vnâ & amare Philistæas, odiumque in amore
 Exacuens, geminâ metuentes territat irâ.
 Cumque incircumcisa Deus connubia firmat,
 Cedit amori Mars, facibusque cupidinis ardet.
 Qui fuit Alcidi immanem superare leonem,
 Samsonis labor est primus, victoria sed post
 Dulcior, exuuias inter spoliūque ferinum,
 Condita mella legit, sœuique leonis hiatus,
 Atque sepulchrum hominum, lato ore aluëaria pandit;
 Blanditiisque minas, feritas dulcedine versa,
 Suspendit totam contexto ænigmate mensam,
 Conuiue obscurum frustra illustrare laborant,
 Sphingem adeunt, prodit coniux maligna maritum.
 Inde labor nouus, expostumque hac fraude problema
 Persequitur vindex, pretiumque vt soluat amarum;
 Percussos spoliat triginta è gente Philistijm,
 Et spolijs auidos hostilibus induit hostes.
 Corporis ingenio vincuntur robore fortes,
 Atque dolos sequitur dolor. Exinde hydra malorum
 Sed noua se tollit, vindictam iniuria poscit,
 Illam vindicta, & cognatam vlciscitur vxor
 Perfida adulterijs cædem: vulgasse mariti
 Secretum nil mirum, ausa est vulgare seipsam.
 Nil habet arcanum, cui nil est femina sanctum.
 Ter centum vulpes succensis fascibus armat,
 Principio lusus, mox flebilis exitus aruis;
 Cursim per segetes ignes animantia spargunt,
 Cum flammisque famem. Non talis Sirius vnquam
 Supplantauit agros; adoletur adultera thure hoc,
 Vt Cereris facibus Junonem visit Auernam,
 Vulpina ingenia, & vulpina incendia plectant.
 Inde Philistijm, perfidiâ socialis Jüda,
 Traditur vt Christum assimilet, vinculisque repente

Liber, mandibulâ cataphractus frangit asellâ,
 Vilia nulla manu sunt tela intorta virili:
 Clara simul duo committit miracula claua,
 Victori fontem, victori tela ministrans;
 Quam fudit, saniem emaculat. Samsona beatum,
 Si non mansisset post inclyta facta superstes!
 Destituit tantum fugiens sua gloria robur,
 Infamique ingens turbata libidine fama.
 Hercules nonne ille labor? complexibus hærens
 Gazæ scorti, spurco illaqueatus amor,
 Nequicquam insidijs præda intercepta Philistim,
 Apprênsus ceu Rhinoceros gremioque puellæ,
 Quod damnes, impuræ: inopinus at exitus instans
 Exitium declinavit, nisuque reuulsis
 Felici, liber solidæ compagibus vrbis,
 Asportansque fores foris, urbemque extulit urbi.
 Quæ blandè alliciunt, auidæque vorare vocatos,
 Sic fugiat semper Sirenes; at impos amoris,
 Inceptos mutat, nescit vitare labores.
 Omphale imperio facta est huic Dalila maior:
 Fortior Alcide, at quoties vincendo resistit,
 Fœmineus toties, magis ancillando probatur.
 Ergo Philistini oblato ut muliercula fallat,
 Inducunt auro, quo decolor illicet omnis
 Assolet esse fides; si vinci, & quomodo possit,
 Exploret, sed enim dominam quid celet amator?
 Ut Martem capiant, Venerem captare dolosi.
 Nonnihil ille preces hostilis ludit amicæ,
 Cùm differt, nervosque rudes, clauosque trabales
 Diffringit, semper captus, liberque, solutus
 Idem vinculusque: at quæsitore femina solers,
 Quamquam importuna est, blandè torquendo latebras
 Extorquet, sacrum seruare ut nescia, perdat.
 Difficile euades, cùm apparitor ipse cupido

Persequitur, facibusque suis abscondita tentat.
 Decipiens in decipulas & retia sensim
 Descendit, nimiumque suos ne attristet amores,
 Crinibus implicitam virtutem haud sustinet vltra
 Celare, illa comam radens vim dissipat omnem;
 Sternitur ille lupâ, qui strauerat ante leones,
 Cogitur eneruis neruos & vincla subire,
 Orbaturque oculis alienâ fronte cremâti.
 Oedipus ex Alcide dein, frugesque terendo
 Conteritur, sese miserum quod non videt, vno hoc
 Felix, bis felix, cæcus sua crimina spectat.
 Cùm redit ad numen, redeunt sua robora Samson,
 Cumque nouo crescit mens ante resecta capillo.
 In Veneris iussus templo simulare Cyclopem,
 Nec laruæ indigus, amplexis labefacta columnis,
 Tempa adigit, pressâ cunctos sepelire ruinâ.
 Cumque actore suos perimunt spectâcla tuentes.
 Sic inter cecidit laudes, interque trophæa,
 Tam felix odijs quàm infastus amoribus olim.
 Hoc tamen egregium, quod tandem perdidit illam,
 Quâ perdebatur dudùm, & moriendo Dionen
 In templo oppressit, cuius fraudesque dolosque,
 Serò quidem, & frustra cæcus sine lumine vidit.
 Ne paritèr serò videas, Samsona videto.



BOOZ,

Salma filius.

O B E D,

Boozii filius.

MYSTERIVM.

EX Moab Rutham, Raabâ Cananitide natus,
 Vxorem ducens, geminat mysteria Booz;
 Quod mirum, meretrice satus castissimus ille,
 Quod rarum, arato coniux paupercula nupsit.
 Quod mirêre magis, cæli, rerumque peritus,
 Transgreditur legem, cumque id sit numine cautum,
 Ut ne alienigenûm thalamis iungantur Hebræi,
 Ne populis gens nascatur sacrata profanis,
 Obscurum matris natalem, vxore alienâ,
 Continuans Booz, cum diuersaque tribuli
 Filius, & coniux gemino se fœdere nectit,
 Datque alienigenis, & natus lege vetante,
 Contra ipsam gignit. Sed quod fas omne repellit,
 Messîæ in fastos hymenæus vterque nefastus
 Inserpens, tedæ fumo tam nobile stemma
 Illicitæ Obscurat. Sed quot mysteria Diuûm
 Hi thalami inuoluunt! Interpreter callidus altæ
 Ingenium legis, quamuis à lege recedens,
 Assequitur Booz. Booz, synagoga meretrix,

Cælestem, terris venturo tempore gignet;
 Sancta, alienigenæ licet, huic ecclesia nubet.
 Hanc Rutham meritò dicas, Raâb illa vocetur,
 Diluet is sponsam, veteri quæ perlita coeno,
 Perditâque accedet, sacris & frugibus altor
 Excipiet, ditans, dotansque, famemque leuabit,
 Virgineis cæli dapibus, pedibusque iacentem
 In solium tollet. Lætante hæc matre Nöema
 Vicinis circum plaudentibus, edet Obedum,
 Fœcundam sobolem. Morietur quippe redemptor?
 Christiadûmque genus surget, superûmque voluptam,
 Delicias Diuûm renouatus proferet orbis.
 Dum pergis, tacitus, serua hæc arcana, viator.



GEDEON

Iosephi Nepos.

ARGVMENTVM.

Q Vid cytharæ aucupijs distendis inanibus aures?
 Huc Orpheû, lictoque Hebro, diuerte ad Hebræos.
 Hyumi argumentum magni dabit altius heros
 Inuictus, Gedeon; numeris hûc carmina pange
 Innumeris, non æquabunt præconia laudem.
 Nec modò jam terras, nemorûmque morabere saltus;
 Aëreumûe pecus; cupidæ tua cantica poscunt
 Empyræ volucres, cæloque heroâ receptum,
 Buccinet expectant non immemor vndique mundus.
 Post vitia, emeritæ virtutis pange trophæa,
 Centum faciunt mixtûm contraria suauem.
 Nil blandire, fiet Gedeon ignavus & excors;
 Illicet & tremuit vexilla trementia pridem,
 Opposuitque fugam telis hostilibus; altam
 Segnitiam, impietas vicit, nihil audiit, ipsum
 Promittens numen victricia bella, fidemque
 Abnuît. Vt maiora fide miracula surdam
 Euincant mentem, flammæ legantur & imbres,
 Vt dignus sapiat monitore auditor utroque,
 Cum malit proprios præ cælo credere visus.
 Obrue dedecora hæc, fiatque antistropha virtus,
 Et plaudens laudi prudentia crimina vertat,
 Occine, vt aduersum Madiam hortatus Olympo
 Egreditur, Moses quos protinus obruit olim,
 Nî testes essent tumuli, vixisse negares.

Disparent equidem, pereunt mala gramina nunquam.
 Ex trepido intrepidus, qui formidauerat, omnes
 Prouocat, è mystâ fit miles, cultor, & ultor
 Numinis, & cultrum sanctè, dum fortiter ensem
 Vibrat, & extinctæ pietatis bustâ renitens,
 Suscitât, occidendo malos, quin nomine verso,
 Jero. Baâl, Ditem euertit, fucosque, focoloque,
 Exermesque Deos, & inanes Numinis aras:
 Accine, quàm paruo numero, tanta agmina fundit,
 Milliaque ex Madian centum triginta, trecentis
 Maetè viris maetare offert: ne ignauia turbas,
 Turba fugam augetet, vel certò jura teneret
 Militiæ tam rara manus; prætentat aquando
 Magnanimùm vires, proni qui flumina lingunt,
 Abijcit, assumit, dextrâ qui flumina sumunt.
 Arcentur bello, quels solo est robur in ore,
 Et nullum manibus. Graditur lectum agmen in hostes,
 Stant acies, pugnantque tubis, resonantque triumphos,
 Dum pugnant; (socij tanta est fiducia cœli)
 Et facibus gladiisque nitent; cùm dimicet, alma
 Nempè micat virtus, stolidâ nique stupente stolatas
 Ad turmas Madian, dum certas auspice signo
 Exequias refugit, clangore & luce corusca,
 Vincendi as, gladius cædis, fax funeris omen;
 Lymphati terrore animos, errore feroces,
 Terrigenæ vt fratres, per mutua vulnera cessi;
 Ciuiliq; cadunt acie. Sic nempè malorum,
 Cùm cessat, demùm mala fit concordia discors.
 Cladem illi tulerunt; cædem socia arma tulere.
 Postquam aciem totam ferme sine cæde, cecidit.
 Inuictus ductor, quos fugerat antè, fugando
 Persequitur, regesque duos dare colla securi
 Captiuos cogit, qui dum puerile recusant
 Ferrum indignantes, propriâ vi sternit & ense

Dignatus

Dignatus Gedeon. Victoris gloria quanta!
 Nam reges etiam facit occidendo superbos.
 Seruatique suis excidit stirpitùs hostem.
 Sic poscebat opus; pereunt sub vindice verè
 Hoc Madianitæ. Nunquam meliora fuissent
 Tempora, sin homines mutati, Nulla profana
 Fana tulit sacer, idolum non perstitit vllum,
 Dum staret Gedeon. Rursùmque antistropha claudant
 Lætitiâ ingentem conuerso cantica lessu,
 Lugubre Epos, septuaginta vnâ prolibus auctus,
 Tot palmas inter, felix, si prole careret,
 Saltem vnâ. Abimelec tanto patre degener ortus,
 Proderet vt patriam, veritus nîl perdere fratres,
 Quod rapuit, sceptrum rexit, fecitque paternis
 Manibus inuidiam, ipse bonis inuisus, & atris
 Turpe notis natus patrios infecit honores.
 Aduersusque Deum cum Baal fœdera iungens
 Restituit, quæ Ierobaâl idola reuulsit,
 Cunctorum destructor, quæ pater ante patrauit,
 Ad fratres vsque. Hîc modulos suspiria rumpant,
 Humanis luctus extinguunt gaudia rebus.



I E P H T E,

Iosephi Nepos.

MONUMENTVM.

Q Vi legis hæc, luge, miseranda memoria Iepthes
 Ex Galaâd, nimiùm funestam hîc imbuît aram.
 Ille Deo sâtus inuito, qui nempè probroso
 Natus adulterio, non vixit legibus vllis,
 Contra legem ortus, fratrum meliore repulsus
 Conuictu, inter latrones, tantôque profectu,
 Vt fieret princeps, egit. Quippè illa palæstra
 Descensu attollit facili, formatque magistros.
 Ære suo leuis, accersit pressos alieno,
 Ne soluat rapiens, peccans, ne crimina pendat,
 Confidensque animis, quantùm temerarius armis,
 Delicias fecit prædæ suâ prædo pericla.
 Infestis Galaâd armis cùm sterneret Ammon,
 Ad profugum trepidans confugit patria Iepthen.
 Vtroque immodicum, varium & mutabile vulgus,
 Noluerant ciuem, patrem, regemque salutant.
 Is patriæ dudum exutus, non filiæ, amorem,
 Vna erat illa domus tota, huic vt gloria, dôsque
 Accrescant, totâ se belli mole grauauit.
 Regia de pacto pugnae fuit infula pignus;
 Tergendo sed enim sudori linthea belli
 Commoda nulla magis. Sine regno bella prehendit,
 Vt subeat regnum sine bello, ac auspice voto
 Supplex aggressus purumque piumque duellum,
 Si vincat, spondet reduci primo obuium, vt arrham,
 Sacrificare aris. Sed quàm crudelior hoste,
 Incautis votis quàm destinat, hostia fiet!

Simplex impietas, pietas impronida patris!
 Propitio, dic, annè irato numine? vicit;
 Et qui nec pacem, nec bella parauerat Ammon,
 Momento obrutus est. Viginti attingere cœpit
 Obsidione vrbes, & cepit: gloria longos
 Victori luctus properabat. Lætus ouantem
 In patriam, votique reus remeauerat, ecce
 Prodiit ante fores socijs stipata choreis
 Vnica nata, patris carum, quia sola, leuamen;
 Lætitiam mortemque canens, ignarâque lusit,
 Et flendos inter festiuum victima plausus
 Exultans, fatis propius tulit obuia gressus.
 Luctandum cum naturâ, qui vicerat hostes;
 Ingentem traxit secum victoria cladem:
 Hic species omnis lauri, & spes verna triumphâ
 Elanguit, nimium expressâ conuersa cupresso.
 Victori hunc potuit finem vouisse vel hostis.
 Nempè inter pompam, densas cæsi agminis vmbras,
 Ipsa cruentatos veniet quoque filia vultus.
 Amplexus arctans genitor dedit oscula natæ,
 Ceu niueo supremam animam legisset ab ore,
 Vicinus ô inquit, stetit at victoria carò,
 Te voui pretium genitor victricibus aris.
 Non vitam, fortis spatium heroïna rogauit,
 Vt ripas repleat virides, annesque querelis,
 Et surdas cautes pulset, gemitûque bimestri,
 Ipsa sibi fiat lugubri Præfica fletu,
 Officium anticipans. Castum ergò datura cruorem;
 Funesto tandem obsequio se victima sistit,
 Imperio imprudens æquè parere puella,
 Quàm voto genitor. Fortè ignorantia mystæ
 Culpam vtriusque leuare queat; tremulusque minister,
 Fortis & infelix, & plusquam femina virgo
 Nil concussa stetit, dudum quàm antè gemendo,

Absumpfit luctus, quos auxerat ille premendo.
 Jam passim cunctique oculis linguisque fauebant,
 Et Iuuenum vultus defixi in virginis ora;
 Condecuit speciem robur, mouet acrius ista,
 Cum desperatur, maiorque cadendo videtur,
 Sol velut occiduus. Cælum spectata virago
 Et sparsi lacrymas vulgi, quas ipsa tenebat,
 Orbandumque patrem, & ferrum generosa tuetur,
 Gemmantes circumque oculos, adamantina, forti
 Pectore confirmat. Flens, inuitusque sacerdos,
 Dum patrij affectus, & votis vota repugnant,
 Compòstam morti intuitus, sæuùmque morantem
 Officium, inuictum iugulum libante securi,
 Vdam hæc truncato possedit corpore terram:
 Semianimis super exanimem prolapsus Jèphthe,
 Accepto longam protraxit vulnere mortem.
 Virgineum corpus mundissima flamma vorauit,
 Quoque ferebatur, cælestibus intulit oris,
 Trans cælum vt terris iret constantia maior.
 Puniceo fudit cum sanguine lilia virgo,
 Flora vt virgineis numquam sterilesceret aris.
 Fortiter, omnia, si spectes, sanctèque peracta.
 Fecerunt modulis ludi suspiria mixtis,
 Innumeri numeros gemitus rupère canentum.
 Hunc belli imposuit finem, iam fractus Jèphthe,
 Prædo nimis largus, doctus pugnare, vouere
 Indoctus. Trepidæ ne posthac vota parentum
 Exitio implectant simili, immortalia saxo.
 Grammata scripsère, & memori de mors, per annos
 Funereo inuisunt cultu monumenta puellæ.
 Et quia virgo fuit mandârunt carmina græco
 Virgineæ Musæ, & transmissa Agamemnona facti
 Inuidiâ cecinère, vt fictè vera loquendo,
 Aeternum rem incredibilem, quasi fabula narret.

IESSE,


Obedi filius.


CLAVSULA.

DEmum agmen clandet dux inuictissimus Isai,
 Ille ducum palmes, reges radice propagans,
 Militiæ sudore rigans præfectus auitam
 Cædendis virgam sceptris siluescere fecit.
 Tollebat ab obscuris se regia saltibus arbos,
 Magnaque gemmabant tenues diademata stirpes.
 Patricius Bethleem Christo sua rura parauit,
 Et dignam caelo patriam; contraque Philistin
 Virtuti fors à caelo pro cote relictum,
 Primum acuit gladium. Bello illicet arma teruntur,
 Pace perit miles, pugnantque sine hoste sodales.
 Authoratus Militiæ sanctuaria sacrae
 Defendit, quæ alibi si forte amissa fuissent,
 Vel seruata ducis latuissent pectore tanti.
 Miles erat, sed non qualis, quævis robur avarum est,
 Vincere qui vellent, sed ante cupidine victi;
 Quævis numen spreuisse, animi est audacia summi.
 Armis emeritus, certauit robore certus
 Consilij, vtilius sed enim, quam bella geruntur,
 Bella reguntur, habens canos, pro castide, ceruix,
 Cumque nihil valuit telis, immisit in hostes,
 Pro telis natos, patri hi iuuenilibus armis
 Tergeminam fecere manum, defecta reuixit
 Vis senio, triplicique vnus ter corpore pugnans,
 Instar Gerionis, trinâ virtute tricorpor,

Nîl hosti cedens, cædensque sedendo repressit.
Vis scire hoc quanti sint ex genitore creati?
Maximum erat minimus qui strauit mole gigantem.
Qua specie? fratres inter despectior omnes
Lectus in imperium est: valido cum pectore Iesse
Lætitiæ est impar, anima est expulsa senilis.
Delectandonocet, prodestque volupta nocendo.
Rebus in humanis fingit, qui gaudia figit.
Perge, dabunt exempla etiam magè lubrica reges:







Dauid,

Iesse filius.

Christi linea.

Salomon.

Ex Iosepho,
Samuel.

Roboam.

Ex Iuda,
Sufanna.

Abias.

Afa.

Iosaphat.

Ioram.

Ochozias.

Ioas.

Amasias.

Ozias.

Ioathan.

Achaz.

Ezechias.

Manasses.

Amon.

Iofias.

Ioachaz.

Eliacim.

Sedechias.

Iechonias.

DAVID,



D A V I D,

Iesse filius.

EXEGESIS.

Nunc dabimus Reges, mundo maturuit Ætas
 Crudior, ex ostro splendens sit purpura testis.
 Molle latus frustrâ cingit, dum sudat in auro,
 Quot numeras gemmas, ceruix tot fracta periclis,
 Quæis horrorem augent, pro securâ astra quiete:
 Assiduas glomerat, dicta vnde est Curia, curas.
 Sole coronato, cælum, nigrantibus Austris
 Voluitur, & cæco densantur nubila vultu.
 Regalem hic cinxit primùm diademate frontem,
 Suprà omnes felix, infrâque miserrimus omnes.
 Felix à minimo creuit, cùm maximus esset,
 Ærumnis patuit summis; quem cura paterni;
 Magna prius puerum tentare adduxit ouilis;
 Mactè animis iugulatores iugulauit, & illi,
 Nî chlamydem victor primis assumpserat annis,
 Prætextam exuviæ cæsi fecêre leonis.
 Ungulam & ora puer, veluti sua ludicra, versans,
 A teneris dura exorsus, liuore petendum
 Thema dedit: nondum inuidiæ matura ferendæ
 Materies, quia præmaturâ ætate profecta.
 Monstrum ingens; effectæ propugnacula carnis,
 Aggressus Goliath, cataphractum strauit inermis,
 Altior, elatuique caput, cæloque propinquum
 Messuit, inuictam nil terruit ardua moles
 Virtutem: admonitu Balcanis & impete dextro:

Publica res vno funde fundata lapillo,
 Vno subuersa est Virtus aliena fatigat
 Liuoris vires, & virus. Præmia laudis,
 Inuidiam obtinuit, tuæ sunt hæc, gloria, lucra.
 Hæc aulae norma, & facies, hæc grátia regum,
 Post factum benè; & immixtum sudore cruorem,
 Non placuisse, dabunt, omni pro munere, grates.
 Inde lyrâ delirantem mulcere Sâulem,
 Cura fuit, pariter fors arte valebit utrâque,
 Seu fila impellat, seu tela: irritat Ærynnēs,
 Quas lenit, frustra que modum modulamine tentat
 Firmatis formare odijs, cantique mouero
 Exleges motus; animat dum fila canorus,
 Exanimis torti fermè sub cuspide ferri
 Procubuit, fatiùs prouiderat excubus Æther,
 Qui missam nî parietibus distorserat hastam,
 Vertisset longo moriens sua carmina lessu.
 Gethæas profugus cum peruenisset in oras,
 Regi, non Satrapis charus, (nam nullibi virtus
 Inuidiam amittet) se dementare coactus
 Finxit, vt insanos fugeret; proiectus ab aula,
 Dum putat amentem, quæ si proscriberet omnes,
 Sinciput integrum quæis non est; sola maneret.
 Opilio thalamis creuit regalibus auctus,
 Sed quæis bis centum pretium præputia pendants,
 Vt libitina truces præferret pronuba tedas.
 Israël & Judam iungens, geminamque tiaram
 Implicuit fronti, tingente cruore Sâulis,
 Et Jonathæ, biberat funestum purpura coccum:
 Quos nimis ardentes ardenter amauerat hostes,
 Vitarat viuos, plânxit, luxitque sepultos,
 Antè quidem mœstus, ne vineat, post, quia vicit;
 Victique & victor per mutua vulnera læsi,
 Ille dedit lacrymas, isti fundere cruorem.

Calcauit, viditque hostilia busta superstes,
 Quos letho dedit, aut sese, tandem aut Deus ipse
 Occidit: passus, sed funera plura suorum;
 Cùm pestis succensa vísit fatalia Parcæ
 Stamina, morsque fame nondùm satiata trienni
 Adsciuit cædis, Martem, mortisque ministrum.
 Victori vt demùm fieret plorabile lucrum,
 Amissis orbas inuadere ciuibz vrbes.
 Finitimos ferro vinxit, vel fœdere reges.
 Sæpe togâ multos lorica beator ambit,
 Campus, quàm thalamus, tuba, quàm sit tibia, felix,
 Sol vmbra est melior. Pacis dum commoda viuít,
 Dissidia intestina tulit, quo vincere Marte,
 Aut vinci, infelix æquè est: nactusque quietem
 Peiorem bello, ac armorum pondere liber,
 Mancipium Veneris, vinctis est captus amorum,
 Quêis innodatus, facili per crimina saltu,
 Junxit adulterio cædem, raptâque maritum
 Coniuge depulsum thalamis, & pellerè viuís
 Instituit, primâque aciei in fronte locatum,
 Dum proprias scelerare manus cædendo refugit,
 Et propinatum celauit honore periculum,
 Protinùs hostiles ruiturum misit in enses;
 Perpetua Vriæ vt mancant monumenta, tabellæ.
 Magnorum haud minor, est mundo conspectior error;
 Multiplici latus thalamo, natilque dolendus;
 (Quippe volupta parit luctus) stupro ille sororem,
 Iste thorum Patrium, probro incestante, nouercam,
 Impetiêre: bis infelix hoc germine Dauid,
 Seu dum committunt ambo, seu crimina plectunt.
 Fratrem incestificus frater, sed patre vetante,
 Occidit stupratorem, cadit iste, dolente.
 Flebilior dubites iniuria, an ultio patri
 Contigerit; geminos causauit vterque dolores.

Vicit

Vicit inornatam Solymam, ornavitque subactam;
 Níl quàm sic vinci, fuit illi sanius vrbi:
 Illic, cælituum sanxit, sanctuaria, munus,
 At sacris templum positis fundare repulsus;
 Numine nempe manus munus fugiente cruentæ.
 Davidis palmas, quas iusserat; oderat æther.
 Septuaginta annos superans, quam clariùs antè
 Cessisset, palmâque recens, clarisque trophæis!
 Prima ætas stimulos, seros habet vltima franos.
 Frigidus, attritus, quantum mutatus ab illo!
 Imperium annosus posuit, quod cœperat infans,
 Imbellisque infante magis, sua sceptrâ decenni
 Commisit puero: vel felicissimus vno hoc,
 Quod mundo maior, quo non sapientior alter,
 Ediderit natum, nisi & accelerare propinquam
 Illius improbitas mortem præuisa coëgit.
 Difficilem exemplo doceat te purpura sortem;
 Regum conditio, facere est, non esse beatos.



SAMVEL.

113

Ex Iosepho.

EPITHETA.

S Ignari titulo nequit, hic qui conditur, vno;
Diuersæ semper nomen virtutis adeptus.
Lætitiæ pater, ast natus mœrore, vocetur:
Æmula dum matrem liuore nouerca fatigat,
Oseruatque moram lacrymarum clesydra longam,
Iam desperandus, speratus prodijt infans.
Matrem habuit sterilem; sed enim natura parare
Dignum animæ corpus tantæ defecit. Acerbus
Conceptu, sed maturus virtute, datori
Donandus cælo, cui se prius obuius æther
Insudit, vique occultas rimante latebras,
Sanctificans, vteri impleuit penetralia clausi,
Vt nondum natum lustraret: & ille, priusquam
Inciperet proprias, illustres spiritus auras
Diuini occiperet. Cælo obstetricante, minister
Nazareis creuit; discinctum fascia vixdum
Soluerat, accinctus votis prorepsit in aras.
Despondens, gratoque animo data munera reddens,
Officijs pia certauit cum numine mater,
Et seruum, at seruata libertate, sacrauit.
Obsequio cæcis, monitis sed lynceus, antè
Quàm fari possit, profatus vera Prophetes,
Nec tamen id mirum potuisse, prophetide natum.
Innocuâ vitâ, & feruoris candidus æstu,
Propitiatricem seruans vigil excubus arcam,
Et Cherubin zelans geminos, ceu tertius inter:

Arca Dei, custos arcæ, custodia templi,
 Ipse Dei templum: jam consuetudine Divum,
 Per somnum fruitus, vocalique ore, vocantem
 Pontificem finxit Deus ipse, (oracula credas
 Pontificis, nunc esse Dei) vacuusque pauore,
 Numine suscepto plenus, suprema malorum
 Pontifici & natis, offensi numinis iram
 Æquus cælestis prædixit vindicis index.
 Hi libare magis docti, dapibusque litare,
 I uicem obscurabant noxis, luxuque tenebras,
 Sacrifici, ventris vernæ, quos ore suavis,
 Eloquio asperior, cæloque iubente severus,
 Intrepidè increpuit, trepidumque timore repleuit,
 Censurâ in natos nimis indulgente parentem,
 Damnabat raptus, viuens tamen ipse rapinis,
 Conniuendo scelus, crimenque medendo fouebat.
 Præuisu verax, velox prouisu, inopinum
 Cui nil contigerit. Fulciuit Pontificatum,
 Lapso Pontifice. Indignum defecerat Aâron,
 Deficiente Aâron, munus: sed fœdere vindex
 Amissam obtinuit renouato hic fœderis arcam.
 Promeritam admonuit populos vitare dolendo
 Vindictam, læsumque malis mulcere tonantem,
 Pace valens, bellare potens, sine Marte Philisthiim
 Prostrauit, cælique fuit, pro milite, fulgur,
 Perdidit & captos, & fortis perdita cepit:
 Et iudex æqui, iustos æquissimus inter,
 Substituit natos oneri, meliusque remouit
 Impositos populis, ne fuluo falleret cestro,
 Justitiæ lances Aurum corrumpere fallax,
 Consuluit plebi Consul, regemque creauit,
 Etsi inconsulto poscentibus, vtpotè quorum
 Rex, tutorque Deus: species cui summa reperta est,
 Electus sceperis, asinas quærendo paternas,

Regni iuuenit onus, regna obtinuere grauantem.
E toto grege Rex melior, voluisse mederi,
Vnguento credas fuso capiti: esse superbum
Regius est morbus, fastusque est fascibus ingens.
Zelo ardens, lacrymisque madens, calcata Sâulis
Vidit auaritie postquam mandata Tonantis,
Inuisum superis properauit linquere regem:
(Sit semper præ rege tibi Rex summus) at ille
Comprensæ chlamydis tardando discedit oram;
Scissaque scindendi vestis tulit omina regni.
Frustrâ seruatum regi discepserit Agagum,
Et meliore gregis regimen, regnique tiaram
Auspicio, impoluit Dauid, ludamque perenni
Afferuit regno. Claudio compendia laudum,
In se cunctarum clausit compendia laudum.
Ofores dudum virtutis ut ante perosos
Effugiat, vitam inuitam cum morte paciscens,
Juit in optatam, trans inuida fata, quietem.
Nec votum obtinuit; Rex improbitate sepultum;
Quâ vivum odit, conturbans, manesque laceffens,
Pythonis, magicæ incentricis, carmine mouit:
Ventriloqua hæc meritò, nigræ telluris ut alio
Responsa exposcat. Sic mens contraria semper
Præsentem fugit, & sequitur, cum fugerit, amens
Virtutem. Frustrâ lectum, nè viseret orbem,
Qui tumulos turbârat, proturbauit in orbem:
Qui manes irritauit, nunquam ipse quiescat;
Attonitumque umbris, scrutatas traxit ad umbras.
Respondere æquum fuit, atque vocare vocantem.
Sæpe sui inuenti sese inuoluere periclo,
Quos explorare ingenium sua damna cœgit.
Tandem, ut bis viuat, moritur semel, ut requiescat,
Bis moritur. Tu dum plaudis, ne fortè iacenti
Rursum obsis, tacito, monitus, pede perge, viator.

SALOMON,

Davidis filius.

SCYLLA.

ADspicis aspectu monstrum variante triforme,
 Feminæ humanâ pectus ceruice superbum,
 Pro pedibus, caudâ corpus claudente ferinâ;
 Et Scyllam esse putas? Salomo est. Puerilibus annis;
 Vir prudens, medio vixdum vir semiuir ævo,
 Totus femineus, senio subeunte feroci,
 Finijt ætatem monstrosam, femina, nec vir,
 Non fera, nec puer, ast conflata ex omnibus hydra.
 Hoc puero nemo natus sapientior umquam,
 Scilicet hic vnus didicit nihil, omnia sciuit.
 Quæ iuuenes fugit, ad iuuenem prudentia venit,
 Et secura sui, strictè amplexata pudicum,
 Cui pro canitie, puerili in pectore candor:
 Quodque magis mirum, noctû, somnôque solutum
 Inueniens, sensim irrepsit, somnusque Camœnas
 Pellere cùm soleat, vigilans comprehendere cura,
 Trans oculos, mentis pandens sibi lumina, clâusos
 Peruasit, medio sapientia nata sopore.
 Hoc solo indicio, potuit cælestis haberi,
 Cælitus intrauit, non indotatâque nupsit,
 Tyrones ferulis terrere assueta, nouello
 Porrexit sceptrum Salomon. Dubitaueris, vtri
 Plus vter attulerit; rexit puer iste per ipsam,
 Regnavitque ea per puerum. Pietate iubente,
 Cura fuit patri prima ædificare sepulchrum;

Cela-

Cælauit culti marmor tam diuite, & aurum,
 Vt defunctum æternârit tumultando parentem.
 Errant, degeneres qui ne fortassè probentur,
 Extinguunt patrum famam: mauet illa superstes,
 Et fati aspernans bustum interitumque triumphat;
 Cum desiderium repetit, votumque proborum,
 Quos necis inuidia in mortem sine morte coëgit.
 Eiusdem pietatis opus, dum criminis ultor,
 Legatam patrio Ioab testamine, mortem
 Intulit; imperij prauorum nempe ruinâ
 Fundamenta noui surgent. Ex Rege Sacerdos,
 Extruxit templum, mundum magè dixeris esse,
 Quàm templum, spatio diuersum triplice, deinde
 Quadrifidum, ac annis totidè, quòt solibus orbis
 Perfectum. Affluxit collatis vndique gazis
 Mundus, vt ornaret mundum, in compendia strictus;
 Auspicio vt maiore ingens sobolesceret orbis.
 Diuinæ, vt fas est, operæ, ciuilia subdens,
 Urbibus imperij fines, & mœnibus vrbes
 Inuestiit, terrasque bonis rectoribus auxit,
 Rectores terris. Pacis ne commoda plebi
 Luxuriam faciant, scelerumve licentia crescat,
 Alta edicendo posuit subsellia iuri;
 Sublimi inuidiam mouère palatia cælo,
 Et sparsæ passim gemmæ lare regio, & ostrum:
 Auræ aurata diem fecère aulcæ nitenti,
 Aurea in-auratos reuocauit fœcla penates,
 Et Themidem, inuisas, sua regna, reuiscere terras.
 Iustitiæ hæc arx, gemmatum veneranda tribunal
 Purpura substrauit; nemo venalia iura
 Spèret, vbi calcantur opes: Sapientiâ nusquam
 Lautius, hâc nemo faultrice beator alter.
 Felici nimis implicitas interprete lites
 Memento explicuit. Dabimus cuncta, vnus instar

Iudicia: ambiguis causam de prolibus, ambæ
 Tentabant matres, (nec enim est obscenius isto
 Arbitrium, natis quam designare parentes,
 Aut natos genitoribus.) Infans ergo superstes,
 Et dubiâ sub matre orbus, sine matre, bimater,
 In matris fletus, & plusquàm infesta nouercæ
 Consilia expositus, liçtoris ab ense pependit.
 Ingenium solers, prô! quanta industria! matrem
 Sinceram, indicio teneri deprêndit amoris;
 Matri orbæ proles, proli orbæ reddita mater.
 Dictatrix modulis eadem sapientia veros
 Impleuit calamos, diuûmque oracula scripsit,
 Nîl orâcla loquens præter. Scitissima, tantæ
 Doctrinæ famâ, Solymam regina profecta,
 Plus coram vidit, rumor quàm fortis eundo
 Narrârat, summam vicit præsentia famam:
 Plus didicit, quàm quæsierit, quàm quærere posset.
 Heu! quàm nîl rebus constat mortalibus! ingens
 Marcuit ingenium, cùm maturescere cœpit.
 Vidisti attonitus senium in puerilibus annis;
 In senio demùm puerum mirare: libido,
 Ingenuum ingenium subigens, seruire cœgit;
 Omnis lasciuus diffugit ab æstibus astus.
 Fortè Venus, iure hoc aulâ est fidentior isto,
 Quod Bethsabeâ natum, in sua castra redegit,
 Duxitque heredem patris per crimina prolem.
 Regno impar, cui nulla sibi regnare potestas.
 Non bene seruata amentem sapientia mentem
 Destituit, fastisque notans immania diris
 Flagitia, opprobrijs indignam est vlta repulsam.
 Partitus septuâgintâ connubia tedis,
 Concubitu fertur proprias legisse trecentas,
 Stuprâsse innumeras, nam quotquòt vidit, amauit,
 Et voluit, tenuitque: Horrens natura stupebat

Prodigium, cùm sufficeret Salomo omnibus vnus,
Non omnes vni. Sapiētis mīnēra dōtēs
Dilapidans animæ, Veneris stipēdia, miles,
Sopitos, hebetēsque animos, cæcosque furores,
Rettulit: hæc natūm; cur non excæcet amantes?
Jamque Dei eiurans, & legibus Asmodæi
Subscribens, idolorūque idola suorum
Confessus thure, & Venerem veneratus, amoris
Amens ludibrium; dictam esse idcirco putares
Luciferum, per eam quod Lucifer ipse colatur.
Luxuriem feritas certo de more secuta,
Muneribus tulerunt consueta alimenta rapinæ.
Proximus est alienā inuadere, propria perdens.
Tota gynæceis inseruiit regia, Rexque
Profligauit opes regni, nudauit amicos,
Et ciues, vt compositas ornaret amicas.
Æruscator feralis, sibi dēmonas esse
Constituit vectigales, aurūmque per artes
Scrutatus magicas, Plutū Plutonis in antris
Quæsiuit. Demūm æterno sibi fœdere pactam
Pacificis pacem amisit, meretricio ab æstu
Elanguit, periitque decor marcentis oliuæ:
Et Salomōn, iam non Salomōn, bellantis Idumes
Sustinuit latronum aciem: sed & ipse rebellans
Hieroboām quæstor, bella intestina parauit,
Et proprijs regna ocepit mulctare tributis.
Cultorem infido afflixit Mammona ministro.
Afflatus donec diuino numine Ahias,
Diuisit regnum vates, partitus amictūm,
Et diuisa chlamys populos in schisma citauit.
Tandem obiit sapiens insanus, qui decus olim,
Dedecus Hebræis æternūm, diues; inopsque,
Inter opes, sterilēque inter connubia miscens
Concubitus, ipsa vt lucem Lucina negarit,

Indignans tot flagitijs, vitamque recusans
 Fœcundo scelere, vix natum eduxerit vnuin,
 Innumeris thalamis. Adeò Veneri Venus ipsa
 Infesta. Incoluit, coluit quæ tartara, Christi
 E proavis primus, Nec enim hic idola remouit,
 Quæ posuit, textusque sacer cum fienda loquatur,
 Non meminit lacrymas, nisi forsân præfica ficto
 Pellicis officium potuit conuertere fletu,
 Plorare aut facilis, sed nil meritura meretrix.
 Debuit ipse reus luctu delicta luisse,
 Ne semper lieret, numquàm ablueret. Malefanum
 Forma malum! tantæ demens Sapiëntiâ mentis
 Illius exsorpta est penitus vortigine fluctus:
 Atque hominem monstro vertit, Scyllâque feroci,
 Hanc ô, si sapitis, scyllam procul esse iubete,



R O B O A M,

Salomonis Filius.

PARALLELA.

Infana infanum patrem sequitur sua proles,
 Ex nondum infano natus (natalia tantum
 Anteëunt exempla mali) cervice tiam
 Infectam impegit, Puer illam accepit uterque,
 Ille annis, hic ingenio. Puer iste senile
 Consilium audiuit, senior iuuenilibus ast hic
 Consilijs potiùs regni commisit habenas,
 Quem facient serò accelerata pericula cautum;
 Cum senij poscat niti gravitate senatus,
 Consilio quantum iuuenili regna senescant.
 Par idola utrique libido vxoria suavit;
 Is cultor Veneris, cultor fuit iste Priapi,
 Feminæ numen gestiit celebrare virile,
 Ipsa Sacerdotis peragat cui munia coniux,
 Dum quod amat, recolit, melior pro numine tali
 Victima, quàm Mystes. Par est amentia, pavit
 Coniugum uterque gregem; primus, quod ditior esset;
 Maiorem. Spretus iacet Asmodæus, inersque,
 Abs auro; Martis, Venerisque pecunia, nervus.
 Par leuitas populos utrique onerare tributis;
 Duriùs hic, etsi mollis, sed molliùs iste:
 Namque opibus superadijciens conuicia raptis,
 Vngue tenax, linguâ mordax, raptorque probrosus,
 Et fera bis lædens, duplici sua damna grauauit

Scuitie, plebs ergò pari depellere regno
 Seditione vtrumque parat, pressumque malorum.
 Mole; vt respiret, vulgus conspirat: at alter
 Placauit quondam turbam, hic placando citatam
 Turbauit; nam quem præfecerat ante tributis,
 Censum vt mulgeret, cœtum vt mulceret, Aduram,
 Tortorem populis lectum legauit, vt aurum
 Quæ traxit quondam, facundia saxa moueret:
 Et verò mouit, didicitque hoc imbre repulsus,
 Quæ nimium læsit, frustrà serò vngere linguam.
 Regni schisma ambo fleuere, sed ille sub vmbra
 Præuisum augurijs, hic verum. Relligione
 Diuisâ, ac regno, Roboam possedit Iûda,
 Israël Ieroboam. Facili discrimine sectæ
 Regna secant. Regesque pari irritauit vterque
 Externos fato; ast hunc libertate Zefacus
 Nudauit Pharaon, templumque suo exiit auro.
 Finitimis lucrum bella intestina procurant.
 Obtulerunt ambo pariter sua mînera templis,
 Hic tantum ænea, quis genitor dedit aurea quondam;
 Disparia inspicies araria, noscere possis
 Quam citò degeneri vilescant sæcla metallo.
 Flagitijque paris par plexuit ultio fontes:
 In stygias ducti flammante cupidine flammæ,
 Ignibus ardere alternis, turbæque premente,
 Stagna inter, tam multiplici fumantia tedâ,
 Effugiunt lucem, igne atro faciente tenebras.
 Lîs dubia est, insanus vter magè dignus haberi,
 Qui numquam sapuit, num qui sapientior vnus
 Omnibus, hoc demens magè, mente quod excidit altâ.

ABIAS,

Roboami Filius.

EDICTVM.

ARbitrium mundus cæli, infernusque capeffat;
 Quod Roboam, ex Abefalomitide, natus Abias,
 A teneris crescens puer, impietate paternâ,
 Progenies similis, matrisque libidine, vixit.
 Germina & ipse malus mox deteriora daturus,
 Communis varijs coniux vxoribus vnus,
 Vxorem obtinuit communem, vt nomine matris,
 Et vitâ similem: quodque hæres regna potitus,
 Secluso primogenito, nil sanctior inde,
 Et quamuis legum vindex, in legibus exlex,
 Effrenis vixit: suâsor quod religionis,
 Ast non sectator, fando, haud faciendo probatus,
 Non sua percepit præcepta; quod æquior ense,
 Quam mente, & de Ieroboam victoriam adeptus
 Nauiter, hac ipsâ nimium quàm ignauiter vsus;
 Millia cum cælum ex Israël quingenta necâisset,
 Indignosque aris mediâ mactâisset arenâ,
 Idololatrias, quàm idola, euertere promptus,
 Obsequijs cladem iustis implere pepercit:
 Quodque expugnatam Bethel, Sichemque triumphans,
 E fanis aurum potius, quàm fanâ profanis
 Sustulit, & rursùm Venerem, Martemque maritans,
 Prædô pudicitia, vt lustraret forsitan, vrbes
 Impleuit lustris: quod libertate potitus,
 Seruilibusque impos mentis, connubia bis sex

Amen

'Amens prætulit, fidens postponere diro
 Tempia gynæceo, orbavitque altaria gazis,
 Et spolijs dotem ablatis cumulavit, & octo
 Suprà triginta prognatis vndiquè natis,
 Hæredes patrijque animi, vitæque reliquit,
 Et sua legavit patrimonia, crimina, diues.
 Impurum ac ingratum, sub primordia regni,
 Dimidium sub vitæ, nequitiaque supremum,
 Indignum æthereo Nemesis pronunciat axe:
 Nudetur vita, vittisque orbetur, & orbe,
 Exutusque lares, laurique virentis honores,
 Æternùm obscurus: subeatque ergastula ditis;
 Quos coluit, manum manibus plectendus in ævum.
 Cælestis sic cum populo acclamante Senatus,
 Flagitium nigris censet, damnatque lapillis,
 Addictumque stygi cælo proseribit, & arcet.



A S A.

Abiæ Filius.

R O G V S.

IN flammam hanc lectos immitte, viator, odores;
 Afa hic rex Iuda, primus regale rogali
 Pigmento afflatum, & radiatum luce petiuit
 Institui non immerito sibi funus, ut imbuat auras;
 Vitæ odor extinctæ, cunctas quæ impleuerat aures.
 Hæ regum exequiæ Phœnici, & busta parentant.
 Filius hic atavi, non patris, religionem
 Restituit, promptusque audire oracula videntis
 Azariæ, patriæ pater optimus: utque malorum
 Principium princeps malus est; Antistita mater
 Dum turpes cultus, sacra execranda Priapi
 Exercet, regno, nato indignante, repulsa est.
 Femineosque mares, tetrus quos masculus ardor,
 Ut lucem fugerent, sub terrâ incluserat antris,
 Polluti ut colerent delubra, libidine brutâ
 Brutorum implentes lucos, igni ille cremari
 Eductos statuit, dignos hæc luce perire,
 Hac facere stingui. Mortis lex certa merentes
 Condemnat, quæ mens adeo sibi conscia iudex,
 Ut tumultent sese, ut peccent, & ditis auerno,
 Ut pœnas properent, quærant propiore latebras;
 In Cedronem, prodigio maiore, Priapum

Demersit.

Demersit, subitoque illic correptus ab igne
 Est torrente ipso tostus, sensisse putares
 Præmonitas vndas, Christi que aliquando beandas
 Virgineo incessu, lymphanti ab imagine lymphas,
 Ne fortè immundam substernant passibus aluum,
 Contactu impuro, nato lustrarier igne.
 Vndas idolum fortè vrit, an vritur vndis?
 Visum alias equidem, quamuis mirabile monstrum:
 Ipsa Venus, cum flamma fiet, tamen æquore nata est,
 Et madidas inter lacrymas vruntur amantes.
 Cultores, dum torretur, terrentur, in ipsis
 Conspicere exustis incendia nata fluentis,
 Naufragiumque pati flammis, sensere calorem
 Flumineæ volucres, tepidoque iuère profundo
 Ignoto trepidi suo regna ardere elemento.
 Non igitur vano, Medicus, fuit omine dictus,
 Qui certam populo faceret languente salutem:
 Magna etenim vulgi censura est, regia virtus.
 Subscriptis tanto pax & victoria honori,
 Quin illam pax, & pacem victoria parta est:
 Æthiopum decies surgebant millia centum,
 Furuo atram mortem sibi vaticinata colore;
 Cœlitus incussis, vanis terroribus omnes
 Sternendo, aut imæ spernendo, difflauit, apertos
 Ceu peplo cingens agros, nigra corpora sorbens
 Voluit humus, credas extinctos sanguine torres:
 Et tetrâ prius horribiles fuligine mentes
 Ditem adiere nigrum, fratres stupuère recentes,
 Et non absimiles furæ, geminisque tenebris
 Horruit infernus. Post pacem deinde bilustrem,
 Obscuræ tumulo cladis Mauorte sepulto,
 Frontem pacatâ meritam cingente corollâ,
 Bæsa impar nimium stolidè congressus Achilli,

Vincendi laudem potius, quàm bella gerendi
Obtulit; ablatiis hostiliis mœnibus vrbis,
Masphan, & Gabaam sibi propugnacula regni
Ex inimicorum expugnato rudere struxit.
Diuerſa hic species, mundoque ignota triumphii;
Diruit hîc hostes, captiuâque mœnia duxit.
Nec tamen intactâ cessit sine crimine vitâ,
Non virtus abs labe fuit, gens quippè Dauidis
Et genus. Idololatrum eunabula cunctis
Finibus eiecit: sed non excelsa profanis
Euertit fanis, dederant quæ montibus altis
Depressa ingenia. Hîc discat prudentiâ regum,
Hæreticis arces quantum indulgere periculum.
Vix tela attingunt, serpens quò repere possit
Impietas. Et crimen habet, quod belligerando
Israëlem aduersus, diuino humana fauori
Prætulit auxilia, & fœdus cum gente paciscens
Assyriâ, exhaustis fufis æraria nummis;
(Quantillum valet emptâ fides!) & iniqua Propheten
Fœdera nequicquam damnantem passus iniquè
Præpedijt neruis, vatîsque orâcla probantes
Addixit gladio. Regem non carpere tutum,
Sit licet optimus. Æquam reddet talio sortem,
Cum senio defecta graui sua membra trienni
Correptus podagrâ, fellitæ ea filia bilis;
Namque pedes neruis vatîs, quò clauderet ora,
Et linguam premeret captiuam, arctauerat ante:
Ipse pedum captus neruis, de crimine pœnam,
Pœnâ contraxit crimen, cum nempè leuamen
Nobilium medicos doctique Machaonis artes
Ista lues ludat, frustra medicamine quærens
Irritam opem, non auxilium cæleste poposcit.
Ipso hoc ridiculum frustrati nominis ômen,

Quod

Quod medicis eguit medicus. Dem crimina fassus,
 Difficilem pœnis nactus lectum, instar equulei,
 Membrifragâ nimis attritus torquente podagrâ,
 Redditus ante obitum vitæ, virtute relumptâ,
 Struxit odorato viuis sibi funera bullo,
 Empyreum moriens vt prælibaret Olympum.
 Virtus mirifico, cùm flagrat, fragrat odore.



IOSAPHAT,

Aſæ filius.

TRIBUNAL.

HAs ſclerum, caue ſis, contingere conſcius oras.
 Iudiciale ſolum hîc eſt, & cenſoria vallis:
 Arbiter hîc Joſaphat, non exorabilis vlli
 Vallem iuſtitia, non expugnabile vallum,
 Aſſeruit; Iudex tam verus, vt omnia noſcat,
 Et nihil ignoret, tam inflexo iure ſeuerus,
 Vt nihil ignoſcat. Teſtis ſiet integritatis
 Cæleſtis zelus, quo prauâ à ſtirpe reuulſas
 Reliquias Idolûm excoxit. Lectus olympo
 Diuini interpres iuris, mandata Deorum
 E corde ipſe ſuo, cunctorum in pectora fudit,
 Et legum tabulas cunctorum in pectore ſcripſit.
 Juri inſpectores æquos prouidit vtrique,
 Immotos, qualis vel territat Æacus umbras;
 Peccato intenti pellant ſurdâ aure precantes:
 Tam leue quæis aurum, rectam curuare ſtateram;
 Juſtitia, vt nequeat, tam iuſto pondere ferrum,
 Vt crimen feriat quoduis, vt & æqua ſecuris
 Securos reddat ciues. Damnique rigorem
 Plectendi æquauit vigor. Hâc ſtatione tribunal
 Æquum adeo poſuit, cenſendo vt legerit orbi
 Ipſe locum Deus; & regna arcto milite ſeruans,
 Excubias & præſidia arcibus, atque tribunos
 Præſidijs ſtatuit, ſcleratis vndique nullus
 Perſugio locus vt pateat; gladioque minante

Obstruxit fines, scelerum ut fiet ultio finis;
 Et frustra fuga cum trepidos seruire nocentes
 Tentabit, noxas fugiant, & crimina vitent,
 Ut vitam seruent. Noua dein tutela, modusque
 Bellandi bellus, sacris nil huic opus armis:
 Aspectu vicit Galaad, cantuque Moabum,
 Hebraeis hostes placidum modulantibus, acti
 In furias, cæsi proprio Mauorte, ruere:
 Mensuram & numeros hi seruauere canendo,
 Momentis illi paribus sentire cadendo.
 Concordes chordæ discordia corda citarunt,
 Confusosque sono Andabatas mors Musica risit
 Ad numeros cadere, & procul ista amicus horrens
 Mars fugit, tenos nervos, arcusque sonantes
 Neruo enervari cytharæ, tenerisque lacertos
 Eludi digitis, inter stricta arma timeri
 Exermes cantus. O duri carmina fati!
 Quid faciet iudex, cytharædus suauē canendo
 Cum perimat? veniet non eluctabile tempus,
 Absque die suprema dies, quā apparitor omnes
 Angelus, expulsos tumulis has mittet in auras,
 Vmbrosas frustra oppandent montana latebras,
 Huic quæuis arcana foro manifesta patefcent;
 Non lacrymæ velopes, non mors subducere quemquam
 Iudicio poterit, trutine lanx lyncea iustæ
 Nullos excipiet: mundus tellure solutus
 Disruptâ, fractisque cadet compagibus orbis,
 Morsque antris dudum exposcet, quos condidit atris;
 Euomet absorptos terra, & quos ante creauit.
 Rursum hausit, genitrix, nunquam fœctindior edet,
 Depositumque suum pandens, marmorque vetustum
 Pignorâque à sacris in longam credita noctem,
 Exonerata sinu, vallem confidet iuuenam.
 Adrastæa ferox acrem instigabit Erynnem,

Carnificesque reos flammæ, quâ luce cremabunt,
Et tenebris scrutabuntur, ne quid sit inultum,
Nil prorsus vastos ignes euadet inustum.
Prospice, peccator, lugubris tempora finis,
Non cunctabundus veniet, cui subdita cuncta
Arbitrium expectant: cunctantem disce vereri,
Fert formidandos aër diû nubilus imbres.



I O R A M.

Iosaphati Filius.

SENTENTIÆ.

Impietas Joramo atavum tumultata recurrit.
 Aulæ nempe freto vitiorum infesta procellis
 Aura fluit, reflua. Imperium quam præderet antè,
 Innocuus visus, spatium, quo sceptrum potitus,
 Pessimus octenne exegit. Non digna cruentat,
 Ornat ubi immeritos, insontem purpura vitam.
 Fratres elatus primùm in fastigia regni,
 Sustulit è viuis. Lex est iurata tyranno,
 Quem timet, impatiens sitit exhaurire cruorem;
 Dum canit exequias, felix, nec latior umquam.
 Sæuitiæ idolum cultum coniunxit, adorans
 Infernum, quem auxit; viuorum, mortua præter,
 Ofor, quid recolat? Coniux, scelerumque magistra
 Obtigit Athalia, execrandus sanguis Achabi.
 Impietas sæpe est dotalis; Coniugis ille,
 Quam patris exemplis, potius pectus inhæsit.
 (Sæpe adeò uxorem qui ducit, ducitur ipse)
 Mascula femineis idolis thura litauit:
 Oscula sæpe oris fiunt oracula iubentis,
 Imperioque valent suadere suavia molli.
 Fatidicum Heliam, trepidans ad inania, spreuit,
 Et metuit secunda amens, risitque timenda.
 Hoc argumentum perituri posce tyranni.
 Vero euentu igitur monitum prædatur Iudam,
 Miles Arabs, regis regno delicta luente,

Utque iret populus populante tyrannide liber,
 Hostili inde lugo exceptus pereundo perire
 Cogitur. Auctoris cladem, (solamen id vnum)
 Clade leuare potest, Natis miserum ille peremptis,
 Coniugibus raptis, cælebs, desertus, & orbus,
 Diuisit letho, & viduo sua funera lecto.
 Soliuagus fleuit, quod durum, à nemine fletus;
 Nempe tyrannus vbi lacrymas depromit, auenti
 Propinat mulsum populo, plangendoque pascit,
 Quorum animum pridem sitibundus sanguine pauit.
 Acrius ut vixit, morti seruatus acerbæ,
 Ipsam animam cum visceribus, vel ponè regessit,
 Inde locum, quo habeant ignâui, intellige mentem.
 Nec tumulo, ast busto caruit; præpostera fors hæc
 Quem meruit viuus, nec mortuus igne receptus,
 Obtinuit terram, quam terruit, atque sepultus
 Diti ut luceret, vitæque extinctus & orbi est.
 Maxima post obitum pœna, haud lucere, tyrannis.



OCHOZIAS,

Iorami filius.

IOAS,

Ochozia filius.

AMASIAS,

Ioäsi filius.

SAXIFRAGIVM.

HAs statuas proavos inter Christi antè locatas,
 Dum tacuit, fregit Matthæus. Respicit Achab,
 Patrem execratum, iusta hæc vindicta, nepotes
 Cui diris vates, à tertiâ origine, cunctos
 Vouerat, ut ne fors Christi maioribus inter
 Posteritas essent Achab vitiata minores.
 Exilium ergo luant, sacrâ de stirpe resecti,
 Nomine, ut effigie, careant, vitæque probrosi,
 Et vitij similis; primis prior illicet annis,
 Et medijs medius, senij postremus in ævo
 Defecit: nil fide pilis, sunt crimina mentis.
 Fugerunt annis gladium puerilibus omnes,
 Hostilem primus, maternumque alter, at iste

Seruilem, scelerum messem expectante securi,
Dum matura esset. Laudari dignaque cuncti,
Laudari indigni, cœperunt; tempore primus
Exiguo, simulachra, Deos celebrauit inanès,
Occidit medius cultores, vltimus ipsa
Ne colerent, vetuit: cunctique euersa reuersi
Restituere idola, petiitque hostilia primus,
Aulica post illum, dein patria tertius auxit.
Vatibus aduersi, & diuim monitoribus omnes,
Non sibi ridentem primus derisit Heliam,
Zachariam medius, cultus lapidum impropertem,
Saxeus in templo lapidauit, tertius ex his
Iniustam minitans mortem, dum iusta minatur,
Esaïæ, vatem fatis inhibere sategit.
Res horum surgat moderamine publica regum?
Euertere omnes; exposto scedere primus,
Emptâ pace alius, suscepto sponte duello
Tertius. Vt vigeant istis cultoribus aræ?
Deseruit templum prior, expoliare secundus
Aggressus, passus demum spoliari alter.
Sublati coniurato ense ignauiter omnes,
Dum latet hic, alter, dum stertit, tertius autem,
Cum fugeret, rapuit mors turpem in gloria vitam,
Cunctorum vt nullos famæ legaret honores.
Omnes nempe mali, socijs non peior vt vnus,
Peiores omnis certarit pessimus inter.
Ergo Matthæi calamo indignante perempti,
Et quasi Iudæo fixi præcordia ferro,
Non viuos inter numerentur, neue sepultos.
Ne reputa natos, quos nigra obliuio damnat,

O Z I A S.

Amasia filius.

G R Y P H V S.

H Oc tumulo, sed non tumulo, sine funere funus
 Agricolaë regis iacuit, viuumque cadauer,
 Nec rursùm iacuit, victus, victorque, colendo
 Contempsisse Deum reus, & per vulnera vitam
 Læsus ut illèsam seruaret, qui moriendo
 Conualuit, letho morbi donante medelam.
 Cùm fugeret demùm viuos, fugère sepulchri.
 Obscura attonitus voluis monumenta viator;
 At siste, exponam. Judæ hic regnator Osiæ,
 Qui vitia euitans vrbana, suburbia legit.
 Principe sub tanto sceptrum regale renascens,
 Inque suos ortus redijt, fascesque vetustos
 Pastorale pedum; terramque subegit aratro,
 Felicem insoliti pompæ parere triumphû,
 Fœcundaque aluo sese confessa beatam,
 Agricolaë trabeato vestigalia soluit
 Prompta regi tellus, Carmeli vitibus inque
 Gemmantes surculi vegetata monilia dextrâ
 Regali extulerunt. Reges audite superbi;
 Quid velut immisso faciente examina cribro
 Colligitis fuluum cineratis vrbibus aurum?
 Sincerum tellus lucrum, veræque fodinæ
 Sunt sulci: huic operæ tolerans sua scenora spondet,
 Culmine non altùm defossa minante ruinam,
 Et melius patitur iunctis exercita bobus,

Et promit largos humus humanissima fœtus,
 Diuitias lentâ ingentes radice propagans,
 Se largita, hominumque altrix, & alumna ministrat,
 Et sitiens frugem benè pota feracibus vndis,
 Nutrita, enutrit: veteres huic scœnora reges,
 Et meritò sua credebant, æraria regnis
 Horrea erant, loculique scrobes, & falce putatos,
 Nec falsos census, maternaque dona secabant,
 Jam terram dedignantur, quos terra creauit,
 Quam nollent colere, & fermè calcare recusant,
 Tellurem, pro quâ pugnant, atque arua perosi:
 Nempè vt secernat strata inter purpura matrem,
 Molliaque aulæis ponant vestigia pressis,
 Principum opes exinde nimis sors lubrica diffat,
 Quòd radice carent. Nimirum à Iasone Plutus
 Gignitur & Cerere, & segetes, & vellera prolunt,
 Quique colit, cultu gemino succrescit vtrîmque.
 Non vomer, non huic rubigine torpuit ensis,
 Sedulus ast cultor Cereris, pallusque Gradiui,
 Materiem ferrum mortis, cédendo, secando.
 Exacuit, terrasque modo superauit vtroque,
 Philistiin, Arabas, & quos eduxerat Ammon,
 Armipotens, animique iugauit, vt antè iuuenços,
 Hostiles vrbes Gethum, Jabriamque & Asotum,
 Non aliter, solito secuit quàm vomere glebas;
 Et ceu quondam in agris terrebat tragula vulpes
 Balistis hostes missis irrupit, & vrbes,
 Et segetum & capitum messor, Cererisque nouaclau
 Cadibus aptauit, velut agros, rasit & hostes.
 Inque arma ex aruis, éque his diuortit in arua,
 Messuit his oleas, armis quas senerat olim.
 Ast vtinam semper proprias! videricibus auris
 Distentus nimium (morbis felicibus ille est)
 Jura sacerdoti inuasit, vittasque tiaræ

Miscuit inuitas, & thura crepantia flammis
 Præsumpto adiecit cultu, manibúsq; profanis;
 O quàm assumpta parum decuit te, Villice, mitra!
 Hem, non ara tibi, potiùs quadraret aratrum.
 Flamma superueniet fumo, furor ambitioni.
 Flagitio duplicem cumulans iniuriam in vno,
 Arrogat ipse sibi, rogat, & culpam irrogat æthræ;
 Thure dato, cælum postquam turbauit & aras,
 Thuribulo exturbat Mystras, ast ultio prompta
 Opprobrium abruptit, quæ cinxerat infula, lepra
 Tempora grassatur, subito frons regia sordet,
 Percussæque ruunt icto de vertice vittæ.
 Pontificem hæc talem nimirum lāmna decebat.
 Et tellus orto tremefacta repente fragore,
 Ipsa suo forsân centro fugitura, sacerdos
 Nî fugeret templis. Incerta ô gaudia, reges!
 Instabili terrâ statis. Tremebundus Osias
 Extemplò è templo resiliit, tellure tremente,
 Quâ stabat, terrefactus diffugit ab aris.
 Tandemque exauthoratus regnòque sacrisque,
 Excessit viuis, quàm vitâ excederet antè:
 Corpore viuo, inter tumultus tædia vitæ,
 Soliagos funestauit lugendo penates,
 Et longam ducens, viuoque cadauere mortem,
 Posthumus ipse sibi, seròque emortuus, agro
 Dignanti exceptus, tumulo interdictus auito,
 Quæ viuis coluit, post mortem conditus aruis.
 Mors cineres tumulis visa est arcere superbos,
 Ne turbaturas tranquillis manibus vmbra
 Inuida misceret, sic fœda superbia mortis
 Sentinam vincit fœtore. Scientia Gryphi
 Vulgata est. Ducit quâ semita, perge Viator.

IOATHAN,

Oſiæ filius.

LEGATIO.

H Vc fama in notos regum leganda penates,
 Vno conſilia exemplo ſectanda vehendo
 Magna dabis. Regis Joathani regibus effer
 Virtutes, patri viuo vt ſucceſſerit hæres
 Prima ætate puer, feſſoꝛque adnexus Athlanti,
 Integer Alcides, vidui ſpes integra regni,
 Acclinans caput, vt deſecta quieſceret olim
 Jam ceruix patri. Patrem rer prole beatum!
 Qui viuens, annis dudum, vitæque peractâ,
 Virtutes ſucceſſoris ſpectando, renaſcens,
 Plusquàm iſperâſſet, vidit, proliꝛque ſuperſtes,
 Victuris abiens obiit poſt buſta triumphis.
 Felix patre puer! cuius dimittere frontem
 Aſpectu doctus, didicitque, timore magiſtro,
 Eſſe humilem, morboꝛque caput (quis crederet?) vnum
 Sanatum alterius. Diuina orâcla loquentum
 Adde vt Iſaïæ, Zachariæ, Oſeæ & Amoſi,
 Nobilibus ſceptrum ſpectris ſubmiſſus, obaudiit,
 Rectumque inſiſtens recto moderamine rexit,
 Fruſtrâ aulæ ſeruit, qui non captiua ſolutâ
 Verba refert linguâ, qui vitam impendere verò
 Sincerus poſſit: priuatæ fortis alumna eſt
 Incorrupta fides, & non niſi cælitus intrat
 Laſa aulas regum, vt meritò Ioue nata putetur,
 Enarra, per quam puros diducta canales,

Huic solum vacui Regis possederit aures :
 Et quam propitio bellator numine fortis ,
 Coniuratorum calcavit fœdera regum
 Israël , Syriæque , & dudum cæduus armis
 Collatis Ammon cecidit. Quod vulnere is experts ,
 Expertem nunquam vibrauit vulneris hastam ,
 Ferro æquo cum pugnaret , nil cuspidis ensis
 Aduersæ potuit , iustas victoria partes
 Militiam insontem ! studio constante secuta est ,
 Rectius ut collimaret , qui rectior esset :
 Et solum discreta nocentibus arma nocerent.
 Mox , ubi militiam ; ciuesque forumque recense ,
 Intuta ut circum sanctæ munierit urbis ,
 Lapsa instaurârit , molles nec tollere moles ,
 Maiores , similesque sibi labor arduus vrsit ;
 Utque domum , Dominus , Dominum domus ipsa referret ,
 Turrim Ophel suprâ nubes poli in ardua vexit ,
 Idæam vultus regiû semperque sereni.
 Et portam ædificans , nimio sumptu æris & auri ,
 Vestibulum instituit , speciosaque limina templi :
 An speciosa magis , spatiosane ? fornice structo
 Æternas Petri laudes , arcuque triumphos
 Perpetuo inscripsit , sæclis ut petra futuris
 Enarret Petrum ; cuius vestigia claudus
 Ponere sequens rectoque gradu , ne tam speciosum
 Ingressum incessu inficiat , mysteria firmæ
 Firmatus fidei referens. Hoc Principe , vulga ,
 Ut vomuit , quæcumque vorax absumpserat ætas ,
 Et solidum magis restituit , non dixeris ullus ,
 Collapsas ædes , verum , ut sublimius irent ,
 Spontè inclinatas. Deû magnificentia iusto
 Carmine crebrescat , quâ struxit ciuibus vrbes ,
 Agrestesque casas , fecitque mapalia ruri ,
 Præsidio illas , subsidio has , per mixta ligones

Officia vt gladijs prodesse, ligonibus enses
 Inque vicem valeant, certetque reciproca virtus,
 Altorésque agros altus tueatur alumnus,
 Tutores illi pascant, alternaque pugnent
 Obsequia, & stabili regnum sit vtrîmque vigore.
 Stant vrbes agris, pariter stant vrbibus agri,
 Post humilesque casas, pereunt cum mœnibus arces.
 Post hæc elogia altum ex imo corde gemisce,
 Indulgens nimium, & quàm formidabilis hosti,
 Tam blandus, nocui tolerauit crimina vulgi;
 Elinguis ductor, non obiurgauit euntem
 Post idola gregem. Prô! quantò gloria maior,
 Si delubra solo æquasset, quàm culmina cælo
 Turrita æquârit! mirabere vulgus adulans,
 Regem an adulantem? qui byssina verba propinans,
 Castigare cauens, duritue offendere dictis,
 Purpureis populum complexus molliter vlnis,
 Innumerásque animas tacitâ bonitate peremit.
 Admoneas demùm Reges, antè omnia curæ
 Rem Diuinam habeant, nil castigare nocentes
 Dissimulent, sceletumque æquas decernere pœnas?
 Exemplum eiurent Ioathan, qui strenuus actis,
 At verbis mollis, fecit, non fortia dixit.



ACHAZ,

Ioathani Filius.

HISTORIA.

Siquis amicitias reputat benè facta parare;
 Historiam legat hanc: solio diuinitus Achaz
 Euectus Iudæ, ipse Deum quò perderet, omnem
 Commouit lapidem, diuiso dæmonas inter,
 Et lapides cultu, sibi numina plura creauit,
 Vt nullum faceret. Regni lapidasse datorem
 Sed visum leuius, præacuto vt pungeret cestro;
 Esse Deum voluit muscam, annumerandus & istis
 Ipse dijs, nimirum excors, aterque, molestus.
 Prò ! miserescentis quanta est dignatio cœli!
 Quæ noxas dudum tardeque perosa nocentem,
 Prole hostem cumulat, fortè vt per munera vincat;
 Duritiemque animi expugnet, cordisque rebellis
 Molliat aduersum nitens molimen, at ille
 Largitis donis magis impugnavit olympum,
 Demeritusque malis meritum, combussit ad aras
 Acceptum cælo natum, Ditique litauit;
 Arsitque inuitis ambustus ab ignibus infans;
 Vagitus nigras fumio voluente per auras,
 Et luctante foco luctantem animam exhalauit.
 Impietas patrem vicit, feralis, in orcum
 Inferias sibi præmisit, tremefactus Auernus
 Vix scelus admisit, legataque dona stupentes
 Pauere Eumenides; mundusque hoc territus æstu:
 Horrificum populis sparsere incendia frigus,

Atque

Atque Thyesthæam lux detestata coquinam,
Abnuït aspectum. Quanta est violentia prauis
Consilijs Igelidam in mortem via, peruius ignis,
Vitalem inuenta est quæ exstinguat flamma calorem.
Nomen & exemplum inferno, formidinis orco
Non fuerat satis, vt fieret spectabile mundo
Tormentum, terris nata & renouata gehenna est;
Vtròbique atro flagrabit victima Diti.
Infernis peior, peiores ignibus ignes,
Quæ coquerent flammæ pœnæ sibi busta perennis,
Præcoxit demens nimium; sua viscera torrens,
Nati infaustam animam pater execrabilis egit:
Quamque immorigerus vitam produxerat ardor,
Igni restinxit. Nil tardans, vindice cælo,
Corripuit Nemesis, Syriæ Israëlisque Dynastas,
Vltiores misit. Quin cunctantem ipse morando
Demeruisse Deus studuit; legauit Esaïam
Sponderet pugnæ indubium felicitis vt omen,
Quoduis prodigium: ille Dei, ceu pignora pugnæ
Promisit natum: toties miseratio Diuum
Irrita, nondum irritata est. Oracula spreuit,
Et lusit vatem, stultè indignatus, vt ipsum
Progenie abijceret Numen: dubium, anne sacrandò
Fortè Deum diti, nati apposuisset ad vmbras,
Si data vatidicos celerassent tempora partus.
Auxilijs Diuum, & cælesti milite spreto,
Assyrii stolidus regis magè fîsus in armis,
Nec malè (mendaci mendax se credidit alter)
Tutelæ pretium, profusa æraria, pandit,
Vix impleuerunt nimium sacra æra tributum,
Taxauit vitam pacto, dedit hostibus omne,
Quod poterant rapere, & sese spoliando, peregit;
Ne spoliaretur. Nudati limina templi
Protinus occlusit, spoliatum carcere damnans

Fortè Deum , vt solus meliùs iam victor ouaret.
 Despexit , quæ dispexit , deliria cœlum:
 Et coniuratis plectendum tradidit armis;
 Dudùm perdendum meliùs vis perdita perdet.
 Iuerat Assyriæ pròtectus milite in hostes,
 Hostibus attritis , proprijs demùm ipse teratur
 Auxilijs , vt se discat maioribus vti
 Suppetijs . Mala cùm superat , fit nempè grauamen,
 Vtilitas medij : damnosa superflua vis est,
 Inquæ suos tandem furiarum detonat imbres
 Authores Mauors , & claudit clade triumphos.
 Fors vel nunc respiscat? quin magè desipit indè,
 Perpunctusque suâ muscâ , se deuouet vitrò
 Damasci Idolis , quique implorauerat Assur,
 Aduersus Syriam , iam numina vana Syrorum,
 Assyrios contrà , inclamat : quondam esse saluti
 Illicet illa suis vidit , patientia diuùm
 Læsa est , desperans decreuit perdere tandem,
 Seruari quì nolebat. Vitæ inter vtramque
 Inuenit finem metam. Tumulatus , at extrà,
 Quo caruit , tumultum (quis enim pia iusta parentans
 Iniusto faciat?) flammis que , locoque gehennæ,
 Cui nomen dederat , furuæ iacuère fauillæ.
 Sic fiat , benè qui factis malè facta rependunt.



EZECHIAS.

Achasi Filius.

INDEX.

Indicem habes, lector, gestarum hoc principe rerum.
 Sub natalem vrbs Romanæ, nascitur Achaz
 Filius Ezechias, quondam pater optimus illi,
 Pessimus huic genitor, dabit & peiora, priores
 Sorte imitante vices, genitor licet optimus, orbi
 Germina. Sic tessellatim fortuna propagat,
 Et bona mista malis parit, & discrimine certo
 Nutando, constanter iniqua interpolat æquis.
 Hic sanctæ matris meliora exempla secutus,
 Degenërem spreuit patrem, ne degener esset:
 Illa vxor nimis infelix, materque beata,
 Pro votis sobolem est iniussu nacta marito,
 Inuitaque pium genuit patris impietate;
 Inferno abdidit ille vnum, hæc cælo edidit vnum.
 Illustris creuit lustris vbi quinque peractis,
 Imposuit sceptro florem, quem perdere reges
 Abijciunt faciles. Primo anno templa reclusit,
 Et præter regem, sanctum nil limen apertum
 Aspexit. Moïsi colubrum quandòque salubrem,
 Viribus à cælo fortem, iam virus habentem,
 Cùm vetus in vetitis probrum veterasceret agris,
 Ardensque oblato biberet sibi thure venenum,
 Eiecit. Mox anno, animoque impulsus eodem,
 Sculptilia in Cedron sparsit; fors abluat isto
 Flumine flagitium; quàm & modulantia sacris

Organa restituit, connexo vtrîque labore :
 Nam Cedron dolor est, lacrymas idola popelli
 Errantis biberant ; ciues cecinere soluti,
 Flumine flente, Deos, absorptos tot Pharaones,
 Quot post se tuti demergi idola tuentes.
 Infernos geminas hîc Antiperisthâsis ignes,
 Per noua sublatos incendia dæmonas vssit :
 Nuper adorati lapides, scopulique suorum,
 Quæis graue supplicium ferrent, pro supplice cultu,
 Sulphuream pro thure stygem ; periêre vicissim
 Naufraga naufragio saxa. At nec substitit ingens
 Hîc animi virtus, & tam molimine dextra,
 Quàm demoliri fortis. Subeuntibus annis,
 In pacis blando studium moderamine versus,
 Cùm partes agerent diuersa in fœdera ludam,
 Non infacundi vulgum compescuit oris
 Arbiter, & varias vniit dicendo phalanges.
 Nil minùs orator suadelâ Amphione fortis,
 Hîc potuit reparare, urbem, ille canendo parare.
 Cùm celebris Solymis essent solemnia Paschæ,
 Diuiduas ad sacra tribus, & schismate sectas
 Alliciens, Israëlem coniunxit Iudæ :
 Conuiuas Agnus faceret Paschalis vt agnos,
 Integraque idolis esset concordia fractis.
 De plantarum vsu Salomonis scripta recensens,
 Combussit ; frustra nam quærebatur ab hortis,
 E terrâque salus, cælo miserante petenda.
 Expresso herbarum succo sua membra leuabant,
 Cùm sitiens animus lacrymarum posceret imbres,
 Gnarus, quod nullis noxa est medicabilis herbis.
 Cùm prurit, virus, cùm flet, pupilla medela est,
 Eque oculo pendet facili mors prompta, salusque.
 Hâc igitur flammâ ars perijt, ipes sancta reuixit.
 Iamque annis auctis, auctâ pietate sacrorum,

Omnia munificus, condendis horrea templi
 Laxauit donis. Virtus frugi esse probatur,
 Quippè & opes sacras, qui sanctè operatur, adauget;
 Imperij suscepti annus bis septimus ibat,
 Nempe Clymaëticus: tentata est regia virtus,
 Vt specimen donando sui spectabilis iret,
 Euerrens, ac euerrens Sennacherib Assur
 Judæam irrupit, citiùs, quàm viderat, arces
 Peruadens, pacis sedes possederat horror,
 Exilia, excidia, & cædes, furiaëque Gradiui.
 Quantâ porro acie, quæris? contexta tremebat
 Terribili tellus sub misite, sudor aristis
 Horrificus summis pendebat, culmina montes
 Depressi, & lymphas epota fluenta negabant.
 Quis pugnatum armis? tot millibus armatorum
 Ter centum obstiterunt auri & triginta talenta,
 Cesserunt nummis armamentaria, & omni
 Tota exercitui templorum æraria pandens
 Obiecit, nempe vt, seruent, seruantur & ipsæ
 Sacrorum Gazæ. Genitor sic præiuerat olim,
 Impare sed studio, templum siquidem ille timebat,
 Pro templo hic timuit. Sed eodem finibus anno
 Extremo armorum Libycis recrudit æstus.
 Quæque infanda minabatur Sennacherib, at rex
 Ad sacra confugit, meliùs pia vota, precësque
 Pugnabunt, quæis indomitæ proteruia linguæ,
 Tellurem, inuitas demùm mordebit habenas.
 Templi olim pretio, prece nunc cerraui, arenam
 Felicem poscens aris, certamine felix,
 Pugnacem linguâ, linguâ expugnauit, & orans,
 Cor supplex, hostis compefcuit ora superbi
 Quin sommo vicit, frustraëque satellite cinctum;
 Septumque excubijs, desertum depulit hostem:
 Indelecta manus pugnans cælestibus armis,

Trans noctis tenebras totum cùm perculit agmen,
 Angelicoque stygis gladio cecidère cohortes;
 Centum octoginta Assyriorum millia, somnus
 Vnâ germanæ legauit nocte forori.

Attonitus nocturnæ inter spectacula cladis
 Dirigit, nec iam ductor, nisi duceret umbras,
 Sanguineam cœtum in eadem sine sanguine cogens.

Ponè secuturus, patrias remeauit in oras
 Effugiens loca, quæ vindex vastauerat ensis;
 Fortè explorauit si posset tutiùs indè

Blasphemæ in cælum conuicia mittere linguæ.

Communis quem præterijt vindicta, peremit

Infamis meritum fati: nil æqua remittit,

Cùm differt, tardans miseratio, at ultio lenta

Sæpe venit grauior; pater ante idola, litante

Occisus nato, potauit sanguine Ditem.

Hoc forsân studio, si gratior hostia, nati

Maçtatus manibus, cumlaret crimine crimen,

Orci holocaustoma. Amplis Rex successibus auctus,

Auxilijs seu prosternat cœlestibus hostes,

Seu pro se, contraque suos, expugnet Auernus,

Et perimat dignos, indignisque immolet aris.

Tota importuno perijt sed gloria morbo;

Dirùm ægrotauit, tumidoque ex vlcere pectus

Elatum tumidos docuit proscribere fastus.

Nuncius Etaias tremulum formidine lethi

Terruit; ille preces iterumque in vota profugit;

Perfugio quondam quem admiserat ara benigno,

Auxilium implorauit idem, in lacrymasque solutus;

Non dissoluendus soluit pia vota. Salubres

O lacrymæ! pueri primæ nascentis in ortu,

Ultima vita, quies moribundis, spesque salutis:

Incipit, aut recipit vitam, qui lumina flendo

Largiùs irrorat; vitæ auspex, lacryma, mutas,

Et meliùs vitam finis. Tria lustra peractæ
 Terrores assuta leuant ad stamina vitæ,
 Illustri pacti testis sol ipse vocatur;
 Spectator testis, signoque probare coactus,
 Suspensoque Deum iussus subscribere fato,
 Retrò stylo fugit, & decimatam lineat umbram;
 Atque viam, & vitam renouat. Quid rebus in orbe,
 Heu! stabile humanis? ætatem horaria voluunt,
 Lineaque est annus, vita umbræ desinit instar;
 At lethalem umbram, cuius contactibus omnis
 Linea deletur, pariter, cum proficit, vnà
 Deficit, & tacitâ iacturâ fallit euntes.
 Luna renascentem cum bis sinuauerat orbem,
 Esse ratus nil diuitias, roburque potentis
 Occultum regni, ingentis vulgare per orbem
 Fortunæ libuit dotes: quos legerat ergo
 Legatos Babylon, irritamenta propinans,
 Delicias & opes, regni iam proditor ipse,
 Exploratores fecit, populumque rapacem
 Sollicitans inuitauit, sibi vîsa referre,
 Quæ mallent quandoque auidi spolia ampla referre.
 O rigidam regum sortem! discrimina quanta
 Tantillum excipiunt crimen! funestior inter
 Esaias venit legatus, fataque vates
 Indixit, natis capturam, opibusque ruinam.
 Tanta, leuis quamquam, fuit ostentatio, noxa.
 Lethalès ô opes! quas nec celare beatum,
 Nec tutum proferre. O vitæ lacryma origo.
 Aut celata animo, aut oculis prolata. Rediuit
 Istum ad Panchrestum Rex afflictissimus, & se
 Trans oculos iaciens, turbataque pectora plangens,
 Delubro penitus merisit delicta salubri,
 Viribus his superum vindictam, vinxit, & iram.
 Felices iterum lacrymæ, cælique potentes!

O tacitæ voces oculorum , vocis ocelli ,
 Facundo & fœcundo humore suauè natantes ,
 Lacturâ abs caditis , mentemque cadendo leuatis.
 Vt diues fias , largè illam prodige mercem.
 Piscinas exin , fontes , Neptunia regna ,
 Et ductus pandit ; lacrymarum exempla suarum ,
 Per quas tandem animus sublime enauit , Olympum ,
 Lætumque emenso subiens pro flumine portum.
 Conferri Dauid , præferri an dignior ? æquè hic
 Deliquit minùs , & fecit maiora Dauide :
 Dissimiles , luctus similes , nisi fecerit ambos.



MANASSES.

Ezechia Filius.

EXOMOLOGESIS.

S Umme Deus, rerumque opifex, opiferque reorum
 Plorantem exaudi pius, & suspende minantem
 Tantisper Nemefin. Aspectus astra recusant
 Immeritos, detestantes mea crimina testes.
 Et video, & vereor, cælumque coire globosum
 Contuor, ut tectum piceâ caligine vultus,
 Irato flammâs horrentes detonet axe.
 Cuncta indignantis commotam vindicis iram
 Obuersant, vix ipsa tremens sub poplite tellus
 Sacrilegum patitur. Justos compone timores,
 Præstrictas laxet melior fiducia fauces.
 O clemens Deus! His aures aduerte querelis:
 Attritum miserans, liber captum, &que catenis
 Rex audi regem: rationem in crimina stringo
 Accusans, reus, & vindex: si supplice voto
 Ira remollescat, si quid confessio possit
 Et scatebras scelerum, & veterato corde latebras
 Expurgare queat: quæ spectas solus ab alto
 O! audi solus, saltem aut desiste videre,
 Quæ piget audire, ac oculos simul impedi, & aures.
 Ille ego Manasses, ille orbis vesper Eoi,
 In lucem veni, lucem fœdare, probrosâ
 Conspectum cæli, mundumque incessere vitâ,
 Conceptus lethale nefas concepi, animoque,
 Dum primo latuit captivus cortice carnis,

Pessima promittens, te cœpi odisse, priusquàm
 Nouissem, & velut proserpens vipera, matris
 Hospitium torſi, magnum ratus, auspice vitâ,
 Nondum prognatum, prægnanti posse nocere.
 Vbera tentauî, pendens à sumine, morsu,
 Jam sitiens avidum, præ lacte, haurire cruorem.
 Quod dederat generis mihi circumcisio signum,
 Degener in peius conuerti, ortusque piâclum
 Opprobrio vitæ intorſi; Venerique cruorem
 Effusum potius sacraui. Infandus, & infans,
 Paruusque, & prauus creui, execratio, primæ
 Vagitus mihi voces. Heu! nîl, linea præter,
 Tum vidi candens, habuit nil vita pudicum;
 Ipsa cruentaui cunabula, vt indè profectos
 Sanguinei surgens signarem tramitis annos;
 Albens, quam video, tegeret dum ſindo cadauer;
 Solum album vitæ, limen, limenque sepulchri,
 Cætera damnaui nigrâ fuligine morum.
 Optanti dudum nondum vis apta nocere;
 Fortuna ex voto, properauit: cum duodenni
 Commisit gladium, nimiumque potens, nimis impos,
 Et terrens procures puer, vt qui fulguris instar,
 Fulgorem attoniti subitæ expauêre tiaræ.
 Quò leuior, regno grauior, populóque, Deóque.
 Immemor humani iuris, superumque, meique,
 Vt meritum dederit Manassi obliuio nomen.
 Vna fuit mihi lex, ex legem viuere. Durus,
 Difficilis, duxi inuidiam, si fortè rogarer,
 Rursum, contemni impatiens, si nemo rogaret.
 Iniustusque vt inhumanus; qui cuncta licere
 Indulgens alijs, alijs nihil; impietati
 Perfidiam iunxi, patriâ virtute repulsâ
 Ambitus, & studiij vesanus tiro maligni,
 Vix adcò potui, quàm degenerare sategi,

Recta sequi regem puduit, sed gloria, quæque
 Pessima posse sequi: retulique hoc filius vno
 Exemplum patris, vitia in contraria currens,
 Inuersum expressi. Tua Diti altaria sacrans,
 Quæcumque intulerat, repuli, quæque abstulit aris,
 Restitui, demensque à te quò longiùs irem,
 Parua superstitio visà est, nisi & Atheus essem,
 Coniungens animo duo seiunctissima eodem.
 Aras fundauì, quas sustulit ille, Priapo,
 Sacrilegè, & lasciue, vt cælo cultus adeptus,
 Sacrorum iura, & Veneri tua thura darentur.
 Diruerat genitor priùs olim excelsa, refeci,
 Relligio vt de præcipiti magè contereretur.
 Has inter sordes cœnoscus, turpè volutans,
 Saucius, insanus, vanos sectando planetas,
 Errauì errone, quò non, heu! deuius erro!
 Atque horum templi simulachris atria stipans,
 Astra tua vt fierent te coràm odiosa, facesque
 Inuisè, inueni: elegi malè credulus esse
 Auspicijs & aruspicijs, pennasque volûcrum,
 Et fibras potiùs veras pecudum esse putauì,
 Quàm legis tabulas, quæ semper fabula visà est.
 Hoc meritò fateor, nequaquàm falsus in illo,
 Me magè quod stolidum brutis & mentis inanem,
 Cùm bruta audirem, feci. Pythona, strigesque,
 Ariolôsque, Magosque colens, & Dæmonas, orco
 Auxilium petij, qui te toto orbe fugarent.
 Haud omnem penitus deleui Relligionem,
 Tantùm immutauì, quò irrelligiosior essem:
 Sideraque, & lapides, furias, animantia, ligna,
 Quodlibet esse Deum volui, tu dummodò nullus,
 Qui solus Deus es, fieres. Crescentibus annis
 Iam senior, nec sanior; & titubare seniles
 Quid mirum gressus, quos tota iuuentâ caducâ

Sæpe ruendo lue infecit? correctio serò
 Sero æuo petitur; plantis corrupta malignos
 Annosis succos radix violentiùs effert.
 Vt fierem demùm crudelis, defuit vnum hoc:
 Qui superùm cultus furibundo calce ruebam,
 Humana attererem geminato iura furore.
 Per sua credulitas mea me suffragia iuuat,
 Quot mihi dissimiles vidi, hostes esse putavi,
 Ne fierent similes, ensis liuore putavi:
 Iræ materiam feci, inuidiæque decorem;
 Multiplicans hostes tollendo, scenora duxi
 Funera, quàm plures creuit cædendo voluptas.
 Meque timeri quod scirem, ferus, utque timerer,
 Visa est prima salus, omnem ablegare timorem.
 Exosa præclusi animam cum voce Prophetis,
 Dissecui Isaiam ferrà, mediumque dolauì,
 Vt saltem lædendo tuos te lædere possem,
 Duritiem si naturæ vel flamma probaret,
 Combussi genitor natos in Valle gehennæ,
 Lætus quod nec auo melior, nec mollior ipso
 Teste rogo fierem. Tot te, clementia cœli,
 Criminibus lentam in pœnam violenter adegì,
 Perdere te dudùm meditans, nisi perderet ipse:
 Vicisti; sed parta meum est victoria lucrum.
 Vtilis ô clades! ego surrexisse cadendo
 Felix, tu miserum clemens Vincendo leuâsse.
 Immissus Babylon, frænare tyrannidis vsum
 Et regem, sat nulla grauis cui visa tyrannis.
 Heu frustrà victus, victusque ergastula circum,
 Amissum memet, mea perditâ quæro, meosque.
 Pœnarum sat victor habes! spolia inter opima,
 Ecce catenatum regem, lacrymisque solutum:
 Mitis es, ut parcas, perimente dolore reatum,
 Viuificante reum. Numero quot crimina, fletus

Innumeri abstergant, luctus abeam inque dolores!
 Ipsa patrocinium scelerum mihi copia spondet,
 Non nisi ab infano potuerunt tanta patrari.
 Mitiùs, ô Diuûm clementia! posco tribunal;
 Quique author quondam commissi criminis, index,
 Adsum accusator. Parcendo exercite Iudex,
 Ter bone, ter summe, ô tua nunc miracula pande;
 Aspicias insultant tumidi victoriâ vt hostes,
 Inualidumque Deum, desertoremque suorum
 Præualidi irrident: non est tibi proprius vsus,
 Vt scelus opponas sceleri, populumque alienum
 Exitio recrees electæ gentis, auitam
 Heu! mihi redde urbem, Reges delicta gemendo
 Quondam vbi delere assuêrunt; vlulabo, domûsque
 Desolatum omnis resonabit regia lessum.
 Sanguineos quondam lacrymarum gurgite riuos;
 Exilio populos arcebo idola colentes:
 Corriget exemplum melius peiora secutos.
 Hæc postquam orauit, quam vouit, redditus vrbi,
 Regnoque, impleuit votum, ac vt tempora luctum
 Protraherent, nemo regnavit diûtius illo.



A M O N,

Manassis filius.

S Y M B O L O N.

O Spes fallaces ! decussæ frondis honores,
 Quos spectas intempestiuo à flore perisse,
 Intempestiuâ sunt Symbola morte sepulti.
 Auulsum primæ florem, sub vere iuuentæ,
 Spes longas Amon, infrugis hic hortulus abdit.
 Exemplo sectans qui deteriora paterno,
 Incertum vitijs, tandem & virtutibus æuum
 Partiri voluit, flendi fiducia, raptò
 Illusum spatio, iussit committere flenda.
 Nempè idola aris, stupra vrbi, funera regno
 Restituit, longo velut intermissa fuissent
 Fœnori, & insanus demùm, nimis improbè adultus,
 Dum senium vitam & studia in meliora reseruat,
 Raptus morte perit. Nimis est subiecta periclis
 Cùm secura sui vita est : vicinia summa
 Est vitæ & mortis, semperque elabitur illa,
 Hæc instat semper, magè cùm distare videntur,
 Sunt sibi contiguæ. Spem veloci impete claudam
 Mors sistens, coniurato irrita votâ recidit,
 Et vitam ferro. Cingunt frustra vndique flores,
 Qui frugem amisit. Nunc fide fugacibus annis,
 Et vota incertis finge aduersaria fatis.
 Momenta assiduo carpunt quam singula motu,
 Exemplo hoc ætas non indecerpta vocetur.
 Stat sua cûique dies, sed non est omnibus vna.

IOSIAS.

Amonis filius.

EPINICION.

HVe Ciues, lætū præn geminate, curuli
 Effertur feretro, busto quem gloria laudum
 Assertum æternos meritò subduxit in annos,
 Post mortem vt viuatur, quæ natum fama præiuit.
 Ille idolorum euersor, pius ille Iosias,
 Ante annos quem parturijt natura trecentos;
 Jam tūm fatidicā prolato voce, litantem
 Ieroboam idolis tremefecit nomine, nondum
 Natus, cū notus, natus fors ante parentes.
 Ætatem nīl expectans, spectabilis orbi,
 Ingeniōque palām dextro, censorius infans,
 Atque supercilio contracta licentia morum,
 Confessa est maius quiddam puerilibus annis.
 Credidit octenni puero respublica clauum,
 Naſta parem vi, consilijs, pietate, animisq̃ue:
 Qui vultu, post octo annos, meliore bearet;
 Et sancto collapsa resurgeret auspice tellus,
 Fertileque enascens potioris germine frugis,
 Cultorem coleret renouata. Secutus hic idem
 Dauidem antēiuit, quippè ille inuenerat olim,
 Cū cœpit regnare, bonos, hic fecit, obesse
 Vt nīl parua scias virtuti corpora magnæ.
 Huic Ieremias vares legatus, & ipse
 Ad puerum puer, vt senium Respublica ponat,
 Antiquata diu; legumq̃ue nouata vigore,

Incipiatque, insons melius puerascere Virtus.
 Ille Dei ædilis, reparans qui diruta templi,
 Inuenit medijs, ruptâ compage, ruinis
 Deposita cæli, sanctæque volumina legis.
 Quam dudum impietas, quò sic moreretur, humarat,
 Vtque latente essent magè libera crimina libro:
 Reddita sed mundo, veterique exclusa sepulchro,
 E tumuli tenebris lex lucem hoc vindice vidit;
 Quinimò in solo Josiâ tota reuixit.
 Induxère alij, aut scelera indulgendo, patrârunt,
 Hic nil commisit, nil hic permisit iniquum.
 Zelator soluit, suadente Prophetidè, fortis
 In cineres toties rediitua idola, & apertis
 Inpersit melius tumulis, mors ipsa doceret
 Vt simulachra mori, spargi se puluere manes
 Senferunt calido, stygij sensere camini
 Se magis insuetis cinere hoc ardoribus vri.
 Hic ille intrepidus iuuenis, qui sana nefanda
 Et nemorum incendit latebras, umbrasque nocentes,
 Hospitijsque lupas, obscurilque expulit antris.
 Mactè animi zelo, virtute ac ignibus iisdem,
 Fulmine solares deleuit vindice currus,
 Plebe suum astrorum Regem mirante potentem;
 Cùm peteret Diuûm genitor Phaëtonis honores,
 Tentaretque sui nati immemor ardua, digno
 Supplicio abiectus, vesanis excidit ausis,
 Fictaque in historiam transiuit fabula veram,
 Hic ille assertor patriæ, Israël, & Judâ
 Lustrato flammis, vanos Antistitas aris,
 Ignique addixit, torresque, idola, cremandos
 Subiecit, sensu vt melius sua Numina nossent,
 Et prælibarent orcum, cui thure litabant,
 Mortiferosque super mortales esse probarent
 Se Diis inuitos, tribuitque inuersa ministris

Officia, vtque adolerentur qui quondam adolebant,
 Idolisque suis Mystæ vsti. Victima cœlo
 Nulla dari potuit melior, quia pessima mundi
 Decoxit Diti, totumque ambussit Auernum.
 Hic Regum protomartyr, Respublica fato
 Anxia cum supremo ageretur, numinis in se
 Iram vt molliret commoti tela reflexit;
 Deuotum Ægypti pharetris atque imbre pluyente
 Opponens pectus, diri Nechæonis in ora
 Rex orbi quondam, rex formidabilis Orco,
 Grandem animam emisit: corpusque vehente quadrigâ,
 Vt dubites occumbendo nûm vicit, vtrumne
 Vincendo occubuit. Moriens saltem ille sedendo
 Occubuit non procubuit, mox inque triumphum
 (Vecturam & pompæ meritum sensere iugales)
 Ipse suo traxit trabeatus sanguine mortem:
 Et veluti feretro, referens spolia ampla feretro,
 In Mausoleum velut in Capitolia vectus,
 Et morte absumptus, busto inconsumpta trophæa
 Constituens, fato inuidiam pro clade reliquit.



ELICIACIM ET IOACHAZ,

Iosia Filij.

REVOLVTIO.

SÆpè quies regnis extremum extrema minatur
Exitium, tranquilla boni possessio nulla est.
Inclinante die florescit grandior iris:
Instabilisque status voluuntur turbine sortis.
Prosperitas Hebræa, pio suffulta Iosia,
Ad summum creuit; subducto, lapsa ruinas
Oppetijt. Nimirum Asiæ tutam Africa pacem
Inuidit; quos purpureum diuiserat æquor,
Sanguineo iuncti mouerunt bella Graduo,
Per stragesque procùs tellus diuersa cõiuit.
Eliacim regem regnum poscebat & ætas,
Ast rapuit Ioachaz natus minor, & puer ardens
Imperium, natura morâ quàm mitior indè
Nascendi arcuerat. Disces metuisse rapinam
Infelix nimis, & falsâ caligine capte,
Cum sceptrum Iudæ, veluti torpedo, rapaces
Nodabit digitos, furuoque antro, inque catastis,
Mendacis serò splendoris deteget vmbra.

Vltimus ex primo, primisq̃ue, secundus, iniquè
 Cùm prauertisset regnum, peruertit. In arma
 Auxilium, Pharaò excludo pro fratre vocatus,
 Ablati molem sceptri in ferrata, catenas,
 Pondera conuertit; fieri quos viderat antè
 Mancipijs reges ridente, & regibus ire
 Mancipia Ægypto. Bis solibus octo parauit,
 Ad quartæ sceptrum tenuit vix cornua Lunæ.
 Regi equidem ipatium breuius, longumq̃ue tyranno,
 Ciuibus oppressis nimium. Iram expleuerat alter,
 Jam magè cara sibi rapiendo regna potitus,
 At sceptrum rediens etiam sua fata reduxit,
 Nullum hoc mobilis, grauius nec pondere pondus.
 Per Pharaonem alijs tantùm regnauit, & illi
 Regnauit Pharaò: taxatus mole tributi,
 Quo solo fieret pretiosus, liber vt esset,
 Libertus non obtinuit; quàm nomine verfo,
 Eliacim, dictus Joachim: qui nomina tollunt,
 Quid non eripient? regnum sub rege paciscens,
 (Impetrare adèd regnum est amittere) grates
 Ægypto soluit: secumq̃ue idola vehendo,
 Non vno imperium amplexus deforme reuinxit
 Pacta pudenda iugo; genitor quæ sanxerat olim,
 Polluit; Vriam ferro, librumq̃ue Prophetes
 Helciadis flammæ addixit, ferroque, rogóque
 Dignior ipse suo. Tandemq̃ue vt proferat Orco,
 Et Ditem Diti coniungat, Dæmonas arctans
 Inuestiit gemmis, complens quæis annulus orbem,
 Esse bis idola efficiat: nam dæmone natæ
 Concepto gemmæ matres ex dæmone fient.
 Sed quamdiu gemet has gemmas! non annulus anni
 Vnius hic cyclos, captiuâque vincula nectit.
 Infido infidus cui Nabuchodonosor instans,

Deceptum abduxit, captumque, specuque ferarum
Implicitum inclusit, socioque gregi, atque ferinis
Faucibus obiecit. Merito transiendo loquâre:
Nomine sic moritur præmortuus ante tyrannus,
Qui viuus tumulo iacuit, quem mortuus extrâ
Vixit. Eum Christi proavis Matthæe repellis,
Infantisque feram prohibes natalibus Agni.



SEDECHIAS.

Eliacimi frater.

SORTITIO.

PAr fratrum excidit infelix, quorum ille furore
 Efferus, ille feris perijt, te fors tua tollet
 Sedechia, peior reliquis. Nempè vrna rotante
 Regia fortunâ instabilis: ducto in Babylona
 Eliacim nato Jechoniâ, scepra nepotis
 A victore impetrabis, iam mollis in hostem,
 Inque nepotem durus, cui seruire paratus,
 Hunc regno vt spolies: mutato nomine, Mathan,
 Sedechiâ, iustum nil, præter nomen habebis.
 Diripies urbem toties direptam, vt egentium
 Pasta idola penu crescant hostilia. Vatum
 Obstringes fauces, vt præscia carmina tollas,
 Fata quasi vatum tua claudere pectore posses.
 Consilium cæli contra inconsultus, & amens,
 Fœdisfragus damnabere Chaldæoque, Deoque:
 Executiensque tributa, iugo grauiore gemisces.
 Nabuchodonosor Iudæ populabitur arua;
 Per te non Solymam, Solymam grassabitur ignis,
 Quæque superbifico pulsabat vertice cælum,
 Decinerata, ambusta, soloque æquata iacebit.
 Mille inter frustrâ funus tibi funera quæres,
 Et misero magè erit miserum, quam tradere vitam,
 Hanc trahere inuitam. Deïn in Babylona coactus
 Regalem exutus cultum, canis, inque catenis,
 Ferroque, & vinctis veteres fraudabis honores:

Et visu captus, manibusque, & luminis, vnâ
 Natorum orbus eris. Meritò sedem ipse pudoris
 Amittes, quem proijciens, sedem ante negasti.
 Fortè leuamen erit, non posse dolenda videre.
 Jacturam regni, & longi in Babylone monendo
 Carceris Ezechiel prædicet tædia vates,
 Te Babylon tu visurum, verèque negabis;
 Diuinus minimè, sed diuinabitis ambo,
 Non urbem cæcus, mediâ vel in vrbe videbis.
 Verus Sedechias, & Justitiæ simulachrum,
 Cùm cæcus fueris, fies, & morte peremptum
 Mancipium serâ veteranum, ignobili aceruo
 Abiectum, inque rogo patriæ, busto ipse carebis.
 Obscuro obscuram facient tua crimina lucem.



SVSANNA,

Helcia filia.

ADMONITIO.

HVc fragiles animæ, nuptæ, innuptæque puellæ,
 Quæis pro virtute est vanæ fiducia formæ.
 Sola facit virtus animi pulcherrima laudem.
 Illecebris, & naufragio quæ corpore ludit,
 Quam species damna inuoluat speciosa, docebo.
 Illa Susanna ego sum, regali quæ lare raptæ,
 Inque domum rursùm regalem excepta, leuante
 Fortunâ excidium, pulchrumque augente periculum:
 Quâ fuerim formâ, nomen si consulis, audis:
 Omine quippe rosas primoque aspirat odore,
 Is reginarum flos est, reginæque florum.
 Quàm fueram felix, si non formosa fuisset!
 Perdere cùm metui, fermè me perdidit ipsa.
 Spectatum captiua decus Babylone colebam,
 Vnum captiuo solamen coniugi, & vni:
 Me nudam nemo, thalamum, ast heu! excipe fontem,
 Conspexit; foribus clausis, soloque recessu,
 Ipsi arbitrium solis studiosa refellens,
 Qui quamuis medio exploraret Lynceus axe,
 Aspectum nemora arcebant, & frigus amicum
 Innocuas blando recreabat murmure frondes:
 Lympharum addebam membris exuta nitorem,
 Libera cæsaries, sparsæque simillima lanæ,
 Marmore ludebat Pario, auratosque comarum
 Orbes, argento miscebam fontis, in ipsum

Dixisses alium sese demergere fontem.
Non opus hîc speculo, speculis incincta natabam.
Tergebâtque simul, simul vnâ argenteus amnis,
Clara repercussæ reddebat lumina formæ,
Murmurêque irriguo ludens, placidôque susurro
Laudabat potiùs, quàm membra lauaret, adulans.
Sed quid inepta fugax donum, fugientibus vndis
Credebam, nec me levis inconstantia lymphæ
Admonuit, fallax mirantem in imagine munus?
Nempe fidelis erit species, si tempora sistas
Cuius fundamentum, corpus, quasi præterit umbra,
Et velut illimi pictam me flumine vidi.
Sancte pudor! sed enim quid tutum? erat anguis in herbâ:
Hostis amans ex insidijs prorupit vterque;
Horruì, vt aspexi virgulta agitata moueri,
Iamque feris aliquid peius, nec falsa, timebam.
Ecce proci, quæis cauândi, iurisq; potestas,
Antiquum gemini virus, viresq; parare;
Igne vsti, quem mergebam, dum fluminis aluêo
Ardores, ignara facem faciem esse puellis,
Eiaculor, Veneremq; nouo creò nescia fluctu.
Pallida vulnificos ad vultus tota profundo
Abijcior, sed perspicui renuêre latebras
Demersæ latices, sic nec Crystallina possit
Dissimulare rosas glacies: me crinibus abdo;
Fluxus aquæ, & sinuans euentilat aura solutos,
Spirânsque in me conspirat, sed & omnia crimen
Hoc conspirabant: riuales fœdera iurant;
Frustratis precibus, fors verba minacia profint;
Atque malum probris summum lacerare pudicam,
Et totam facili commento euertere famam
Constituunt: inter vitæ & discrimen honoris,
Quid nunc, inquam, agimus? corpus, quæis abluis vndis,
Pollutum accusent?, iuuat ô mors, criminis expers;

Vita vale: Hæc mecum. Clamo; verùm altiùs illi,
Et crimen regerunt, nimirùm puberis æui
Visus vtrique à me iam iam diffugit adulter.
Quod renui, peragit Venus impermissa nocentem!
Hic patrociniò peior, causà æquior, inter
Opprobria insanæ plebis lacrymâsque parentum,
Semianimis trahor in mortem, lapidésque parantur,
Debíti adulterijs: legis, pœnæque sit vna
Materies. Fit lex, delata iniuria, iusque:
Jámque aliquis saxum & crudelia brachia tollens,
Dirigit saxo similis. Sic supplice visus
Innocuus pro se facundè poscere gestu
Ipse pudor, totámque implens trans lumina frontem,
Puniceum affuso miniare dolore colorem.
Sancta pudicities, quam te seruantibus æqua es!
Quam seruis, qui te seruant! puer ecce moratur
Iudiciũ seruens duodennis, vtrumque sèorsim
Perquirít testem, diuersos detegit, atque
Mendaces proprio conuictos ore refutat.
Quàm grato assurgit virtus post nubila vultu?
Mutantur populi voces, & siccine, clamant
Captiuis furit, & captos ferit improbus ardor?
Post patriæ, senium periurum, incendia vestræ,
Peiores flammæ hùc in Babylona tulistis,
Ardentesque nives? adeo & promiscua in hædis
Maiestas fœdè apparet promissa capillis?
Quid iam de nobis dominator crederet hostis,
Summates si sic peccent, à Iudicibusque
Fraus adeò solemnitas eat? sic crederet vllus
Lasciuire senes? nempe vt decoctior ignis
Arenti ligno, sic & violentior æstus
Renibus in vetulis. Quid multa? inuertitur omnis
Scena prior, moxque immeritis resoluta catenis
Liberæque incedo, in thalamum diducta, domumque,

168 MVNDI VIRILIS ÆTAS.

Dimisi, vt senium potiùs mea vincta decerent:
 Legati arentes in digna incendia torres,
 Arsiuros flammis melius, quàm nuper amore.
 Subsidium infanti Daniel puer attulit insons,
 Iudiciùmque suum coeli solertia iuuit.
 Cautiùs admonitæ sapite ad mea damna puellæ:
 Clarior est equidem, cui nemo impingere crimen
 Ausit, nec possit, quàm qui sua probra repurgat.
 Lubrica continuâ formidine forma tuenda est.



IECHONIAS

Eliacimi filius.

T H R E N I.


H Elciades cineris tumulo hæc lamenta misertus ,
 Cum Solymæ nondum totus , deferuerat ignis ,
 In patriæque pio plorauit carmine busto :
 O adyta ! ô Solymæ colles , læta arua , Sionis !
 Hæccine terrarum mater , princepsque beata ,
 Quamquæ æuo fore promisit Deus ipse coæuam ?
 Quid iam diuturnum ? periêre æterna ; furoris
 Tempestate ruit , quod nullâ ætate ruiisset.
 O verè regum similes , vt chasmata , gazæ ,
 Quæ cùm vanescunt , lucent. Olim illa superba ,
 Illa coronantes cecidit cinctâ vndique pinnas ,
 Regia , ceu cristas tollens , & nîl , nisi fumans
 Funus habet ; tam magnificâ templa ardua mole ,
 Casu humili externata iacent , & naufraga in igne
 Angelici sudat deprênsa colonia cœtus :
 Atria sancta Dei , cœlique suburbia flagrant ,
 Destruit æternos mortalis dextra labores ;
 Nulli impunè penetratum penetrale profano
 Peruadunt acres homicidæ , incendia , flamme .
 Nec iam Thura crepant , at quæ sanctuâria quondam
 Lustrabant , sacris vice versâ elementa repugnant .
 Sacra vbi nunc ? & vbi vasa ? & delubra ? vbi fontes ?
 Quænam hæc immemores naturæ ignauia fontes ?
 Quos culpa accendit , quid non exstinguitis ignes ?
 Mensa vbi , & ara est ? lampas vbi æterni æmula solis ?


Heu ! superant Myſtas , ſuperant incendia vota.
 Vnius heu ! totum eſt templum iam lampadis inſtar ;
 Dicite , ſancta , ſenes veſtiti lintea , quando ?
 Quomodo ? vbi ? cui nam facietis ſacra deinceps ?
 Angelici indigetes templis abiêre relictis ,
 Sancta Sion incenſa igni eſt , Deus ipſe cremato
 Diſceſſit lare. Quanta auidæ inclementia flammæ !
 Quam populis linquet patriam ? Deus exulataris
 Expulſus proprijs. Vbi congeſtæ vndique gazæ ,
 Armillæ dites , fuluoque exoticæ in auro
 Quò merces ? ciues miſeri , quò ſœnora ? lucra ?
 Hoc mundos veſtros mundatiſtis in igne puellæ ?
 Omnis præda pyris diuiſa eſt atque pyrauiſtis :
 Illicet incumbit ſpolijs prædator vterque ,
 Cumque ſuo miles prædas vbi diuidit igne ,
 Diſceptans rapitur properam tentando rapinam :
 At quæcumque ignis magè velocis raptor auarè
 Cepit , corrumpit momento prodigus vno ;
 Materiem nequam deperdit alumnus alentem.
 Diripiſſe parum , heu ! gazas : ardentibus vndæ ,
 Exinctis tellus rapitur , ſpiramina viniſ ,
 Vndantiq̃ue intercipitur ſol vndique fumo ,
 Optamus fractis patrias ſingultibus auras.
 Ciuibus vrbs petitur , ciueſque petuntur ab vrbe.
 Gemmantes eheu ! pueri , inclyta germina , ſtirpis
 Electæ pereunt , æuo matuta ſenili
 Canities teritur , primoque in flore Sionis
 Virginea agmina. Succubuère hoſtilibus armis ,
 Incubuère alij proprijs , patrięque ſecuri
 Fata alij flammis ceſſerunt : non niſi in vrbe
 Euerſâ poterant tam multa cadauera condi.
 Heu ! Solymæ reliquum , fata in grauiora ſuperſtes ,
 Quos inſtans præagit victor ! gaudete ſepulti
 O cinere in patrio ciues , buſtoque penatum ,

Bustum adeò clarum obscuris non splenduit umbris.
 Lugendi potiùs vos lugent. Squallidus ordo,
 Extorris rapitur, cinere & fuligine sordens:
 Indigenis magis hæc spolia asportasse probrosum,
 Fronte suâ ut fatum quisquis circumferat urbis.
 Interque exilium, patriamque stat anxia turba,
 Malit utrum dubitans: extinctus friget in igne
 Patriæ amor; perque hostiles indigna subactos
 Urbes pompa trahit: fuerant exercitus olim
 Nunc turba; & pueri, iuuenes, matrêque trahuntur,
 Infantes videas vestitos vincla, priusquam
 Adstrictos fasciis. Heu! inter fœcla, corona,
 Et cydaris veniunt! & fiunt sacra profanæ
 Ludibrium plebi! Tandem sine mole superba
 Percussâ Balylon, cælum spolia inter opima
 Iactitat. Opprobrium! Sedechias luminis orbus
 In vinclis trahitur, Saraiâque sacerdos,
 Hic nimio fletu, velut alter vulnere cæcus:
 Conueniunt solâ discordes ambo catenâ.
 Hæc illâque Palæstina de gente leguntur
 Seruitia, ingenuâ legeres quæis fronte pudorem.
 Pauperiêque graui & turpi squallore pedorem.
 Quondam etiam Euphratis confidunt margine, ut illo
 Se crucient, miseros cum reddet imagine vultus,
 Elicitisque auctus turgescet fletibus, amnis.
 Hic inter mortes modulari carmina iussi,
 Confundunt sacros tristi numeros ululatu.
 Scilicet hoc vnum Babylonem idioma decebat.
 Ah! puer infelix, Iechonia, heu! spectra tot inter
 In caueam abriperis, vigil & custodia seruis,
 Qui malè seruasti populum. Hæc incendia fumo
 Surrexere tuo; te infamia longa vorabit,
 Flamma alios quondam: octo gemes in carcere lustris;
 Matremque aspiciens, chara & connubia, natum,
Tristem

Tristem ærumnarum desolatus comitatum,
Mancipia vt numeres inter vernásque tyranni.
Prò fœdum! domini, plusquam seruire, pigebit:
Ille tuus domitor, Nabuchodonosor ille,
Humana immani specie cùm verterit ora,
Indutus tauri faciem, mistusque iuuenis,
Fors magis vt Domino pudeat sub dispare seruos,
Bruta nouùm brutum terrebit, & ardua tollens
Cornua, ridiculo accinctus diademate frontem.
Aurásque & totam complens mugitibus aulam
Vósque nouo exponet, subselliáque alto periclo.
Tu patriæ interea confector, cardine quartæ
Ætatis sistens, Judæ miserabile claudes
Regum agmen; reliquis hoc infelicior vnus,
Regna suis víxere super quod regibus ante,
Tu regnó. Gressum, dum ploras, siste, viator.







Salathiel,
Iechoniæ filius.

Christi linea.

Zorobabel.

Abiud.

Eliacim.

Azor.

Ex Leui.	Sadoc.	Ex Leui,
----------	--------	----------

Efdras.	Achim.	Salomona.
---------	--------	-----------

Iesus Siracides.	Eliud.	Razias.
------------------	--------	---------

Eleazar Pro- tomartyr.	Eleazar.	Matathias.
---------------------------	----------	------------

Iudas.	Ionathas.	Eleazar.	Simon.
--------	-----------	----------	--------

Ioannes Hircanus.

SALATHIEL.

Iechonia Filius.

ISAGOGUE.

Imparibus surgit titulis, longè impare felix
 Ætas successu, rutilique præambula cæli,
 Et canis veneranda probis, albúmque serenans
 In Christi proavis oritur selecta senectus.
 Nemo reus, quia rex nemo, nullosque deinceps
 Occisos planges, condemnabitue homicidas.
 Grandævus candor, primique infantia mundi
 Cum senio redijt; cæsar ossibus impietatis,
 Prognati Sancti. Testis miracula Cadmi
 Viderat Ezechiel. Aliquis sanè vsus in ipso
 Igne fuit Solymæ, nam despumante superbam
 Vstrinâ scoriam, surrexere aurea sæcla.
 Primo Salathiel offert se limine, quanto
 Lumine conspicuus! si flumina lumen amara,
 Nil turbant lacrymæ: scintillam hanc patria dudum,
 Auspiciis ut faceret renouandæ denique forti,
 Fouêrunt cinere insopito busta latentem:
 Magnanimum, fortemque malis, meliora merentem,
 Quem cum fortunæ fatum seruire iuberet,
 Ipse modo felix sibi nobiliore præesse,
 Roboreque infraçto, & durato corde subesse,
 Seruili opposuit pectus regale catastræ,
 Et captiua inter vixit ceu vincula liber.
 Ut duræ arbitrio sortis moderêre subactis,
 Nec cogi valeas, cupias, quodcumque necesse;

Aduersa aduersis non sunt aduersa, timentes,
 Auersos ferunt. Populo quid fecerit? vnum hoc,
 Fleuit. Sed quid enim vtilius præstare valebat,
 Mancipium Princeps? lacrymarum flumine merlit
 Chaldaeum imperium. Tria sparsim monstratueris?
 Sunt illi quos confecit tres flendo tyranni.
 Cernuus eni semet Nabuchodonosor horret,
 Semifer, atque ferus totus, qui maximus olim,
 Iam nemo. Antè hominem cum se mirando negasset;
 Nec fuit; atque lycanthropiâ verace ferinis
 Permissus gregibus, nomen famamque creauit
 Fabulae Vlyssææ, nam vera, superbia, Cyrce est.
 Post annos humana fera hæc, ferus aut homo, septem,
 Formam mutatâ meliorem mente recepit:
 Cùmque Deum sese reputasset, bellua factus,
 Factus homo est, vbi se brutum cognoscere cœpit.
 Alter Euilmerodach, qui sub primordia regni
 Apparens maior, sic &, cum nubila ludunt
 Ieiunum aspectum, primo sol nascitur ortu:
 Atque iugo spondens Iudæ meliora paterno,
 Eduxit seruis, aulaeque præesse solum
 Salathiel statuit, mitis pietate superbâ,
 Præ fastu cum fastidiit, vulgaribus esse
 Contentum obsequiis; reges, famulosque parauit.
 Principium blandum corrumpit atrocibus actis;
 Et malè fidus, peius dicens, & maledictus,
 Patre, ferâ, natum se prodidit, efferus ipse.
 Hunc demùm telo confossum leuiri, & alter
 Balthassar sequitur, cui degenerare decorum,
 Vt patrum fiat similis, quem Daniel olim
 Venturum, irarum vates prælagus, odorans,
 Immanem fertur meritò appellâsse leenam;
 Nec mitis cui nempè animus, nec masculus esset.
 Impia contemptu superum ludibria miscens,

Vasa propinauit templi, calicesque sacrorum
 Dæmonijs Beli, sequē ad conuiuia Ditis
 Antè inuitauit, semperque insanus, & antè
 Quàm biberet, potus. Sed quam mærorque merumque,
 Iunguntur, seseque trahunt! en vultus opertus,
 At manifesta & aperta manus færale notauit
 Parietibus fatum. Sic & modò nemo malorum
 Regibus esse malis manifestus nuncius ausit.
 Et totum triplex vulgauit littera lethum,
 Triplicis esse virum vt cognoscas grammatis: aqua
 O Nemesis! Cyrus, mediâ vindexque Darius
 Perside, vi terras, mulctantque ligonibus amnes,
 Subsidunt Gyndes contractis cornibus vndæ;
 Et Babylon ardet vino vitijque sepulta,
 Vnius vrbs fato perit antiquissima noctis,
 Et Solymæ æquatur, cuius fuit æmula quondam.
 Sol oriens nullam risit, quam viderat antè
 Occiduus nimiam. Nostin', irruerit vndè,
 Chaldææ Cyrus fines valido agmine victor?
 Trans fluium Euphraten, lacrymis turgebat Hebræum;
 Vssere Hebræos Chaldææ incendia, at ipsa
 Extincta Hebræum est lacrymis, fletuque perusta.
 Ad proauos lætus, seruili compede liber,
 Ostia trans mortis, properauit nuncius ite,
 Salathiel. Tu procedens hîc plaude, viator.



ZOROBABEL,

Salathielis filius.

MYSTOLOGIA.

COrde nouam puro superis molirier aram,
 Infelix hospes cæcæ Babylonis adornas?
 Zorobabel sequere, ingentem ipso nomine sortem
 Circumfert, æquos titulis indeptus honores,
 Deque triumphatam Babylon pro firmate raptat.
 Excitat hunc Cyrus, quo sacras excitet ædes,
 Tempia Deo: Cyrus sol est, & quid nisi lumen,
 Numen? quo amoto totus Babylone vagatur,
 Cæcutitque animus. Prorex delectus Iudæ,
 (Perdiderant regnum siquidem, quod perdere multo,
 Olim præualuit) populum, captiuam recensens
 Optatam in patriam è seruis analecta reduxit.
 E tanto numero vix quinquaginta secuta
 Chiliades, sic nempe tenent seruilia multos,
 Amplexique tepere solent seruilia plures.
 Ingressus Solymam, urbem non inuenit in vrbe,
 Fundamenta quidem ne templi repperit. O quam
 Ex toto pereunt, quos ipse exaugurat author,
 Quos delet Deus; infossa ignes ossa cremant,
 In medijs tumulos flammis & busta petentium.
 Septima Luna suum contracta resolverat orbem,
 Lætitiæ mensis, templi fabricator Iesu
 Accenditque, animatque aras. Quis enim sine Iesu
 Argentes animos foueat? Non latior vnquam
 Fax ista emicuit; templo lucem attulit vnum

Fatalem

Fatalem & natalem elementum. Numinis ira;
 Pacificam vt vidit confurgere fomite flammam;
 Extincta est, Aggæo consule cum Zacharia,
 Arte suâ, diuinum opus Ezechiele regente;
 Nocturnæ lumen Phæbes; cum tenuius esset,
 Vt propior soli, nouâque incrementa repositens,
 Tentaret pleno sua itingere cornua gyro,
 Templum ipso struxit renouatæ cardine Lunæ,
 Et cœpit cœlo sacra fundere lumina lampas.
 Imminui primum est crescendi Numine coram
 Auspicium. Hæc inter iuuenes solennia ouare,
 At lugere senes, affectu dispare, quamuis
 Spectatâ pietate pares: istos noua moles
 Oblectat, sed templa gemunt hi diruta pridem,
 Vt meritò dubites, natale in funere, funus
 Aut in natali celebrent. Docuere gemendo;
 Noxam etiam veterem, reparatâque crimina plagas.
 Insurgunt prisco Samaritæ anathemate tacti;
 Hebræumque volunt nulla, aut communia templa:
 Zorobabel nullum non vult, commune recusat.
 Securam quisquis pietati construis arcem,
 Exturba turbas; pietas queis larvâ nocendi,
 Nequitiam in commune, odia intestina fouentes
 Priuatim, tandem vt valeant pietate flagrare
 Protinus extinctâ. Indignantes ergò, malignè
 Munificam Cyro meditantur claudere dextram,
 Per Satrapas & Megistanes. O quàm pierati
 Politica officiant! quid refert rex pius an sit,
 Impius audiat cui consul? Consule Regem
 Iniusto iniustum malim; potis illè nocere est,
 Hic docet, & stimulat. Sua Rex araria clausit,
 Zorobabel pandit sua. Talem Romulus olim
 Optasset Cicerem. Felix qui non aliundè, at
 Quærit opem proprijs opibus. Fac quod potes, omnem

Conatum poteris; Deus adiuuat æqua volentes.
 Post Cyrum furit edicto peiore, tyrannus.
 Cambyfes, vetuit prius ille assurgere templa,
 Hic prohibet stare; vt primo tumultata recumbant
 Ceu fossa, sulco. Prò nubila, & abdita cæli
 Consilia! an templum optabat, potiusne ruina?
 O animæ quantus crebra est contritio quæstus!
 Permittit lapsus iteratos, firmior vnde
 Assurgas, & sollicità formidine tutum
 Asserat æternæ repetita medela saluti.
 Principio summos virtus habet alta labores;
 Sæpè, benè vt pergas, ad fundamenta redibis.
 Successit regnis functo Cambyse Darius,
 Zorobabel hic eloquio suadæque suâsus;
 Permisit rursùm fierent sua templa Tonanti.
 Vt bene proficias, ora; mollire calentes
 Dura preces quauis possunt. Luculentius ergo
 Maiestate, morâque augustâ, vt lentiùs exit
 Ara noua, & lapsis surgit requiuiua ruinis,
 Ceu redit extincto reuocata cadatiere virtus.
 His lapides nunquam grauiores sensit Auernus,
 Expenso residere Deum illic pondere nouit:
 Et serum risura ævum molitio, quarto
 Sole coronatur. Nullum aspernabile tempus;
 Cùm cælum aspirat, breuis opportuna saluti
 Quæque mora est, vno veniunt æterna momento.
 Festiuos demùm impleuit circumsona plausus
 Vox, Alleluia, clamans venisse Tonantem.
 Summa voluptatum hæc. Ille in fabrumque, domumque
 Descendit, factusque sui ritè hospitis hospes.
 Post hæc diu vixit, nihil egit; nempè minora
 Vt faceret, non descendit; maiora nequirit.
 Accepisse Deum, est summam accepisse quietis.

A B I V D,

Zorobabelis Filius.

GENETHLIACON.

Propitijs auibus, fortunatissime Princeps,
 Nascere, nascuntur mundo fausta omnia tecum,
 Extrà quod primus Babylonem nasceris, ortu
 Restituis claro Messiae nobile stemma.
 Post templum serò natum quòd nasceris, actum
 Delectu superùm, ut merearis prima sacrari
 Materies, quæque audiret, tua vota benignus
 Sollicitare æther visus. Pro fœnora sedem
 Quanta locare Deo! lapides pater ante dicauit,
 Accepit prolem; Solymæ post busta vel ipse
 Verus Deucalion. Heroum nascere sanguis,
 Nascetur tecum tibi patria, deside cultu
 Proiecta est dudùm Solyma, hospitiumque negauit
 Hospitibus vastata Dei, explanansque ruinas
 Exhaustos lacrymis funesta in imagine pauit.
 Jamque dati patriæ ciues, nec ciuibus illa,
 Mutarunt vetus exilium. Pie nascere, Ciuis,
 Tecum Nehemias, Artaxerxe auspice, verè
 Longimano, quia munifico, procedit, ut almam
 Hierusalem renouet. Frustrà Samaria resistet,
 Frustrà nascenti mortem minitabitur vrbi.
 Instabit, stabitque faber nihilominus audens,
 Ut cum sacram operam peraget manus altera, dextra
 Protegat, & gladio tutus, trullâque operosus.
 Fortius inuidiam surgentia mœnia sternent,

Cæmentoque nigro macerato sanguine stabunt.
 Vrbs pacis bello nascetur. Nascere felix,
 Prodigia vt videas cultu memoranda quotenni;
 Nehemias lustrans urbem, vleiscensque sepultas,
 Sanctuarii flammæ, lymphâ, non igne, reperto,
 Cum lapides aræ consperget, spontè flagrabunt.
 Et monstro geminato, inimicum filia patrem,
 Vnda ignem gignet. Vestro hæc præfagia honori
 Proludunt, crescet virtus spectata per hostes.
 Nascere Musarum pater & decus, iste renasci
 Auspice te gaudet cœtus. Scriba Esdra nouabit
 Dium opus, & mundi fastos, legumque volumen
 Restituet. Puer ô fortunatissime, prodi:
 Nascere securus meriti, famæque perennis:
 Felix, qui sæcto viuit scriptoribus æuo.



ESDRA,

E S D R A,

Ex Levi.

M I R A N D A.

P Rodigiosa loquor, siste, admirare, viator:
 Hic ille est Esdra, diuina volumina fingens,
 Cœli Chirogogus, cui summa peritia, leges
 Explanare Dei, ferre ipsas iusta potestas.
 Marte suo Astram fugitiuam reddidit orbi.
 Deposito cum Pentateuchum adamantina seruat
 Mens sibi commissum, totis complexibus arctans,
 Diuinum ius exprompsit: Cumque excidio vrbis,
 Protinus exciderant & commentaria legis:
 Quin apud immemores Moses, fœtque ipse latebat,
 Ceu nascens, suaque oblitus cunabula mundus,
 Se nunquam natum, semperuè fuisse putabat:
 Illustri patre hoc Heroum vita reuixit,
 Natalesque suos mundus reparante renatus
 Hoc vate edidicit. Scribendi artem ille sepultam
 Restituit scribe, ac humanas repperit omnes
 Vnâ artes: longam quas æstas vilerat antè
 Tempestate suâ; infesto damnauerat æstu
 Arentes calamos. Vincti Babylone catastis,
 Nemo characteres, præter seruilia nōrat
 Stigmata. Doctrinæ gravidum nihil edere pectus
 In lucem poterat vitale, vbi pagina, felix
 Lucina, ingenijs cessauerat obstetricari.
 Verba ferebantur tenues moritura per auras,
 Vixque aures leuiter tangebant: illa moratus,

Veloci dextrâ, fugientia, fixit acuto
 In tabulis calamo, liquidum mansura per æuū.
 Cumque manu scribæ, certauit lingua loquentis,
 Omnia cælestis calamus, cælestia scribens,
 Et Diuū pectus repletum oracula ructans.
 Vt mirère magis, præpes quod dextra notabat,
 Audiuère oculi. Pagellarum æquore paruo,
 Portentum quale! implens nigro semine agellum,
 Facundus postquam calamus, ceu vomer, arauit,
 Sepia fecundat, doctrinarumque legendam
 Festinat messem. Ostento maiore latentem
 Chartâ animum fidâ pinxit, cordisque medullam,
 Vt pia seiunctis fiet internuncia amicis,
 Iudibrio superans facili interualla locorum;
 Et tenui pectus vestitum cortice libri,
 Sede suâ immotum vastum transnauiget æquor,
 Nec mutando solum, peregrinum tendat in orbem,
 Vtile quod cunctis, sit lamentabile multis,
 Quæis, pro atramento, bilis vomit atra venenum;
 Viderit, in damnum sua qui malè commoda vertit.



ELIACIM,

Abindi filius.

AZOR,

Eliacimi filius.

ACADEMIA.

Hic aliquis, nemo est. Narrabo, siste viator.
 Hæc virtus humilis patrat miracula, vera
 Thaumantis, solida & sapientum sola magistra;
 Ast nil scire docens. Primum in penetrale vocatos
 Turbarum iubet illa procul, fremituque tubarum
 Esse suos, & Pythagoræ documenta susurrat,
 Doctrinæ hæc primordia, posse silere, sileri;
 Omnia se infrà ponere, & omnia se tamen infrà,
 Denique se nihilo totos abscondere suadet,
 Pallioloque suo, nihilo, ceu Philosophali,
 Inuoluit; nulli vult, præterquam sibi, notos,
 Atque sophos demum merito proclamat, ubi nil,
 Præter nil, scierint. Messia hæc lecta, vel ex-tunc
 Obstetrix, illum dudum nihilare laborat,
 Omnia qui nihilo fecit, ponitque palestræ
 In proavis exempla suæ, & latebescere cunctos
 Imperat, ignaro melius nascatur ut orbi

Igno-

Ignotis patribus Deus. Ergò reliqua deinde
 Linea Messia ad Joseph fermè vsque liletur.
 Splendorem postquam veterem vrbs renouata resumpsit,
 Splendorem hi fugère suum, regnique tiarâ
 Missâ ad Pontifices, regno, curisque remoti,
 Diuertère in virtutem. Apparere recusant
 Sidera, ne solem dubites nunc esse propinquum.
 Hâc Academiâ primùm conscriptus vterque
 Vulgari cœpit Tacitorum nomine, secum,
 Ut præeant alios, habitantes, Numinis instar.
 Neue interciperet fors, mare, sagacis odoris
 Fama quiescentes, altæ vestigia mentis,
 Confudere suas virtutes; linquere, præter
 Nil, voluere nihil; claro sua gesta probantes
 Exilio: nunquam & nusquam, vixisse putares, A
 Qui vitam parient, vindex nisi nomen, & index
 Interitum obrueret. Rediuiui gloria splendet
 Numinis, Eliacim proavis sub nomine: & Azor, H
 Numinis auxiliuin, loquitur. Virtutis & ista
 Ars fuit; angustas tentans abscondere laudes,
 Clausit in angustum, totamque vocabulo in vno
 Arctatam adstrinxit Panegyrim. Nempe fuisse
 Nomina, nil præter, reputes. Hoc est, nihil esse,
 Hoc virtutis opus. Studiisque; hoc adde latendi,
 Quod ne vel titulum reperis, nomenque superstes,
 Cum natoque, patrem nullum quod stemma recenseret
 Vivus vterque diu, fama dudum ante peremptus,
 Oblituit nihilo. Latitantes cortice trunci
 Stemma ferè magnum truncarant: prouidas æther
 Succurrit, vetuitque licere hæc damna tenebris
 Matthæus cæli arcanis præfectus, ab altis
 Transcripta archiuis eduxit nomina: vterque
 Messia vixit rediuiuo. Nemo videri
 Azor & Eliacim, voluitque anomalus esse

Sic conati ambo se appellauère silendo.
 Perbibe magniloquum taciturni dogmatis vsum,
 Elige nesciri: vulgat quos fama tonando,
 Fulminat inuidia. At fugio prolixior esse,
 Ista regi dudum voluère, legique negârunt.
 Inperfo tumulis hinc puluere, perge viator.



S A-

S A D O C H.

Azori Filius.

E C H O.

E Cho, verbosæ dic mima Laconica famæ,
 Hâc quæ spelunca cineres amplexa Sadoci,
 Exanimis viuis, quondamne sub illius ævum
 Nosti Alexandrum? *Andrum.* Græcissando superbum
 Arguis. At potius debebat, nomine teste,
 Non Numen, sed sese hominem cognoscere: mundo
 Attamen & calo tulit eius gloria nomen.
Omen. Rectè nimirum Alexander vterque
 Fato Asiæ ingenti natus, cumque omine prodit.
 Abriperunt totam Asiam, hic in Græciam, & alter,
 Econtrâ. Sed quæso, narra, illi unde propago?
Pago. Credo equidem, nî fallor nomine, Pellâ.
 Ergo sic potuit tellus angustior esse
 Tam nato angustè? Magna ast cunabula iactat,
 Sequè satum illustri genitore & rege Philippo.
Lippo. Vno dicis verbo, potuère parentis
 Ex oculis, mores nati cognoscier. Et quid
 Exoculatus gignere posset, præter amores?
 Cæca Alexandrum sed quid furiabat adultum
 Ebrietas? *Æras.* Cruda & violenta iuuenta,
 Cùm vinolenta est. Quid tandem Græcia dixit,
 Cùm venit Macedo? *Cedo.* Concedere iussa
 Nimirum fugit furibundo patria nato.
 Sed qualis Syriam contrâ infestantibus armis
 Aduentus? *Ventus.* Celeri comitante ruinâ

Quippè

Quippè valens, vique & raptim dominando, *minando;*
• Sic est, nam captis dominatus, aliisque minatus,
E bellis noua bella serens, hominum helluo, creuit.
Deuictaque Tyro, mox contrà inuectus Hebræos,
Fortè reos, dudum victuàlia namque negàrant,
Qui capere hæc poterat. Quid agat, gens territa? numquid,
Auspicijs aduersis, militet? *I, liter.* Actum hoc.
Actutum profugi, tuti per vpta, pretèsque.
Sed magè quod fragrans superis, quodnam est melius thus?
Iustus. Sadoci lacrymæ, nam nomine in ipso
Iustitiam redolet, lacrymas pro thure litauit,
Et iam maturam demulsit Numinis iram
Plorando. *Orando.* Est orator quippe disertus,
Deserti fletus. Sed cum vastare propinquans
Attigerat portas Solymæ cum milite, Magnus,
Agnus. Prodigium! Versâ feritate leonis,
Pontificem Jaddi vt vidit, mutatus in agnum est.
Cum Iouis eximiâ vibraret fulgura lamnâ,
Substitit attonitus, nec tantam pertulit altâ
Fronte notam. *Notam.* Pridem; monstrata sponondit
Victrices siquidem euentus. Mirabile! regi
Visus adorari ignotus debere sacerdos,
Vates Judæus. *Deus.* Ipsum in vate videbat.
Ergo Deum nactus, pretij quid rettulit indè
Patronum. *Thronum.* Et vt pietas sibi subdere Persas
Græca queat. Plures orbes cumque ille voueret,
Vnum amisit, & excessit, cum excedere vellet.
Et per bellâ subit, perque orbem & sæcula, Magnus
Ille, sepulchrum exile. *Sile.* Hæc oracula Nymphæ
Postquam vocalis tumulto est effata Sadoci,
Abstitit, officerent manum ne plura quieti.

A C H I M,

Sadochi Filius.

V I C E S.

ET tua, magne Achim, spectata modestia mundo,
 Proposito cuius frustrà taciturne latebas,
 Virtutesque omnes vnâ virtute tegèbas,
 Nequicquàm tamen hanc vnâ celare laborans,
 Quod non appares, apparet. Sæcula certè
 Non latuère tua. At permiscens mollia duris,
 Dulcia cumque acidis, risit fortuna vicissim,
 Et fleuit; premere omninò ne gaudia posses,
 Nec lacrymas. Prima hæc nascenti causa doloris:
 Regis Alexandri auspicijs, insurgere templum
 Vidisti inuisum, atque ausu Samaria superbo
 Altare altari opposuit: contraria votis
 Vota ibunt, & grata Deum si victima flectat,
 Praua insultabit, venietque hostilis in aras
 Hostia diuisas. Poterat discordia templum hoc
 Appellare suum. Cultum geminando Sionis,
 In nihilum vertent: hominum, pecudumque cruentus
 Ille hic mactator, flaminas, quam flammea, cingi
 Dignior, his aris adolebit thura Manasses:
 Et tutò immitem faciet regnare tyrannum;
 Cùm plebem in varias scindunt discrimina partes;
 Hebræosque per Hebræos delere docebit.
 Nauigij est dubij similis Respublica, quamdîu
 Intègrum est parat, & diuisum mergitur. Isto

Fractum

Fractum luctu, animam tandem vindicta leuabit,
 Lenta quidem, sed tempestiua. Perisse videbis
 Mundi raptorem, calicesque vorando profundos
 Exhaustum. Prô! vah indignum milite lethum!
 Immodico ructant animam Baccho antè sepultam,
 Et non belligerè iniuriatam sanguine, vino
 Purpuream nimio. Condignâ morte bibosus,
 Sublatus victor, quique Hercules æmulus esse,
 Et Bacchi veluit, tanè aduersario utroque,
 Cratere Herculeo, Baccho est iugulante peremptus.
 Fortè scyphi Clytus fundo non immentior hæsit,
 Herculeum quàm ille calix se cæde tyranni
 Ostendit. Meritò dandum sublimibus astris
 Vas Philothesium. Magnus, cùm viuere desiit,
 Et cinerem in paruum contracto puluere, nullus,
 Arctatisque opibus, terrâ, regnisque reuulsus,
 Excidit, & vitâ; bonâ se fortuna benignæ
 Explicuit libertati. Quod Daniel olim
 Edixit vates, diuisum quatuor ingens
 Imperium seruis, totidemque in frusta resedit;
 Terrarumque orbis visus Magno esse pusillus,
 Maximus est paruis. Victor sic bella subiuit
 Ignora, ignarus demùm, cui vinceret. Ast hîc
 Materies fletus, noua; Ptolomæus in eius
 Suffectus solium, modicâ intolerabile adulans
 Libertate iugum impegit, Tam purpura auara est,
 Sanguineum vt cocco trahat iniuriata ruborem.
 Ægyptum præter, Syriam vult. Religionem,
 Sacraque prætendens simulator, diripit aras.
 Hoc vnum deerat miseris plorabile damnum,
 Regum vt formident pietatem. Vulgus eisdem
 Pro latrone vouet templis, quæ deouet ille.
 Larga nimis, templa ergâ munificentia Hebræum!
 & nudant, vt templum ornent. Et rursus adimplent

Nudandum toties, Mons: illicet ille Sionis,
 Gaza erit immiti diuesque fodina tyranno.
 Ne prædo tamen hic nimium dicatur avarus,
 Cuium onustavit ferri centena catenis
 Millia. Iudæi Ægypti ferrum omne tulêrunt,
 Inque vicem Ægyptus Iudæ totum abstulit aurum.
 Longa, diu optatò, vertuntur tristia latis.
 Africa terribilis monstris aliquando vacabit.
 Successit Lagidi Ptolomæo dein Philadelphus,
 Indocto doctus, meliorque proinde præfesse.
 Consule vicinum lapidem, eius gesta loquetur.



I E S V S,

Siracides.

M E M O R I Æ.

QUæ fati inuidiam superent, monumenta dicamus,
 Virtuti Philadelphi: nam copiam hic vnus
 Librorum auxit Alexandria, codice in vno
 Scripta Mosis, scito illustrata interprete reddens;
 Demetrii cum Phalerei ratione suasis,
 O meritis insignem animam, quam tanta regebant
 Consilia! Eleasar Diuina volumina poscens,
 Pontificem cunctos seruili pondere captos
 Soluit, vt obtineat: soluit liber vnus Hebræos,
 Et liberrati asseruit. Prô! Ecclesia quantum
 Phalereo debet! quot lucas porrigit annus,
 Tot statuas habuit, quot voluit dignus habere
 Omne æuum soles. Verùm & simulachra fuere;
 Liberti attoniti, assiduas spirantia grates.
 Illius officio alta Pharos miracula vidit;
 Septuaginta duos Erythræo in litore, quorum
 Prompta animis liquido staret sapientia sensu;
 Diuersis eadem è loculis in sensa venirent,
 Scripturam è Patriâ, linguâ conuictere Græcâ:
 Ingenia hic adeo conspirauisse, nec vlla
 Discordem faceret varians vt syllaba cætum.
 Ergò caput forsân manibus tot præfuit vnum,
 Tot capita aut scripsere manu vnâ. Hic vnus omnes
 Et linguæ, & cordis. Pretiosior vnio nunquam
 Illi visa mari. Noua res, miracula vtrîmque

Vera loqui Græcis, concordiaque inter Hebræos.
 Interpres reliquos inter præsignis Jesu,
 Præclarum, Jesu, pax & concordia, nomen:
 Errorum lux hæc cunctorum nubila pellit.
 Interitum suprâ, quæ vera, æterna, perennè
 Imperuerfa manent. Vno volue omnia libro,
 Ecclesiâstes, cui nomen, prout omnia dicit,
 Consonat omnibus; & solo hæc interprete, cunctos
 Collegas nosces. Cognata ô tempora lauro
 Scriptile nâ potius malint insigne papyro:
 Ista Pharos Regum splendet cervice tiara.
 Quam merito disertum illic fecere volumen,
 Fida Pharos vbi turritâ sua lumina fronte
 Expôrgit nautis. Rabbinis nempe dolosè,
 Sensibus abducta, & vario iactata periclo
 Ingenia, in pronas cæcè tendentia syrtes,
 Recta sequi certo præeunte volumine discent,
 Naufragium errorum fax illa cauere monebit.
 Huc obuerte ratem, quæ fixa hic anchora, salua est.



ELIV D.

Achimi-Filius.

ELEAZAR.

Eliudi Filius.

CONSOLATORIA.

H Erōas vrgent deterrima sæcula sanctos,
 Eliud, ac Eleazar. Se proferre videtur
 Omne nefas, instauratoris vt integra fiat
 Materies; tempus festinat adesse salutis,
 Nam scēlera ad metam properant. Iræque, minæque,
 Carnifices, hostēsque instant, liuentia tabo
 Sæcula martyrij. Christi natalibus ante
 Fulgebit sanguis, surgente præambula sole
 Sic aurora solet. Quod templis splenduit aturum,
 Barbarici magnes ferri, rursum abripiendum,
 Jam raptum toties, cupidique offensa furoris.
 O vestro nimium pretiosa metalla periclo,
 Quæ nec templa valent, vt nullibi tuta, tueris
 Palletis merito, positasque verèmini vbique
 Insidias. Ista ergo fame Seleucus adactus
 Prædaturo Apollonium cum milite mittit:
 Angelico intactas percussus at ille flagello
 Inquit opes supplexque nisi exorasset Onias,
 Pro loculis Joecuthi latro inuenisset. Onias
 Antiochus mitram venum licitantibus offert.

Sacràque tum demùm sacro vt spoliuntur honore,
 Sub regni altaris munus iubet esse coronâ,
 Vt sit vilis apex, pretio emptus. Sacra perempta,
 Ipso quo pretio emptas & raptam mortibus implet,
 Dein Urbem, triduoque breui octoginta trucidat
 Millia, dirum alijs seruili compede vinctis,
 Atque subhastatis alijs; feralis at hasta,
 Parcendo turpis, fortes feriendo decora est.
 Perque & Apollonium ac orsus peiora Philippum,
 Artifices qui præmissi in dilèriminâ belli
 Peiorem intrudunt pacem, sacràque theatro
 Occidunt sacris populos in luce vacantes:
 Prò furia immanes! sanieque vndante palestrâ
 Naumachiam faciunt. Ædilis tam mala mors est,
 Cædibus exercet ludos. Nec ludicra cessat
 Antiochi rabies; numerus certabat arenis
 Cæforum. Inde dolò senium delegat & astu
 Extritum, meritò cuius describitur ætas,
 Nempè pilo vt vulpem noscas, nomenque siletur,
 Vt pereat totus: vetus is fuit Antichristus.
 Ausus hic idolis templa incestare probrosis,
 Reliquias ritu patrio deterret Hebræum.
 Nunc gaude, ô pietas, virtutes fulgura mittent,
 Collisæ vt nubes, puerosque, senesque videbis,
 Feminæosque animos, præstantius, Heroïnas,
 Cœtum expugnarum, pro libertate tuenda,
 Iure Deum & patriæ, amisso vel sanguine, stare,
 In sacra bella duces ibunt, serosque nepotes
 Pro superis fortes animis, armisque præbunt
 Nil cælo acceptam cunctantes reddere vitam.
 Sanctorum interea geminum pars, germina Christi
 E Proavis, aruis Bethlæem, voluere latentes,
 Immeritum ferre exilium, sedesque propinquo
 Messia cædes extrâ, turbasque parare.

ELEAZAR,

Proto-martyr, ex Levi.

C O N C I O,

ILle hic longævus Leuites, ille Eleazar,
 Qui sene porcinam Antiocheno mandere iussus;
 Dum, fæcto obsequio, mortem euitaret, amici
 Suâdent; magnanimâ obsecrantes voce repressit:
 Vos mihi quod suâdetis amici, suâdet & hostis,
 Nempè vocatis, & illicitam mensam ille parauit.
 Faucibus inuadam periuris ergo suillas?
 Lethifera hoc ipso, quod lege indicta vetante,
 Fercula detestor. Nihil hîc inimica potestas
 Præualet; illecebris frustrâ tentastis. Eodem
 Polluam ego leges Eleazar & ore docebo?
 Ne potius bruto apponi sim dignior ipse,
 * Quod fugio appositum. Quidni? moriamur: utrique
 Annosus tortor iam proxima fata minatur.
 Soluendum hoc pensum, quid differo? scenus is auget
 Diu moriens morti, mortis qui tempora differt.
 Annorum pondus nihil æstimat ille meorum,
 Grandævumque negat, qui quâvis morte minorem,
 Aut reputat leuiorem. Nonagintâ sepulchro
 Annis illaqueor, nec possum vivere velle,
 Sed nec posse velim. Pietas veterana recedat,
 Tergaque det tandem? pulcherrima fabula vitæ
 Sub finem factò penitus sordescat in vno?
 Diu nimium frontem sine fruge hanc tempus arauit;
 Nâ inæto lauræolam; gauderem occurrere fati,

Si fugerent, & pro patrio me dedere inre.
 Finis nascendi est, vt honestâ morte cadamus.
 Cumque mori sumus indigni, dignum est moriamur.
 Sum durus nimis? Erratis. Num corpore scabro,
 Iam solui cupidam valeat configere mentem
 Vitæ ardor nimius? Jam noui accersere mortem,
 Et peccare magis fugio. Mouet ipse tenaci
 Proposito immotum confector stare, lacertos,
 Seminecesque animos, seniumque accingitur impos:
 Effert me, mox effertur. Cur verbera ferre
 Præ senio nequeam, quasque ille infligere pœnas?
 Esse quidem miti pugnat senio esse ferocem,
 Esse decet fortem. Natura imbellis vt vni
 Concedat fato, tali est immota tyranno.
 Mortis inexpertæ nouitas frustrâ esse timendum
 Suggestat, hoc dudum peragunt mea munia munus;
 Sacrificus sum, fufum propinare cruorem
 Assuëui, nec iam propicio sacrare ferinum,
 Hactenus exteriùs, libaminaque offero parua,
 Ignauus Mystes, propriæ pietatis auarus,
 Dêque suo, largus largitori, hostia tandem
 Ipse velim vt fieri, toties pia sacra litauit.
 Ast esum finge, & labris illude, tyrannus.
 Obsequij vt circumscribi simulamine possit;
 Hoc velit, at quid eris? simulare rogatis, amici?
 Sed ne utinam! fictus sit amor, qui fingere suadet,
 Sincerum magis est senium mihi, fingere mendax.
 Non valeo, fidei antiquæ perhibentē colorem
 Canicie. Dignum Græcus simulare, senectâ
 Proditor esse suâ reputet, laudisque videri
 Perque fidem, postque ipse fidem si perfidus ibit;
 Non illi similem fidei trademus Hebræam.
 Religio meretrix non est, pigmenta repellit:
 Non fictæ peccat, fictæ qui peccat. Amici
 Nesci.

Nescitis conuiales, in pectoris ima
 Secretosque aditus quas lynces numina condant.
 Impermilla necem sapiant quod feracula, lex est.
 Hâc mors incessit rimâ; seruire necesse
 Legi est, at vitam quorsum producere mallet?
 Quam tales esse escas, malo esse esca. Tyranne,
 Perginus, anteibo cunctos, permitte volentem
 Spontè trahi, compone minas; pro munere mors est,
 Non moriar totus, mihi cælo est vindicæ cautum.
 Flagra ministerium verrendo grata subibunt
 Pulueri, in omne malum te collige, in omnia damna;
 Solemnem æthere conficies reddente ruinam;
 Cæde, seca, refeca, vulnusque in vulnera conde,
 Viscera scrutare, atque volentia perfode claustra,
 Me nequit toto Respublica tuta manere;
 Tentabo, vt fractus, possim, maiora. Valetè:
 Quod metuistis, amici, ipsum laudabitis olim.



SALOMONA

Mater Machabæa,

MARTYR., EX LEVI.

I C O N.

FEmineum aspicitis compôsto marmore truncum;
 Nil ibi femineum, solidæ est constantiæ imago.
 Incertum variant nomen, miracula quippè
 Nomen habent nullum. Mirâclum, femina constans.
 Duritie inspectâ Nioben fortasse vocabis,
 Ast illa in lapidem conuersa est vindice cælo,
 Pro cælo hæc riguit vindex, Sic funera septem
 Natorum mater vidit. Concesserat æuo,
 Supplicijque exhaustam animam exhalauerat ingens
 Ille Eleazar. Cum facie externante tribunal,
 Parque animis mater prodiit: Hæc glôria Hebræum;
 Imbellis dignos referet colus vna triumphos.
 Natorum septem legionibus obijcit vnâ
 Pectora iuncta fide, numero, fidibusque canoris,
 Concordes animos. In prælia sancta lanista,
 Illusttris genitrix animos & robur adhortans:
 Ite mei, vultu, quo me esse videtis, eodem;
 Ite meum ô agmen, stabili virtute probate,
 Propagare viros non solas posse Lacænas.
 Liberi ad hoc estis mihi, liberi vt esse velitis.
 Septeno nati circumstant vertice matrem,

Ferri auidam, virus si tollas, dixeris hydram.
 Non consanguineos vnquam præclarior inter;
 Inuidia orta fuit, iam nil mors sæua timetur;
 Sed mora, iam de supplicijs pia iurgia certant.
 Ne perturbatè Antiochus ruat, ordine crimen
 Aggreditur primò natum, quod mater iisdem
 Orbetur gradibus; quæis mater cœperat esse;
 Apponitque cibos puero, quos ante Eleazar
 Abnuerat, satis hoc vnum, ne tangat & ille.
 Lingua auersanti præcidi iussa. Tyrannis
 Linguae terribiles, in linguas cautio prima est.
 Sed quid agit? linguâ calamum facit, ecce cruentum
 Hoc frustum terram signans manifestior index
 Scribendo, quam dicendo est. Liçtore putandas
 Certatimque manus, vix iussus, porrigit ambas.
 Post linguas sunt prima manus formido tyrannis.
 Dextræque vbi victrix cecidit secura securi,
 Mortua palma rapit palmam, terræque iacente
 Ostendit præiens fratrum cœli ardua turbæ.
 At signasse parum, properè vestigia firmat,
 Atque pedes succidendos vt, promptior iret
 Quod contendebat cupidè liçtoribus offert,
 Vt iura infractis patriæ aduersaria legi
 Calcibus attereret, melius, pedibus sine, constans,
 Hermetis veram effigiem I quâ linea recti
 Signetur. Tandem ludens mortalia, morti
 Illudens, scissa deglubitur vndique pelle.
 Non amat extinctos, sed amat lentè morientes
 Immanis feritas. Meliori pulcher amictu,
 Exutum seipso attonitus se spectat. Ephebus,
 Non alio sensu, quàm si sibi sindona sternat
 Iam dormituro. Si posset, dicere vellet;
 Barbare, nulla mihi est, quam diripis, in cute, virtus.
 Illam curavi nunquam. En tibi corporis huius
 Vaginam;

Vaginam, nil præter habes, sine cortice robur
 Obdurat solidum, duratque, ablataque rursùm
 Vel nolens spolia amittes, ad meque redibunt.
 Non vel sic mollitus adhuc feruentis oliui
 Frigitur ardori. Fremitum sartaginis audis?
 Nonne oleum querulum gemit? anne tripudiat isto
 Subsultatque vado martyr? Tormenta voluptæ
 Plena! nec in medijs tanto disfluxerit vllus
 Delicijs luxu. Thermae, portusque salutis!
 Et quid martyrium, obsequij nisi gratia facti,
 Quamquam animo infesto. Sic ergo oleumque, operamque
 Perdidit in primo. Succedunt ordine fratres,
 Fortiaque euolunt mox ipsi exempla daturi.
 Diuersæ est oleum, alterius ceroma palestræ.
 Martyrio dantur cuncti fratrisque, suoque.
 Antiquæ fidei linguas, anathemata pendunt,
 Et fidei specimen, sectis in fœdera dextris
 Sponsantur celo, cunctique ad Olympica currunt,
 Præcis pedibus, palmasque & præmia palmis
 Defectis rapiunt, vinctique in regna sacrantur
 Vno omnes oleo. Lychni septemplex instar
 Matrem circumstant omnes, ne plura; locuti
 Elingues, tripodem, sua carmina, clibanus audit;
 Et meliora ferunt, sileant oracula, Delphis.
 Hebræum solida admiratur Græcia fata,
 Nec conferre suos, solo his sapientibus audet
 Æquales doctos numero. Inter funera mater:
 Ploret? Non plusquam lapsis hic. In lumine risit
 Ipsa suas lacrymas alieno; Herbas adhortans
 Heroïna, ac in cunctis mirata seipsam
 Jam mater toties, toties iam martyr in vno
 Post septena die, natorum funera depum
 Exarsit, quos præmisit sociata planetis:
 Adiecit firmamentum illis pone sequaris:
 Nulla superstitio, caelestia lumina, fratres.

RAZIA S.

Ex Leui.

ETHOPOEIA.

EN tibi inaudita hîc offert se maectè, viator, *ad*
 Ad libertatem via: virtus magna prœinit, *quo*
 Quà vitium fuerit sectari. Fortè Nicanor, *non*
 Infestis surgens odijs, Iudamq̃ue lacerans, *in*
 Vno omnes filis se posse domare subacti, *o*
 Et vincto totam Raziâ vincere gentem, *o*
 Captiuum inquiri iussit; confugit ad ensen, *o*
 Ille suum, nec pro voto egit; vulnere aperto, *o*
 Quam tota vt posset mors ipsum intrare, *o*
 (Mos ille est morti, vix sera optantibus instat, *o*
 Et propera inuitis) ferrum ergo, virgante tohorè, *o*
 Ignauum obiurgans, muro se misit ab alto, *o*
 In libertatem vt præceps velocius iret, *o*
 Ne vel retrò datum elisâ ceruice perire, *o*
 A tergo fugitiuam animam prodire pudebat, *o*
 Magna nimis potiùs, vel fors maiore petebat, *o*
 Emitteri egressu. Deû fractus & integer, *o*
 Infregit, saxoq̃ue affusum hortatus, *o*
 Suggestus, populum, darèt aqua it pondera verbis, *o*
 Penilia ipse suo de vulnere viscera fundens, *o*
 Ambabus sparsit manibus. Vis roboris ingens, *o*
 Impugnans semet, ludit, proicitq̃ue seipsum, *o*
 Et secura animæ penetrales dextera sedes, *o*
 Scrutatur, mersaq̃ue altum sacraria mentis, *o*
 Prado sibi exuias è scisso corde calentes

Prodi-

Prodigus euellit, sua vùlnera vùlnerat ipse;
 Seminecem populis se diuidit, vt sua donat
 Viscera, quæ rursùm non vt sua frangit; & inquit:
 Hæc libertatis, ciues, sunt ecce trophæa,
 Hic animus ne vel fibris vult esse ligatus,
 Proicio vitæ nodos, & vincula rumpo.
 Facundis, & quis pro rostris veriùs vnquam?
 Ista medullarum suada, & non sola medulla
 Suadæ erat: Atque vel sic superare laborans
 Vota senis; pectus trans rimas ille loquentùm
 Inspicere optauit, verùm hic orator apertus
 Non vocem solùm, sed vocis & organa pandens,
 In sparsùm abiecit cum verbis viscera vulgus.
 O securam hoc libertatis haruspice plebem!
 Qui sua sacrificâ laniat; dum consulit exta.
 Ipse manu, & tutum saluūque enunciat omen.
 Antioche, hîc frustra impatiens tyrannide sæuis,
 Ingenuos adedò non coges. Vincta minaris?
 Sed libertatem stricto pignore recludunt.
 Muros? iste gradus demisit. Ferrea vincula?
 Mitius hæc rumpent; sua quàm intestina reuellant.
 Nónne iugum? at potius tenta, si frangere possis,
 Flectere vis frustra. Poterit vel inedia quidquam?
 Proiectis quoque visceribus sed viuere possunt.
 Illa petis! sponte eiaculantur, & arcibus ipsi
 Sufficiunt nervos, quondam vt feriâre, tyranne.
 Prò, quali ingenio pro libertatis amore
 Sæuitum? Ipse suum Titij inclementior hausit
 Vulture trans costas pectus. Vis pingere amorem?
 Razias sic è saxo se diuidat ipsum,
 Viscerâque euacuet. Patriæ ne dicito patrem,
 Sed matrem potius, fuso qui corpore latè
 Amplexus ciues, cetera mater gignere visus,
 Atque suos libros facere: ò si crescere possent.

Hæc inspersilia ! ô tantum non femina robur.
 Villa darent ! Tandem meritorum & mortis honore
 Plenus , & exhaustis extis legauit euntem in
 Semianimes populos animum , vitamque recidens
 Ipse sibi, haud parcè properauit munia Parcæ.
 Consueti officijs fati nil debuit , & se
 Jam vacuum seipso maternam gessit in aluum,
 Et fracto integrâ dissoluit corpore mentem.



MATATHIAS.

Ex Leui.

NEMESIS.

CÆlituum Nemesis, Diua ô iustissima, nata
 Numinis Empyreï, & fati cogentis alumna,
 Dic, Leuitarum stimulos patientia quales
 Suffixos sensit, generoso te vertere Marte
 Martyria auderent? Ictio: post tormenta, necesseque,
 Sanctorum enormem stragem, migraret in urbem
 Desertum, ciues etiam in deserta migrant:
 Hâc Patriâ infaustis non est felixior vltima.
 Tu, virgo, æthereo folio detrita iacentem
 Pontificem appellans Matarthum, hâc voce locuta es:
 Quid cinerarium agis senium? zelusne sepultus
 Hoc dormit cinere, at focus ille æternus, in æuum
 Iussus seruari, hæc flamma insopita, sacerdos
 Quam vigil obseruet. Nunquid, cum occidere possis,
 Et liceat, cupis occidi? Quam robur inane,
 Quod solum patiendo valet! Dabis ergo cruorem
 Totum, Relligio vt viuat. Demum ipsa peribit
 Exanguis. Contra armatos quoniam corripis arma?
 Qui miseros faciunt, miseri te vindice fiant,
 Perge agedum, viuum extinctus te sentiat hostis.
 His punctus monitis præclaros apparat ausus,
 Abs populo princeps, abs templo, arisque sacerdos.
 Cæli militiam, contra pugnare tyrannos,
 Se, natos, totamque domum in pia castra recenset,
 Interea, bellum, Nemesis Diuina, dedisti

Pro belli signo, cælo ostendente coruscas
 Armatorum acies, equitumque micantia in auro
 Agmina, vt indubios victoria spondeat illis
 Successus armis; quid inexpugnabile forti
 Opponas auro? timuit tua prætor Apelles
 Consilia, & potius placuit clementia, qualis
 Est magè crudelis, blandâ spe conciliare
 Sacrificum, positisque minis ad thura litanda
 Pertrahere idolis. Caruere pericla periclo.
 Nil metuit, qui nil sperat; sed nec modò legem
 Atque Deum seruat, sed desertorem adolentem
 Idolis, ignes, quos antè impunè fouebat,
 Oppressurum, ipsâ iugulat zelator in arâ:
 Prætoris deûm intendens in pectora ferrum,
 Cuius mox oculos spreuit, velut ante ministrum
 Sacrilegum, authorem mora tollere nulla sacrorum:
 Iudicis ipse sui lictor, vindexque sacerdos,
 Ille sacerdotis iudex reus: at cui talis
 Victima procubuit? certè, est à dæmone rapta,
 Cæsa Deo, sanguisque in venas religionis,
 Vulneribus redijt factis, Prætoze cruentam
 Iudæi respirârunt animam expirante.
 Quantillis quantùm rebus dependet! in vno
 Interitus voluebatur pugione, salusque.
 Dux animi præstans, tantis successibus auctus,
 Sub vexilla Dei ciet agmina, classica, voces,
 Signa, facit pugio, queis sancta & fortia cogat
 Prælia: at in patrios astus, fraudesque dolosæ
 Confugiunt vulpes: toti sacra otia plebi
 Mandabat lex & festum, cum Marte laceffunt
 Hebræos subito. Quantùm, ignorantia, damnum!
 Ignari pleriquè ac ignaui, arma recusant
 Arripere, & potius, quàm vitam, sabbatha seruant.
 Tanti est religio: cædi, quam cadere malunt.

Intempestiuæ obiurgans pietatis amorem,
 Suâfisti meliora, & surge, inquam, Matathia,
 Deside quid stertis cultu? Fac sabbatha Marti.
 Hanc requies, sacram non fecit inertia lucem;
 Nulla quies melior, partis quàm condita palmis.
 Ipsa scelestorum peragat solemnia cedes,
 Hi ritus hæc festa decent. Inuicta virago,
 Terribilem temet stragem spectando beasti.
 Fregisti curru Græcas properante phalanges,
 Orbita vulnifico mansit versata profundo,
 Atque triumphali splendentia gramina succo
 Pabula equis, & gramineam tua tempora circum
 Fecerunt; at ne pompæ funalia desint,
 Idola & mystas, atque impia templa cremari
 Iussisti; & fumant; quæ Græcia adorant, aduris,
 Et thus dignum adoles: Inque hæc incendia ridens
 Antioche, hæc dudum meritis clarescere flammâ,
 Iam verò illustris poteris cognomine dici.
 Sicque iugum excussit Matathias, cuius in vnam
 Tota domum virtus compulsa migravit Iudæ,
 Confecto bello, fatis confectus & annis,
 Dum mundo virtus impar cœli ardua pulsat,
 Vt palmas numeret, palmis quas scuerat olim,
 Inuida Roma suo quod frustra adscribit Iulo,
 Axe Deum emeritâ clarus ceruice refulsit.
 Lambere mucronem tuque oblectata recentem,
 Iô, inquis, superi, nihil vnquam dulcius hausi.



IVDAS MACHABÆVS.

Matathia Filius.

T R O P H Æ A.

R Emigiis fesso tantisper parcite ponto,
 Non eat hoc illaudatum venerabile litus.
 Ille obeliscus præsignis terræ Modinæ
 Hunc apicem ponit, cunis tumulisque beatæ
 Tot Machabæorum, nutantiâque arma columnæ
 In cælum tollunt, quorum formidine tellus
 Olim contremuit; Judæ inter structa trophæis
 Mausolæa vides. Bis princeps ille, sacrorum,
 Militiæque ministerio, maiora patrauit,
 Quàm fieri possent; tam magno corpore mentem
 Res gestæ dignam ostendant, lorica gygantum
 Sublimis molem iactat. Pro lege, Deoque
 Suppetias natura illi suffecit, & æther
 Vestiit angelicos ciues cœlestibus armis,
 Aër spectra dedit, vigilans præfugia somnus,
 Quin ipsam post se traxit mortem auxiliarem.
 Armatus Hieremiâ, & vate Oziâ animatus:
 Huic Deus imperio cessitmet centuriatus,
 Fulmineâque manu feciale se dedit, illum
 Dummodò pugnare ut credas, Iudamque iubere,
 Aque ipso steterunt hostes, quos fulgura vultu
 Vibrata amentes fecere, & funere cæco
 Inter se ludos partiri. Ludere credas
 Iudam, cum facili miscet funebria Marti.
 Magna trium virtus regum patefacta periclo est:

Epiphanem solo externauit nomine, strauit
 Pugnando Eupatorem, nec morte extinctus in vnâ,
 Demetrium exagitaui. Nicanore tyrannis
 A tribus emisso, terque impia bella mouente,
 Nudauit primo congressu, deinde fugauit,
 Occidit demum. Exegit, quem fuderat olim
 Sanguinem Apollonius, cladis, cædendo scelestos,
 Sanctorum vindex, Ptolemæum cumque Sotione,
 Gorgiâque in prædam, spoliandâque castra volantes,
 Prædatus, Bacchidem, Timotheumque seueros
 Quam bello, magè blanditiis: Menelaon & Alcim,
 Ne pereant sæpe admonitos, maiore fugauit.
 Eripuit palmas bello insurgentis Idumes,
 Arabibusque oleas concessit; fulminis instar,
 Contrà exercentis quæque oblucentia robur.
 Sub Lysîa octoginta millia, militis impar,
 Inde sub Antiocho, quindena & millia centum,
 Timotheo, centum viginti millia parua
 Percussit manus, & Ogygiâ ceu clade peremit.
 Successu melior, numero impar, robore summus,
 Omnia lugendo concepit bella, peregit
 Ludendo. Famam Judæ vt monumenta loquantur?
 Omnis in integrum nimia est victoria mundum.
 Deleuit flammâ Galaad eurrente rebellem,
 Perpetuisque viam signauit in ignibus, instar
 Præstêris. Deuota inferno idola sacrauit,
 Idolis mystas, vt mutua damna querantur.
 Præsidium Gazaræ, ingens ubi & amula virtus,
 In sultans Solyinæ, bis deno milite certus
 Euertit. Massam struxit sibi Maspha virorum,
 Quos ea falx meteret. Ventosæ altissima Casphis,
 Sed frustra linguæ, cætorum sanguine stagnum,
 Sed tunc non auxit stagnum. Sic Carnion alto
 Vndique fossa situ, vallatâque ciuibus Ephron,

Impietatem nouerunt nec mœnibus vllis,
 Nec manibus tutam. Ioppe, & naualia Jamne
 Incendit, propriisque Pharon vel finibus, igne
 Horrendam instituit, portūque incendia vertit,
 Hostibus vt bellum, patriæ fax illa salutem
 Nunciet. Et postquam Solymæas terque quaterque
 Tutatus sedes, solenni cumque triumpho
 Inuectus quater, atque superstitionibus aras
 Lustrauit, tabo fusi polluta cruoris
 Delubra absoluit, sacras natalibus ædes
 Tempia nouis cælo statuit, iussitque renasci
 Festa sacrâ templo instaurato luce quotannis,
 Æterno fundans redeuntia gaudia ritu.
 Sat fortis faciendo; sed pariendo probetur.
 Vrbi donato imperio, deserta quod antè
 Claudebant, cultus postquam reparasset Hebræos,
 Græcorum pacem populis, Romamque secundam
 Adstrinxit Patriæ. Magni quo funere gaudent,
 Pugnando cessit, dum inuictus vincere cessat.
 Solùm hominem letho, fuso vel sanguine nesses.
 Hunc fratres inter sua composuere trophæa,
 Pyramide ingenti erectâ, vt cælumque, solumque
 Cui famæ angustum fuerat, super æthera surgat.
 Conspicua impendet sublimi vertice nautis,
 Promissura pium timidis fiducia portum;
 Qui viuus terris, vt mortuus imperet vndis.



IONATHAS.

Iudæ Frater.

POLYTICON.

Diuinum docuit quid possit robur, Iūdas,
 Humana & quantum valeat prudentia, fratre
 Ex Jonathâ disces. Maior vis regna parando
 Quæritur, at maior solertia parta tueri.
 Antiochi occisor Libycis Demetrius oris
 Regnabat, cæsi repetebat patria regna
 Natus Alexander; Jonathas quî fecerit, audi:
 Inter utrîmq; procos Asiæ, meritoria stabat
 Judæa (hîc discant, clûsi maioribus inter
 Magnates) cum dissidiis agitatus & ipse
 Vrbani Jonathas, post partes vulgus abibat
 Victoris, cæso Iudâ, Bacchidis & alter
 Occiderat Jambris frater, sic nempè leoni
 Extincto insultant lepores, vrbs vnica plures
 Tunc vrbes habuit, multiplex, non caput vnum.
 Ceu sacro & saxo, Jonathas deprênsus utrîmq;
 Atroci Jambri fregit conuiuia pugnâ,
 Fercula quæ ferrum turbauit, lancea lances:
 Instrauit tumulos, thalamos Bacchidibus inter,
 Quique accumbabant epulis, stratisque cubabant,
 Non surrecturos pare somno occumbere iussit.
 Ciuiles, mox externa vt discrimina sensit,
 Sopiuit rixas, & pacis fœdera legit,
 Quam fratrem vleisci. Imperio spes nulla salutis,

Inte-

Intestina vbi soluantur discissa, domique
 Compôstis rebus, visus conducere posse
 Vtrique externo; quid agat? sese addere nulli,
 Martem inter geminum, res est intuta; timendum
 Vtraque, nî ludas, de te dein alea ludat,
 Vnum ergò perdas, ne post perdâre duobus.
 Delectu obscuro (varia est victoria & anceps)
 Viribus hinc inde expensis, qui fortior armis,
 Demetrium iuuat, surgit cum factio, semper
 Pars vrgenda valens minùs. Id vel bruta docebunt,
 Fortè canes de præda aliis rixantibus adsunt,
 Aduersos in se vertit macilentior omnes.
 Fœderis in pignus deposcit militem, & arma,
 Atque vades, quos cum Sion Græci arce tenebant.
 Curandum primò, qui aliena negotia cogis,
 Maturare tutum possis, tua commoda marte
 Finitimo elicias. Fundo felicior exit
 Turbato nassa. Inde breui fortuna reuersa
 Diuersam in sortem: per præmia fortior alter
 Solicitat Jonathan, & Pontificalia sponder:
 Demetrium contrà armatur, qui classica vixdum,
 Præfagæ audierat timidus præmuncia pugnæ,
 Vt fugeret velox, vitam post terga reliquit,
 Seque ipsum effugit. Jonathan tamen argue nullus,
 Nullius fidei, hostile & noscebat amicum
 Demetrii ingenium, falsum in periuria, præceps
 Omne nefas sibi moliri: mox pace futurum
 Hostem, qui fuerat pugnæ comes, utque feriret,
 Cumque exquirentem, quò fœdera læderet vnde.
 Prosperitas soluit, quæcumque aduersa ligârunt,
 Abrumpunt oleæ, quæ iunxit vincula Mauors.
 Fortè iter hinc iterum fortuna volubile versans,
 Demetrii, fœderi Ptolomæi viribus auctum,
 Opposuit natum, cæsi qui bella parentis

Rursum integraret. Ionathas consultus ab illo
 Stare, & Alexandrum defecit, eumque fugacem
 Arabicus fodit gladius. De gente Pelasgâ
 Omnes, nemo bonus, sed fors magis utilis vnus,
 Nemo fidem pactam fidus seruasset Iudæ,
 Hanc eiurabant omnes, meritò capiendi,
 Ne capiant. Parui iuncto nec scœnore lucri
 Fœdere profecit, vindexque assertor, Hebræos
 Reddidit immunes, proprijsque in finibus urbem
 Conclusam tutò sepsit, Solymæ ante minaci
 Munimenta parata manu, sibi subdidit arcem,
 Urbis quæ fundata iugo, imponebat & vrbi
 Alta immite iugum. Securum æstuaria somnum
 Nunquam promittunt. Sors irrequieta vagatur;
 Antiochi puerum extincti ciet ultio patris;
 Demeritus Ionathan maiora hic præmia spondet:
 Demetrium contrà Antiocho coniunctus, in omnes
 Prouidus euentus, cautè iam parta tuendo,
 Urbem præcinxit muris. Sua sæpe tyranni
 Munera formidant. Sorte hâc requiescere posset,
 Si varians tandem fortuna quiescere posset.
 Antiocho parti Tryphon dulcedine captus
 Præfectus regni, dein, libertatis amore,
 Speque vocat Ionathan Asianæ. Jungitur illi
 Antiochum contrà. Semper sic callidus heros,
 Græcissans cum Græcis, præsentem atque futurum
 Hostem, alio trudens alium, libabat vtrîmque
 Ex vtroque aliquid. Verùm heu sapientia cæca
 Politices! horis nemo sapit omnibus horum,
 Non Ionathas ipse: exceptus qui nempe Pelasgâ
 A Tryphone fide captiua in vincula missus,
 Arctiùs amplexus, quàm mutua fœdera vellent;
 Cum natis demùm occisus, natiq̃ue, parensq̃ue,
Funeribus

Funeribus pasti alternis. Certè inclytus heros,
Nec Iudâ minor, ambos si conferre libebit;
Pro Iudâ, cælum in victricem venit arenam,
Pro superûm cultu, Ionathas pugnavit & aris.
Extinctum Proceres patriæ fleuere parentem,
Hoc mage lugendi, quia tanti Principis orbi.



E L E A Z A R,

Ionathæ Frater.

E M B L E M A.

Magnanimam sculptus saxo hoc emblemate signat
 Mortem elephas,periit sic,quomodò cernis humatū.
 Antiochus regni heres, perfidiæque paternæ,
 Totius aduersum Iudæam Asiæ arma mouebat:
 Nec iam bella geri reputans, nisi bellua secum
 Pugnaret, nec solùm homines, adscribi elephantes
 Militiæ iussit. Mortis noua baiula monstra
 Ordine terrifico incedunt, arcem esse putares
 Arce superpositam, nimirum carnea ferro
 Massa ingens nutat, buccis telumque tubamque
 Et flammæ, oculis horrens deformibus effert.
 Barritu irrita tela vocat, quæ pelle repellat;
 Castrorum fœta est monstro sudante ferino
 Sarcina, mobilia hinc armamentaria pugnant,
 Armati cunctis plusquàm triginta grauamen,
 Securi spectatores sua vulnera torquent,
 Et velut è podio, quæ exercent, funera laudant.
 Tot se maiores, tergo vnica bellua gestat.
 Immane humanis discit sœuire coacta
 Bestia ab exemplis, & miles inebriat uis
 Purpureis oculos, acuat liquor ille furorem,
 Commendet similes, doceatque exposcere succos.
 Vnus præ reliquis ornatu & mole superbus,
 Cuique apices fului, loricæque regia, pondus,
 Cultu infestorem visa est fera prodere regem.

Hunc

Hunc Eleazar deposcit trans castra, scopumque
Vnum virtuti, & conceptæ destinat iræ;
Humanis rebus certa est tutela, latere;
Conspicua exitio parent. Fundensque cohortes
Et densum rimatus iter tota agmina fregit,
Ferratamque metens caput, cœu gramina; messem,
In brutum è medio morientium irrepit aceruo:
Nequicquam telis imperuia corpora tentans,
Duritiem pellis cincta vndique bractea circum
Claudebat, scopulum armatum, vel mobile ferri
Dixisses pondus. Quantumuis maxima, rimas,
Quaque petantur, habent. Successerat huc Eleazar,
Vt pecudis cataphractæ vterum tentaret inermem;
Iam nil cunctatus cadere, vnâ dummodo & hostis,
Vtque exaltatâ excutiat de mole tyrannum,
Ipse premi cupidus. Sic fermè sæcula volunt,
Opprimitur bonitas, casusque ruina malorum est.
Tum turris prono ferrata euertitur armo
Cui pugio fulmen, tulit, occasumque pusillus,
Et magnus furtiuo ictu procumbit humi Mars,
Militiæ sternens alto, stricta arma, reuulsam,
Et de sub quæis incumbat sibi viscera sternens,
Ingeniosa sui vindex, moriendo seipsam
Vlcisci visa est, proprio incubæ machina letho.
Quanta Machabæis libertas! malle perire
Sic fractos, quàm seruilem traducere vitam.
Frustrata heu virtus! elephanto namque nitebant
Regia signa, at non Rex. Plerumque arma tyranni,
Non animum gestant, quantumque tiumentur, & ipsis
Formido est. Telis loricam obiecit inanem
Pectoris. Antiochum petijt, fera bellua casum
Pro rege appetijt; rectè, similis simili, imò
Illi eadem penitus, duplicis nam cordis, & excors,
Et fera vterque fuit: quam regia bestia brutis

Est elephas, brutum reges ille inter. Hic error;
 Magnamine ô martyr, tibi felicissimus ictu,
 Et iactu fausto admissus; ruit alta tyrannis,
 Decussa calcas victor sub mole, quod optas;
 Et quam fecisti, victoria quanta, trophæi
 Pondere cognoscis: mirum! noua pompa triumphi,
 Fers ipsum, quo alij ferri gaudent, elephantum.
 Non te vulgari fuerat fas funere tolli;
 Præclaram amplexus mortem spolia inter opima,
 Extinctus regem spoliis: insignia adornant,
 Quæ suppressum onerant, vel per monumenta perennis,
 Quæ tibi fecisti, tua Mausolæa sepultum
 Excipiunt, neû forte procul segmenta petantur,
 Materiem incidendo operi, tua gesta, ministrans,
 Debella to æternum ebur ex elephante parasti.



S I M O N.

Eleazari Frater.

D I P L O M A.

PRæclarè, & factum bene. Postquam Græca tyrannis
Centum septuaginta septem seruerat annis,
Orbes adde nouem Lunæ, cum plebe senatus
Iudæus, magni liber virtute Simonis,
Confessus seruatorem, hæc encomia vulgat:

Vindiciis libertatis, magnoque datori,

S I M O N I.

S A C R V M:

— Cuius prudentia nulli
Iudicio inferior summi explorata parentis,
Fratribus assedit, Consulq; & fortibus ausis
Consuluit Patria. Pietas spectata, paterna
Clausit honorificis germanaque busta sepulchris:
Totiusque rei fratris nutantia casu,
Nec vidua declinavit moderamina plebis,
Quem tamen admonuere exempla domestica, quanti
Purpu.

*Purpura stet. Prima illi in summo Pontificatu
 Depurare animos cura, optima templa, profanos.
 Militia ductor sacra eludendo tyrannos
 Aut elidendo felix, Solymaque potitus
 Acropolim, Hebraeos insuetâ pace beavit.
 Sanguinis inde urbem complexus & aris inanem,
 Munificè proprio ferrum armâque condidit auro;
 Et septis agros, & portubus aquora muniit,
 Vt terra & tutò possent sulcarier vnda.
 Semi-deo vultu similis, cultûque decorus,
 Maiestatis Athenobium radiante nitore
 Attonuit. Socianda vocans in fœdera Romam,
 Auxiliare aquila vibrauit fulmen ab vngue.
 Ingrato exceptus genero in conuiuia tandem,
 Deceptusque, suum & natorum fundere iussus,
 Morti impar, propinauit vel spontè cruorem.
 His meritis mundo ut manifesta sit amula virtus,
 Et patria quidquam siet hinc solaminis orba:
 Hac in honoratis scribi monumenta tabellis,
 Perpetuòque stylo & famâ aternante referri:
 Gazophylaciis, templorum frontibus inque
 Affigi mandant: auum gens plaudat in omne.*



IOANNES HIRCANVS,

Simonis Filius.

E P I L O G V S.

Accipient veteris finem hic testamina legis,
 Historia en orbis totum se vertit in orbem,
 Hoc claudens, iterumque nouo incipienda Ioanne;
 Occidux tandem synagogæ est Hesperus idem;
 Lucifero nascens Ecclesia surgit eodem,
 Exodio veteris, renouatæ exordia legis
 Conueniunt, hærent ambæ compagne certâ
 Paginæ, & extremis respondent prima, superno
 Consona consilio. Cardio cælestis in vnum,
 Cunctorum vt lecto compendia sine legantur,
 Virtutes pro operis cunctas colophone coëgit.
 Epilogo breuitas ne desit, triplice claudio
 Historiam verbo: Latrones perdidit ille,
 Strenua bella egit fortis, murosque refecit.
 Trilogio elogium totum complector, at olim
 Noscere posteritas plura & maiora studebit.
 Antiochum pacis septeno fœdere, terque
 Demetrium bello auertit, populumque superbum,
 Hircanos reprimens, factus sibi nominis author;
 Et palmas domitor tulit impietatis Idumes.
 Trita hæc, & passim fortè inter pensa canantur.
 Diuinus codex dum supprimit, exprimit omne
 Ioannis meritum. Summæ hæc fastigia laudis,
 Vnus post omnes, post hunc encomia nullus
 Obtinet; eximius princeps, verèque supremus

Clau-

Claudat vt humana acta, & Commentaria Diuū.
 Hâc çalamus cerâ defixus Pneumatis hæsit,
 Attonito similis. Quantæ præconia molis!
 Diuinam potuère manum lassare. Peraçto hoc,
 Ipse Dei fessius respirat Spiritus. Et tu
 Respira, & toto renoua tibi pectore vires.





IE SVS CHRISTVS.

NOVA MUNDI ÆTAS.
SANCTI.



Eleazari Filij.

Christi linea.

Mathan. Panther. Ex Leui.

Iacob. Barpanther.

S. Ioseph. S. Ioachim. S. Anna.

S. Maria Virgo. S. Ioannes
Baptista.

Iesus Christus Saluator.

1841
Jan 1
Feb 1
Mar 1
Apr 1
May 1
Jun 1
Jul 1
Aug 1
Sep 1
Oct 1
Nov 1
Dec 1

PANTHER,

Eleazar Filius,

MATHAN,

Pantheris Frater.

PARTITIO.

A Vdis? divinâ contermina nomina tandem
 Stirpe sonant, Vicini tessera Servatoris;
 Promissus qui mundo olim, dudumque negatus
 Irritat irritans vota orbis. Duplice truncus
 Prodigijs impar tantis se tramite findit;
 Et bino se stirps Eleazar stipite munit.
 Isthac Virgo parens dabitur, Virgo inde maritus,
 Diuersa è vario miracula palmite surgent:
 Hanc Patriarcharum ducit sacra linea rimam
 Jre salus intrò vt possit. Prænobile stemma,
 Vt ferat hoc germen, geminatur, germina tantam
 Ingeminant stirpem, Quæ sæcundante perempta
 Vitalique suam contraxit semine mortem,
 Virginitas; iam sæcundo sub pondere crescet,
 Nilque gravis gravidante onere, imprægnata Virago
 Virgineos fœtus fœta enitetur, & ipse
 Magna pudor parto faciet sibi scœnora partu:

Stemmatis amplexu tanti constringitur æther,
Infinita poli, terris affinia fient,
Authorem selecta suum factura creabit:
Conditor humanâ prodibit conditus aluo.
Diui nos Patres ! cuius iam lucē propinquâ
Afflati, ex interuallo splendore coruscant
Virtutis superæ. Dignâ cunabula stirpe
Censentur; facient dignam hæc cunabula stirpem.
Maxima se prodit, quod sit studiosa latere,
Dum rutilat Virtus. Mathân nil nomina præter
Pagina sacra refert; quas Panther amauit, haberet
Nunc etiam tenebras, luci defossa dedisset
Nomina nî calamus. Mundo meliora referuat,
Corrupto cælum: quò quis crudelior, ipso
Clarior hoc sæclo, augebatque infamia famam.
Imperturbatâ cum tempora pace vigerent,
Degener Hircani natus regnum inuidiosum
Fecit Aristòblus, capiensque tyrannica circum
Hoc magè perfricuit stolidam diademata frontem;
Bracteaque ignarus quantum tegat illa malorum,
Impos ut ipse sui regnet securior vnus,
Noluit esse quibus regnaret: carcere clausit
Patricios, fratrem ferro, matremque peremit
Confectam fame. At inuenit vindicta merentem,
Pectoreque egressit disrupto vena venenum
Sanguineum, quem præ vomica, mens conscia, fudit.
Iamneum matris Salomes suffecerat astus,
Fratris cæde reus, fratris nece turpè notato
Succedat. Machabæorum quo gloriâ tandem !
Cognati nunc est, hostilis prodiga quondam
Sanguinis. O Virtus quàm dilapidaris auita;
Antevolâsque breui patrimonia tempore pernix;
Pernicieque ruis facili, & veloce ruinâ !
Vix proavi retinet virtutes tertius heres ;

Et vulgò magnis amentia mentibus exit.
Hoc sæclo Fratres Mathan, Pantherque modesti,
Immodicum è Bethleem fastum fugère tyranni,
In Galilææ oras, suscepti Nazareth vrbe;
Exspectato illic Messix nidificabunt:
Inter ibi flores radix vegetabit Iesse.



BARPANTHER,

Pantheris Filius.

I A C O B,

Mathani Filius.

NAVFRAGIVM.

VOs, geminum sidus, cum Barpanthere, Iacobe,
 Augurio lucem mundo præeunte serenam
 Signatis, turbis finem, tumidisque procellis,
 Naufragium ex tuto miserum spectare beati.
 Iudæi clauum regni Iamneus habebat,
 Nauta ex naufragijs cautus, malè regna tenendo
 Regnare edoctus, velis, ventisque secundis.
 Nauigium regni lætum ibat, carbasa magnus
 Spiritus æquabátque sinus, altumque tumentes
 Exstabat tumidum fluctus, Gazanque, Diumque,
 Seluciam ac Essam, Gaulanum oneraria secum
 Plaustra remulcabat, surgente reuincta triumpho.
 Subfuit ast nimio tempestas nigra sereno,
 Nauarchus primum letho quâ merius acerbo,
 Hircanúsque alter cepit moderamina Iamnes
 Filius: ille idem proretes, atque magister,
 Coniunxit regno mitram, Subuertere pectus

Frater

Frater Aristòblus nixus, discrimine navis
 Æquali, rector si nullus dirigat, aut si
 Præfideat geminus. Pelagum vasta alnus oberrat,
 Atque alnum nautæ, nullusque obtemperat, ambo
 Cum præsent. Interque hæc aduersaria velis
 Intima dissidia, atque admissi turbinis æstus,
 Externorum insana super, sternacior armis
 Venit hyems, Zephyrus ruit Hesperio orbe citatus,
 Armeniusque Euris: Tigranes atque Lucullus,
 Excidium rixati alienum altamque ruinam
 Tentârunt, inter veniens profunda Charybdis,
 Antipater, per quas fecit discordiâ rimas,
 Immisit bellorum æstus; merfurâque damna
 Prorsus Aristòblum, ni clauo hæreret: at ille
 Obliquando sinus, cauto sese impete fregit,
 Velâque demisit, Pompeianamque redactus
 Incidit in Scyllam, rapido quæ turbine clauum
 Judæi primum disturbans cardine regni,
 Arcein cum templo, proram, puppimque reuulsit.
 Neu prodelle queat fors anchora sacra, rudentes,
 Quæis secura salus, fidei præcidit auitæ,
 Compages navis, legum tabulata resoluit,
 Quemque fatigârat longis erroribus actum
 Nausea Aristòblum, pro portu in vincula missum
 Vorticibus Romæ cæcis absorbuit, illic
 Bis submersus, bisque emeris, & in noua damna,
 Cæsare amico, respirans: demùm obritus vndis,
 Et Pompeiano fluctu, lethale venenum
 Nautæ oblata necem ferret cui nautea seram.
 Exitus hic Judæ Reges tulit, atque valentes
 Ductores Machabæorum. Miseranda pyratibus
 Romanis præda; hi, gâzas, sparsasque rapaces
 Reliquias, tempestatisque analecta tulêre,
 Iudæoque adipi Roma inuestita superbiit,

Naufragium regnis certum , discordia fratrum.
Lumina amica poli, cum Barpanthere, Jacobus,
Virgineam cœlo nauim , cui dat Mare nomen,
Empyreo ditem , totôque onerariam Olympo,
Subque gubernantis vigili custodiâ Jôseph,
Velificaturam meliore hûc alite spondent.



S. IOACHIM,

Barpantheris Filius.

S. ANNA,

Ioachimi Vxor.

EPITHALAMIVM.

CÆlo, vbi nil agis, in terras descende Hymenæ;
 Vt tua cœlum extra sanctissima copula iungat
 Cœlestes animas, concordia gaudia, cœtu
 Quam superiûm aspicias, paria, aut maiora videbis.
 En Joachim, atque Annam; Regalis stemmatis ille,
 Illa sacerdotiî deriuat origine stirpem;
 Instituat dotalis apex vt vterque nepotem,
 Pontificem reges inter, magnosque verendum
 Inter Pontifices regem. Quos fœdere cœlum
 Æterno iunxit, nodo constringe iugali,
 Cor geminum connecte, vel vnum diuide, vt alter
 Ex alio, spiret sponsus. Primordia dura
 Principio planges, cum panges: ille quaternis
 Improbis thalamus lustris, & non nisi fletus,
 Producet fœtus. Faciet mora gaudia, Mater
 Maiorem sterilis grauidò, quam mente, prehendet
 Prolem vtero, sua vota super; natura stupebit
 Nec fœtam solitis, fœtum nec legibus îsse.
 Hâc solâ extollent meritò se laude parentes,

Ætera

Æternus quod sit, quod partus originis experts,
 Et propagârint ortus abs crimine prolem.
 Carnifices alij, quàm fiant ante parentes,
 Conficiunt, dum concipiunt sua pignora, & vno
 Momento exponunt, cælo quam condidit author,
 Orco animam, vitæque simul, lethique datores.
 Sola parentis honos, nec onus, Maria subintrans
 Ornabit maternum vterum. Præfagia tanto
 Digna puerperio ne defint, omnia lætos,
 Præuenient partus. Virgo, dum templa resurgent,
 Nascetur; diuersam aram cælo Anna parabit,
 Herodes aliam reparabit. Numini in illâ
 Victima crebra cadet, sed in istâ victimâ Numen
 Ipsum erit, Et tantâ genitores prole beati
 Dum crescet, crescent, & pignore mutui amoris,
 Per natum viuent, quæis vitam accepit. Olympum,
 Dixeris ô meritò quisquis, Joachim esse penates,
 Sacra Trias illic se trina in corpora scindit,
 Vnitis animis, Genitorque, & Filia, Mater,
 Nomina distinguunt equidem, sed cœlicus, intus
 Omnibus idem ardor. Longæui vota parentes
 Excedent, magni sese cum Numinis esse
 Mirabuntur auos. Hic sisto, gaudia tanta,
 Non valeam proferre, nec illi ferre. Silebo.



S. I O S E P H.

Iacobi Filius,

VIRGINIS SPONSVS.

T I T V L I.

H Oc triplici senium titulo metire. Maritus
 Mariæ hic; lectus toto orbe videlicet, vnus:
 Tanta virago virum, virgoque vt Virginem haberet.
 Coniugium fortunatum! cui pro alite, cælum,
 Pronuba-cui Deitas, & Sanctum flammea, Flamen,
 Dos, verbam. Hæc solùm curruit fuligine teda,
 Virgineo servans Hymenæo intacta nitorem:
 Nil animas præter, strinxere iugalia vincta.
 Principium ipse amor est, mediumque, & finis amantum.
 Nil mirum Dominæ misceri nolle Iosephum.
 Virginitas crescit, sociatâ Virgine, sponsis.
 Coniugium spondet cœlestia germina cælebs,
 Prodigioque nouo sua per suffragia laudat
 Forma pudicitiam. Sic nubunt denique palmæ.
 Maiori titulo Iesu pater ille vocari
 Promeruit virgo; ac altorem pascere alumnus,
 Naturâ patrius, thalamis cum vitricus esset,
 Officioque pater, priuignum Numen adorans
 Nutriit, enutriit, quam accepit, non dedit, ille
 Seruando vitam genitor dedit, atque tuendo
 Multoties oculis genuit. Prò gloria! nati
 Patrem vnâ censere Deum, cœlique potentem

Exi-

Exiguus arctare vlnis. Hic seruat, at ille,
Dum seruit, facit ipse suum parendo parentem.
Cogit hic; exorent alii, vel Numen adorent:
Imperium, votum est patris. Quæ tertia laus sit
Filius hic Dauid faber est. Mirabile, demùm
Tam stirpe illustri quod materiarius exit,
Nobilior proavis, tantum qui stemma reuelet,
Et probet antiquam se fabro nobilitatem.
Diuinæ series ergò retrograda stirpis,
Parta Deo in fabrum, fabròque refunditur olim
In proavos reges. Cælorum prouidus ordo!
Stemmata Adam tanto primus, postremus Ioseph,
Agricola is, faber hic, peccati seuerat ille
Materiem, hic lignum secuit. Nec certè alienum
Patre ministerium Christi subit arte fabrili:
Ipse Deus faber est. Nónne & fabrile, dolare
Vastum aquor campis, orbem tornare, iugisque
Inspicere suis montes, excidere valles,
Et fabricare homines? Ergò hunc legisse parentem
Non fuit immeritum; qui fabricat omnia, nasci
Ex fabro decuit. Sua quón natalia, Christo
Indignum signant mortis genus: inter eandem
Occubuit, vixitque artem. Quid ligna, terebræ,
Malleus, & forfex, clauis? Vitæ illa ministra;
Sed conuersa dein lethi instrumenta fuere.
Respondit vitæ mors, arte domesticâ eâdem,
Qua victus, funus, cunæque, crucesque paratæ.
Vnde suæ dudùm visus proludere morti,
Incepit nascendo mori. Dauide Iosephus
Nil minor; hic fasces, soboles quos æthere nata
Collectim ligat, inter fabrilésque secures,
Imperiumque operæ latitans seruilis auitum
Officio exercet, maiestatemque verendam.
Imperio pueri cuius stant cuncta caduntque,

Virgo præest mater, matri moderatur Jōseph:
Imperii neque nomen abest, Augustus, Jōseph,
Vertitur in Latium: meritò quem Nazareth vno,
Roma suum Augustum cūm felix tēpore, iacet.
Quanto hoc imperium maius! cœlòque præesse,
Atque domi rerum Dominum seruare, potentes
Nullus opes confer. Meritum super vnus hic omne,
Non impetrauit, sed cælum exegit, aliisq̃ue
Cum dono concedatur, sua debita poscens,
Æterno hospitii cōuertit fœdere legem.
Quem dignum terris nutricia cura probauit,
Ipse suo æternūm pascatur in æthere nato.



SANCTA

SANCTA MARIA VIRGO,

Ioachimi Filia,

IESV MATER. SCVLP TVRA.

QUam spectas, Lucæ scalpellum sensit imago;
 Ast utinam calamo vitæ monumenta dedisset,
 Sacratum simulans simulachrum. Diua remouit
 Historiam statua, æthereo celebranda cœthurno;
 Maiestasque rei scriptori oblata modesto
 Officium vertit, cælique retorlit in usus
 Cælestes calamos, scalperrumque, manumque ministrans,
 Quæis cœleste recelet opus, non degener author.
 Scriptor fit sculptor, valet ars, & lignea veram
 Effigiem fingit, totoque est viuuda tractu.
 Historiam exanimi sinceram corpore discas:
 Non magè fecundus, non est facundior ullus
 Caudice, quem spectas, codex; in imagine fictâ
 Vero Euangelium figmento impletur, in omnia
 Verte oculos, & scrutantem mysteria mentem:
 Regali effigies excisa est ectypa cedro,
 Regia sic fasces virgo, fastosque fatetur,
 Vnde è viginti grauidans cui regibus arbos,
 Virgineum cœlo culmum pro culmine sacrum

Inferuit germen : virtuti seruiit ortus,
 Postera degeneres proavos vt virgo probaret,
 Ingenuis , genuina animis ; tot dotibus ingens,
 Nî stirps stipes erat , cælestem vt stipite stirpem
 Hoc vno affirmes. Truncus, quo sculpsitur, aret;
 Arente & sterili prognata est namque parente:
 Nil nisi virgineum poterat Cytheræa perempta,
 Nil nisi fœcundum sterilis producere venter.
 Peccatum hîc nullum culpes , non nodus in isto
 Cortice, nec nauius , non crimen origine ductum:
 Prototypum sequitur typus hic , turpantis Adami
 Sola lutum eluctans , vitium euitauit auitum,
 Non olet hæc figulum , figulum factura reformans,
 Et complexum illibati compendium honoris.
 Nunc eius templum statuæ , templo illa dicata est,
 Vt templis , olim coluit quæ templa , colatur,
 Atque aras æternum habitet, quæis trimula virgo
 Admota integrum despondens innuba florem,
 Illa Deo vouit , Deus illi , & prodiga sese
 Donando, prouum impetrauit , munera , cælum.
 Fabrili forma ast ligno cur nubilus hæsit?
 Num speciosa refert facies connubia fabri ?
 Grande ô coniugium ! cælebs viuerebatur uterque,
 Sic cælorum animæ ; quæis expers corporis usus,
 Sic statua hæc nubat. Sterilis nec tædia tedæ
 Suspicias , proles matris subnixa lacertis,
 Et ludens gremio fœcundi gaudia partus
 Applaudit. Surgunt trunco duo corpora eodem;
 Fors dubites vtrum ex alio nascatur , & illa
 Nara Deo est, genuitque Deum, peperitque parentem,
 In noua captiuum constringens fœdera cælum,
 Et matri natus , natôque reciproca mater
 Illa Ancilla Dei, atque parens , & filia , sponsa,
 Quantâ cælum orbi , atque orbem compagine cælo

Irrogat is, latè orbi continuò erogat illa.
At cur funereo cultu velauit amictos
Cæsaries vtrîmque humeros, stantemque, sitûque
Deiectam statuit, medióque dolore dolauit?
Nempe crucem iuxtâ sic stabat. Funera nati
Pertulit vt statua, vt genitrix & femina sensit,
Femineâ in statuâ, robur, sensusque probatur.
Cum cruce cur ligno simili, cur cedrina facta est?
Forte crucis toto successit pectore signum,
Et tenui tenera inuestiit præcordia libro,
Et rigido riguit nimis externata dolore?
CruX oppôsta cruci crucis altum perstitit instar;
Indeiectam animam cruciatu animûmque volutans.
Quid magis argutè fata exprimat vltima? nempe
Incorrupta cedro statua, est typus incorrupti
Corporis, vt numquam mortis mulctata tributo
Mortem abs interitu tulerit, bustum absque fauilla,
Nil sensit pœnas moriens, quas vita redemit,
Lethum adeò lætum. Diuina est sanctio, cuncta
Vt pereant, quoduis natum istâ lege tenetur
Damnatum. Quin tandem etiam mors vltima rerum,
Omnia mortua cum fuerint, morietur & ipsa;
Parcæ adeò sibi non parcunt. At cedrina radix
Iacturam reparans, quam noxia planta ferebat,
Condidit æterno melius sua robora ligno
Hæc periit sola, haud putruit, flore florida surgens,
Communes manes, & terram hylit hiantem.
Ne labor extremus desit trans astra vehatur:
Est sua pompa Herôinæ, stat fronte corolla,
Inque triumphalem præcingens tempora ritum,
Ritè coronat opus, simulachri summa coronis;
Alta paludatis vestigia lambit in oris
Palla nitens, sic procedens atque aëra calcans,
In cœlum venit, quondam quod venerat ad se,

Et vera incessu patuit Dea ; sed Dea certè,
Quæ cælumque solo, cæloque solum intulit ; vnde
Despiciens terras , folio contermina Diûum,
Terque Augusta sedet , moderante tonitrua dextrâ,
Imperium empyreo fascesque indepta secundos.
Materno deprompta animo cælestia terris,
Virgineoque sinu gazas, pia dona, profundit,
Porrigit ignaris , donatque optantibus, vltro
Ingerit ingratis: miser hâc est nemo relictus,
Nî miser esse velit. Testis vel imago loquatur:
Hinc pulsus nemo est vacuus, frustraue precatus,
Vt dubites ? non incassum Turca ipse rogauit.



SANCTVS

IOANNES BAPTISTA,

Virginis ex consobrina nepos.

PRÆCONIVM.

Quod digito monstrat, Præconem Numinis audis?
 Iam iam aderit. Nemo maior, sed nec minor vllus
 Hoc præcone fuit, supremus in orbe Prophetes,
 Ultimus, & solis præcurrens Lucifer ortum,
 Luciferi vesper. Cælo munire salutis
 Dum conatur iter, noxarum, poenitet, orbi,
 Sacra lauiacra dedit, panditque in imagine viuâ,
 Quantus Messias esset, mensuraque divûm,
 Et Christo factus Christus, Mystesque sacrandò
 Messix, quem lustravit lustralibus vndis
 Lustratorem orbis, dubio Jordane lauaret,
 Anne lauaretur, cælesti nobilis ex quo
 Labitur Eridano fluuius non invidus, ille
 In cælum ablatus, sed huic cælestia sese
 Illapsa infudêre. O quantus, quantiulus, inquam;
 Joannes! nihilo se frustrâ æquare laborans
 Contendit nemo fieri, & quàm cælitus auctus,
 Tam se diminuit, quicquid omnipotentia certans,
 Quantum ille augenti se comminuendo resistit,
 Tam frustra sese minuentem, vt vinceret, auxit.
 Fortè Agnum more agnino vulgârît, an ore?

Obsequij vix se reputauit ad infima dignum,
Nimirum maior seipso, qui dignior vnus
Et primus cunctis, soli que Deo esse secundus,
Indubio præco Christo præcone probatus.
Vocalis magis hoc nemo, haud taciturnior alter,
Vix conceptus erat, patremque silere coëgit,
Vix natus fari secreta oracula iussit.
Visceribus matris nondum formatus adorans
Nutibus excepit, quem senserat hospitem in alui
Virginæ thalamo, captiua repagula pulsans,
Vel tunc clamorosus, tardantis tempora partus
Incrépuit, sensu geminas rimante latebras;
Non pressit sterili saliens sua gaudia claustro.
Virgineo hos sterilis debebat foetus honores.
Vix vtero egressus secessit in auia eremi,
Hirtus, ieiunus, vigil, austerique cameli
Exuijs asper, tinctis meæ agreste locustis
Cui victum faceret tenuem, didicitque tacendo
In muto nemore inter muta animantia mutus,
Quæ sanctam quondam linguam eloquiumque decerent.
Altiùs hoc nemo fatus, non altiùs alter
Conticuit, nullus Vate isto diutius infans.
Tandem nil nisi vox, è desertoque disertus,
Prouenit cæli tuba, totius organa mundi:
Omne malum insectans, regales terruit aulas.
Truncum etiam caput inclamans, mensasque laceffens
Crudele in medias vbi ferculum obambulat escas,
Se morti viuam vox decollata probauit;
Hac præco vitæ sublatu morte, profundus
Vt sis, adinonuit, totum caput ipse minutus.
Messias instat; sed adest, procumbe, viator.

IESVS CHRISTVS,

Dei, & Virginis Filius.

M E T A.

S Istimur, Assertor tibi clementissime, tandem;
 O mega emensi primūque voluminis Alpha;
 Nec Te contacto iam longius ibimus. Et quò
 Procedat, qui Te accedit, meta vltima rerum?
 Ipse Tux princeps, & meta nouissima stirpis,
 In matris proauis numeras, serò edite, pridem
 Sexaginta tribus Patriarchis stemma coruscum,
 Atque tribum claudis, quā non est notior vlla,
 Nulla est nobilior; Reliquas cariosa vetustas
 Patricias vnā stirpes commendat, & aufert,
 Eduntur simul, vnā tempore eduntur edaci.
 Tu novus, ast antiquorum antiquissimus exis,
 Maiores, sed maior, habes, seròque futuros
 Omni tuo spectas. Seuisti nobilitatem,
 Quam meteres; in Te redijt, quæ fluxerat à Te.
 Cælestū tu meta operum, mortalia cælo
 Et mirū, deuinxisti cælestia terris,
 Et Deus humanam sumens ex virgine carnem,
 Prodigium complēsti, vnum quod defuit orbi.
 Tu meta antiqui, renouati temporis auspex,
 Summo solstitio, hibernæ sub frigora noctis
 Annoque extremo natus, solem fugientem
 Exoriens, vmbrarūque incrementa moratus,
 Lapsū anni prohibens, sæcli veterisque, nouique
 Spectator medius venisti, interque calaris :

Nec falsus Janus, pacem rex pacifer altam
 Recludens furui claufisti limina Ditis.
 Tū ſuprema omnis meta es, Tu culmen honoris:
 Contacto retro Reges ceſſere beato
 Aſtrononꝑi ſtabulo: quis faſtus explicet vltra?
 Pro freno hīc iacuit ſternace ſuperbia ſœno.
 Aſtorum reges ſectanea turba nouorum,
 Quæritis excelsis fruſtrā præſepia in aſtris,
 Vilibus hæc ſi non colitis præſepibus aſtra.
 Scitè igitur proni caputū decora alta ruentes
 Ante pedes miſere Tuos, non inſcij honorum
 Vnum principium, ſummam ſe tangere metam.
 Moſaica legis Tu meta, grauiffima iura,
 Cultellos, circum Tua circumciſio cidit.
 Et ſpacia emenſæ ſynagogæ iuamœnia metendo
 Metaſti, cultris lapidē pro limite figens.
 Te gaudiſa ſuam ſapientia tangerē metam,
 Fontemquē, & finem, Verbi te mole probaſti
 Ante annos ſapiens, & vir puerilibus annis,
 Cui Pharifæorum duodenni exedra reuulſa:
 Rabbini Tequē audito, cū cuncta docerent,
 Nil agnouerunt ſe ſcire, infante magiſtro,
 Sequē eſſe infantes. Te inferna potentia metam
 Sulpicit; huic ſolâ ſolis congreſſus arenâ,
 Deſerti arbitrio, ieiuno gutture fauces
 Præfocaſti auidas, damnatamquē ille regeſſit
 Attritus frugem, vacuâquē vt ſilibet aluo,
 Viruſque exermis, tua inedia vicit inertem.
 Et meritò æternis fomentum ardoribus uſtum,
 Corruptam veluti Veſtalem, è rupe reuellens
 Feciſti, vt, quondam qui Lucifer, Heſperus eſſet,
 Tu peccati meta, ingreſſus Jordanis vndaſ,
 Purgaſti, vt poſſint noxarum tergere labes:
 Et velut Alcīdis, fluctu mergente, columnâ

Vndarum incurſus tempeſtatemque coërces ;
Votorum Tu meta mihi , Tu totius orbis
Et votum & vita es , patriumque merendo benignus
Peruadens mundum largaque in munera numquam
Deſeſſus dextrâ , in vindictam & crimina lentis
Sæpè fatigatus pedibus : cui cura precantùm ,
Et tardum peccantùm odium. Tu meta peremptæ ,
Vitæ author , mortis , conuerſæ talio ſortis
Funestum poſtquàm ſtadium ſtudioſa peregit ,
Quo nata eſt ligno , mortem confeſcit eodem ;
Quoque prius mota eſt in limite ſiſtere iuſſa eſt.
Viſceribus poſtquam tremulis Te terra recepit ,
Perſenſitque nouum , veterem auris reddidit Adam,
Quin Tua Te iactat , quæ per Te eſt , gloria , metam ,
Scitque Orci poſtes dextrâ eluctaſſe cruentâ.
Auდიſti Patriarcharum pia vota gementium ,
Et ſtygio lare ſubdiſti , empyreoque locatos
Securâ æternum Proavos mercede beaſti.
Et queis inſtemus , veſtigia monte relinquens ,
Tam facilem feciſti aditum , vt ſit velle , volare.
Hic igitur ſiſtens , meta optatiſſima rerum ,
Claudo opus , hoc vno rectum , quia pertigit ad Te ;
Nempè à Te quicumque errat , nimis ille deerrat.
Festivum hic tutâ facio ſtatione celeuſma ,
Inque auram ætheream foliorum carbaſa pendo.
Emeritus ſedeat calamus , velut anchora portu.

F I N I S.



I N D E X.

Quo Patriarchæ, seu veri Christi Gentiles à præter-linearibus Charactere, ordine diuerso, & numeris adnotatis, secernuntur.

PRIMA MVNDI ÆTAS.

Pueritia.

PASTORES.

1	Adam, Terræ filius.	Ænigma.	fol.	1.
	Cain, Adami filius.	Epitaphium.	fol.	3.
	Abel, Adami filius.	Tumulus.	fol.	5.
	Henoch, Caini filius.			
2	Irad, Henochi filius.	}	Censura.	fol. 7.
	Maniæel, Iradi filius.			
	Mathusael, Maniæelis filius.			
	Lamech, Henochi filius.		Vaticinium.	fol. 9.
	Jabel, Lamechi filius.		Protopopœia.	fol. 11.
	Jubal, Lamechi filius.		Nænia.	fol. 12.
	Tubal, Lamechi filius.		Antithesis.	fol. 14.
2	Seth, Adami filius.		Similes.	fol. 16.
3	Enos, Sethi filius.		Encomium.	fol. 17.
4	Cainam, Enossi filius.	}	Opposita.	fol. 19.
5	Malaleël, Cainami filius.			
6	Jared, Malaleëlis filius.		Expostulatio.	fol. 21.
7	Enoch, Jaredi filius.		Cenotaphium.	fol. 23.
8	Mathusales, Enochi filius.	}	Eucharistiçon.	fol. 24.
9	Lamech, Mathusale filius.			

I N D E X.

SECUNDA MVNDI ÆTAS.

Adolescentia.

M I L I T E S.

10	Nöe, Lamechi filius.	Anathema.	fol. 31.
	<i>Cham, Nöe filius.</i>	Diræ.	fol. 33.
	<i>Nembroth, Cham nepos.</i>	Gygentomachia.	fol. 35.
11	Sem, Nöe filius.	Statuæ.	fol. 37.
	<i>Iapheth, Nöe filius.</i>		
12	Arphaxad, Semi filius.		
13	Salem, Arphaxadi filius.		
14	Heber, Salemi filius.		
15	Phaleg, Heberi filius.	Catalogus.	fol. 39.
16	Reu, Phalegi filius.		
17	Sarug, Reui filius.		
18	Nachor, Sarugi filius.		
19	Thare, Nachoris filius.		
20	Abraham Thares filius.	Narratio.	fol. 42.
	<i>Ismael, Abraham filius.</i>	Allegoria.	fol. 44.
	<i>Loth Abraham fratris filius.</i>	Topographia.	fol. 46.
	<i>Lothi Vxor.</i>	Metamorphosis.	fol. 49.
21	Isaac, Abraham filius.	Tragœdia.	fol. 50.
22	Iacob & Esau, Isaaci filij.	Monita.	fol. 52.
	<i>Dina, Iacobi filia.</i>	Insidiæ.	fol. 55.
	<i>Tribuni duodecim, Iacobi filii.</i>	Somnium.	fol. 57.

TERTIA

I N D E X.

TERTIA MVNDI ÆTAS.

Inuentus.

D V C E S.

23. Judas, Iacobi filius.	Etymon.	fol. 63.
<i>Ioseph Iacobi filius.</i>	Eulogium.	fol. 65.
24. Phares Judæ filius.	Prodigia.	fol. 69.
<i>Iob Esau pronepos</i>	Monomachia.	fol. 72.
25. Efron, Phareli filius.	Aulicifinus.	fol. 75.
26. Ramus, Efronis filius.		
27. Aminadab Rami filius.		
<i>Moses Leni nepos.</i>	Apotheosis.	fol. 78.
<i>Aaron Moses frater.</i>	Parænesis.	fol. 81.
28. Naason, Aminadabi filius.	Exemplar.	fol. 83.
29. Salma, Naasonis filius.	Gratulatio.	fol. 85.
<i>Iosue ex Iosepho.</i>	Triumphus.	fol. 88.
<i>Samson ex Dano.</i>	Idæa.	fol. 91.
30. Booz, Salmæ filius.	Mysterium.	fol. 95.
31. Obed, Boози filius.		
<i>Gedeon Iosephi nepos</i>		
<i>Iephthæ Iosephi nepos.</i>	Argumentum.	fol. 97.
32. Iesse, Obedi filius:	Monumentum.	fol. 100.
	Clausula.	fol. 103.

VIRILIS MVNDI ET

Quarta Ætas.

R E G E S.

33. Dauid Iesse filius.	Exegesis.	fol. 109.
<i>Samuel, ex Iosepho.</i>	Epitheta.	fol. 113.
34. Salomon Dauidis filius.	Scylla.	fol. 116.
	35. Roboam	

I N D E X.

35. Robbam, Salomonis filius.	Parallela.	fol. 121.
36. Abias, Roboani filius.	Edictum.	fol. 123.
37. Afa, Abiaz filius.	Rogus.	fol. 125.
38. Iofaphat, Afae filius.	Tribunal.	fol. 129.
39. Joram Iofaphati filius.	Sententia.	fol. 132.
40. Ochozias, Iorami filius.	} Saxifragium.	fol. 134.
41. Ioas, Ochozie filius.		
42. Amasias, Ioae filius.		
43. Ozias, Amasiae filius.	Gryphus.	fol. 136.
44. Ioathan, Oziae filius.	Legatio.	fol. 139.
45. Achaz, Ioathani filius.	Historia.	fol. 142.
46. Ezechias, Achazi filius.	Index.	fol. 145.
47. Manasses, Ezechiae filius.	Exomologesis.	fol. 151.
48. Amon, Manassis filius.	Symbolon.	fol. 156.
49. Iofias Amonis filius.	Epitaphion.	fol. 157.
50. Eliacim, Iofiae filius.	} Reuolutio.	fol. 160.
<i>Ioachaz, Iofiae filius.</i>		
<i>Sedechias, Eliacimi frater.</i>		
<i>Sufanna, Helciae filia.</i>	Sortitio.	fol. 163.
<i>Sufanna, Helciae filia.</i>	Admonitio.	fol. 165.
51. Jechonias, Eliacimi filius.	Threni.	fol. 169.

Q V I N T A M V N D I Æ T A S.

Senectus.

S O L I T A R I I.

52. Salathiel, Jechoniae filius.	Isagoge.	fol. 177.
53. Zorobabel, Salathielis filius.	Mythologia.	fol. 180.
54. Abiud, Zorobabelis filius.	Genethliacum.	fol. 183.
<i>Efdra, ex Leni.</i>	Miranda.	fol. 185.
55. Eliacim, Abiudi filius.	} Academia.	fol. 187.
56. Azor, Eliacimi filius.		
		57. Sadoch

I N D E X.

57	Sadoch, Azoris filius.	Echo.	fol. 190.
58	Achim, Sadochi filius.	Vices.	fol. 192.
	<i>Iesus Siracides.</i>	Memoria.	fol. 195.
59	Eliud, Achimi filius. }		
60	Eleazar, Eliudi filius }	Consolatoria.	fol. 197.
	<i>Eleazar Protomartyr, ex Levi</i>	Concio.	fol. 199.
	<i>Salomona Mat. Machab: ex Levi.</i>	Icon	fol. 202.
	<i>Razias ex Levi.</i>	Ethopœia.	fol. 205.
	<i>Matathias ex Levi.</i>	Nemesis.	fol. 208.
	<i>Iudas Machab. Matathia filius.</i>	Trophæa.	fol. 211.
	<i>Ionathas, Iudæ frater.</i>	Polyticon.	fol. 214.
	<i>Eleazar Ionathæ frater.</i>	Emblema.	fol. 218.
	<i>Simon Eleazari frater.</i>	Diploma.	fol. 221.
	<i>Ioannes Hircanus, Simonis filius.</i>	Epilogus.	fol. 223.


SEXTA ET NOVA MVNDI ÆTAS.

S A N C T I.

61	Panther, Eleazari filius. }	Partitio.	fol. 229.
	<i>Mathan, Pantheris frater.</i> }		
62	Barpanther, Pantheris filius. }	Naufragium.	fol. 232.
	<i>Iacob, Mathani filius.</i> }		
63	S. Joachim, Barpanth. filius. }	Epithalamium.	fol. 235.
	S. Anna, Ioachimi vxor. }		
S.	Ioseph, Iacobi filius.	Tituli.	fol. 237.
	Sancta Maria virgo, Ioachimi fi-		
	lia, Christi Mater.	Sculptura.	fol. 240.
S.	Joannes Baptista virginis ex		
	Consobrina nepos.	Præconium.	fol. 245.
	Iesus Christus Dei & Virginis filius.	Meta.	fol. 247.

F I N I S.














184

7

26

